

WANTOK

Niuspepa bilong yumi ol PNG stret!

Wan Wik, Jenuari 20 - 26, 2005 NAMBA 1592 K1 tasol



**Ol wina bilong Kalaring
Kompetisen stap insait long pes 8**

Skul meri kilim em yet

...bikos famili pusim
em long marit

Yakam Kelo i raitim

DAI bilong yangpela gret 10 skul meri i kamapim bikpela bel kros tru long komyuniti na Minista bilong Komyuniti Dvelopmen Dame Carol Kidu long dispela wik. Dispela dai i kamap taim tingting bilong dispela yangpela meri i bagarap bikos pasin bilong givim em long maritim man i no bihainim laik bilong em we em i kilim em yet. Dispela i no wanpela liklik samting, Dame Carol Kidu i tok hat long dispela.

Wanpela asples man long Gaire ples long Sentrel provins i tokim Wantok olsem long las wik Trinde wanpela bikpela anti i bin go long ples long toktok wantaim famili papa bilong ol olsem wanpela bikman bai i kam long haus bilong ol na stretim toktok long maritim wanpela yangpela pikinini meri bilong em. Bikman ya i gat tupela twins pikinini meri.

Plesman ya i tok taim papa na anti i singautim yangpela meri ya i go long tokim em, em ino wanbel na ol i

tok hat i go i kam we yangpela meri ya i kisim tablet marasin na dring. Taim ol i kisim em i go long Mosbi Jenerel Haus Sik em i dai long rot olsem na ol i go bek long ples.

Bikman ya i tok long Fonde moning papa bilong meri ya i go long Mosbi na go bek wantaim bokis bilong putim dai bodi. Ol ples lain i ting papa ya i go lukim bikman ya na tokim em long dai bilong pikinini meri na kisim mani bilong baim bokis.

Long Fraide 14th Jenuari 2005 moning dispela bikman i bin kamap long ples long haus kraai na tokim ol pipel olsem em i wanpela pren bilong ol na i laik helpim dispela famili wantaim skul fi. Tasol ol lain long ples i no amamas na belhat long em olsem na em i lusim haus kraai na go bek long Mosbi siti.

Dispela ples man i tok ol i save olsem dispela bikman i bin go long ples long krismas na dring long haus bilong anti ya na i mas luksave long dispela yangpela meri.

I go moa long pes 2



• Ol pikinini long Panga we solwara i bagarapim long Indonesia i karim ol saplai we helikopta bilong Amerika i go givim ol. Ol saplai kaikai na wara na marasin i go long helpim planti tausien pipel i kisim bagarap long sunami.

Poto Panos Pics/ Dermot Tallow

Contex

DIGITAL DVD PLAYER
Model: DV-3858

- Totally compatible with DVD/SVCD/VCD/DVCD/CD/MP3
- High Quality Picture & Sound
- DTS Digital Output
- Multi Angle Viewing
- Hi Definition System
- Karaoke Function

K 349⁰⁰

VCD/MP3/ DVCD/CD PLAYER

Model: VCD-2009

- Compatible with MP3
- Digital Karaoke Function
- LCD Display
- Super Error Correction
- PAL/NTSC
- Picture Zoom Function

K 199⁰⁰

VCD WALKMAN

Model: V-802

- Compatible with VCD/CD/CD-R/MP3
- Key Function
- LCD Display
- Multi Play Mode
- PAL/NTSC
- Infra red Remote Control

K 239⁰⁰

Brian Bell
Shop with a friend



WHOLESALE ENQUIRES WELCOME

Buy Wisely !! These quality products are backed by Brian Bell's warranty, Spare Parts and Service.

PLAZA 325 5411 HOME CENTRE CITY, GORDONS 325 8469 LAE HOMECENTRE CITY 472 3200 GOROKA 732 1622 KOKOPO 962 9027 MT HAGEN 542 1999 MADANG 852 1899

Polis Ripot

Nu Ailan:

POLIS long Nu Ailan i wok long painim man husat i bin kilim dai narapela man. Dispela em namba wan man ol i kilim em i dai long provins long dispela nupela yia.

Provinsel Polis Komanda bilong Nu Ailan Benedict Bensir i tokaut long nem bilong daiman olsem Jeffrey Ganang husat Abel i gat 26 krismas. Em i bilong ples Pinikidu long Konos eria bilong Nu Ailan provins.

Mista Bernsir i tok daiman ya i bin wok long dring wantaim ol poroman bilong em long Rawal setelmen long Kavieng taun na wanpela man i bin go na kirapim tok kros na pait wantaim Mista Abel. Na man ya i bin autim wanpela poket naip na sutim Mista Abel long bel. Man i bin ronawe na tupela poroman i bin kisim Mista Abel i go long haus sik tasol em bin dai taim ol i go kamap.

Nesene Kapitel Distrik:

Ol raskol i bin kisim ka bilong wanpela man na ronawe wantaim bihain long papa bilong ka i lusim tripela meri long haus bilong ol bihain long pati las Sarere, polis ripot i tok.

Long dispela tu, polis i salim strongpela tok long ol lain i save go long pati na go bek leit long lukaut long hevi na birua ol i ken kisim.

Polis ripotn i tok man ya i wok long lusim tripela meri long haus bilong ol long Gerehu bihain long pati taim ol raskol i holim em ap na stilim ka i go.

Bos bilong ol polis long NCD Tony Wagambie i tok ka ya em i gat marun kala na em i wanpela Nissan Sunny na ol i no painim yet.

Long wankain taim tu, polis long NCD i wok long painim man husat i bin paitim dai meri bilong em long Nu Yia, bos bilong ol polis long NCD Tony Wagambie i tok.

Mista Wagambie i tok man i bin paitim nogut meri bilong em taim em na mama bilong em i no laik kalap long teksu bikos em bin pulap pinis.

Helpim Esia

SAPOS yu laik givim liklik mani long halivim ol turangu i kisim bagarap, yu ken putim mani bilong yu i go long ol dispela ples:

PNG RED CROSS SOCIETY

Akaun Nem: PNG Red Cross Society Asia Tsunami

Benk/Akaun #/Brens:6000 947 066, WESTPAC Waigani

1001 035 135, BSP, Port Moresby

Telepon namba: 325 8577 / 325 0617

Kontak Manmeri: Jacqueline Boga (Secretary General PNGRCS), Vini Talai o Hilda Wayne

CARITAS PNG

Akaun Nem: Southeast Asia Tsunami Appeal

Benk/Akaun #/Brens: 717856801, WESTPAC, Waigani

Telepon namba: 325 6255 / 325 6485

Fax namba: 325 9626

Kontak Manmeri: Raymond Ton (Deputy National Director, CPNG)

Bung wantam long kamapim bel isi

...Bikpela samting pastaim long Bogenvil kirapim atonomi

Veronica Hatutasi i raitim

BIKPELA singaut i go long ol pipel bilong Bogenvil long kamapim bel isi na sekan pasin na yunait na kirapim nupela otonomi gavman.

Bogenvil Gavana John Momis taim em i kisim Mama Lo long han bilong Nesene Gavman insait long wanpela seremoni long Arawa i bin tok dispela Mama Lo bilong bai i no inap long wok gut sapos ol pipel i gat bel hevi yet namel long ol na ol i no bung wantaim.

"Mipela i mas lusim tingting rong bilong ol birua bilong yumi, kamapim bel isi na sekan wantaim ol lain i wokim rong long yumi. Mama Lo ino inap long wok sapos ol pipel i no wok bung wantaim. Na tu, sapos ol i no lusim tingting long rong ol i gat long wanpela narapela. Kamapim bel isi pasin na yunait na wok wantaim olsem long taim bilong pait na taim bilong ol negosiesen i kam inap tude," Gavana Momis i tok.

Long wankain taim tu, Presiden bilong Bogenvil Pipel's Kongres na siaman

bilong Bogenvil Konstitusenel Komisn Joseph Kabui taim em mi luksave long Nesene na Bogenvil Gavman long pinisim gut ol wok we kaikai bilong en em dispela Mama Lo ol i givim long Bogenvil las wik, i bin salensim ol Bogenvil pipel long yunait na kamapim mkaikai wanem samting i stap insait long Mama Lo.

Em bin tok strong long ol lain i stap ausait yet long wok bilong painim gutpela sindaun long Bogenvil long putim han wantaim olgeta narapela Bogenvil manmeri husat i skruim dispela wok i stap na klostu provins bai kamapim nupela gavman.

"Mama Lo yumi kisim tude na wokim dispela seremoni i stap long Arawa i ansaim kwesren bilong independens Kwesren nau i stap em mi bilong ol pipel bilong Bogenvil long mekim ol samting i stap long em i kamap tru. Mi salensim ol lain i stap ausait long wok bilong painim gutpela sindaun i kam insait nau bikos olgeta askim na kra i bilong yumi em Nesene Gavman i givim long yumi pinis. Samting PNG i wokim i narakain bikos

nogat narapela kantri long wol i ken larim pipel bilong em i vot aninit long referendum long bruk lus.

"Dispela Mama Lo bai nogat mining long en sapos ol Bogenvil pipel yet i no inapim sait bilong ol," Mista Kabui i tok.

Em bin tok ol salens i stap yet i bikpela na em i singaut long ol pipel long klinim baksait bilong olo pastaim. Ol bikpela samting we i stap na Mista Kabui i askim ol pipel long wok hat nau long mekim em long rausim ol rotblok, pinisim wok long lusim na bagarapim ol gan na ol arapela samting moa.

Ekting Prait Minista Sam Akoitai i bin go pas long grup i makim Nesene Gavman long dispela seremoni.

Ol arapela Minista na bikman i bin stap insait long seremoni em long Saut Bogenvil memba husat i Edukesen Minista Michael Laimo, Inta Gavman Rilesens na Bogenvil Afeas Minista Sir Peter Barter, ol Bogenvil lida, lain bilong Bogenvil Interim Provinsel Gavman na ol pipel bilong Arawa.

Skul meri kilim em yet

...I kam long pes 1

Dispela bikman i tok las wik Sarere 15, Jenuari 2005, em taim bilong dispela bikman long go long ples na kisim dispela yangpela meri i go. Em i tok ol pipel i ting olsem bikman ya i givim mani pinis long papamama bilong yangpela meri ya olsem na em i redi long kisim em na maritim em long las wik Sarere.

Em i tok pastaim long meri ya i kilim em yet, em bin tokim planti lain bilong ples long dispela stori olsem papamama na anti bilong em i wok long stretim rot bilong givim em long wanpela bikman long Mosbi. Olsem na olgeta pleslain i save long dispela stori.

Bikman ya i tok ol ples lain i pret bikman ya bai go bek na askim long bekim mani bilong em bikos meri em laikim i dai pinis na susa bilong meri ya i stap yet.

Dame Carol Kidu i tok planti taim mi harim ol stori bilong ol meri i save dai o het bilong ol i paul bikos ol famili i pusim ol long marit na tok em i bihainim pasin kastom tasol bel na tingting bilong meri tru i no save laikim dispela. Dame Carol i tok dai bilong dispela yangpela meri we em i kilim em yet i no ken go nating bikos pasin we i mekim skul meri ya i kilim em yet i bikpela trabel tru.



Wina...Yangpela Hubert Kaupa bilong Jubilee Sekenderi Skul i laki long winim K500 Wantok Niuspepa i givim long kalaring kompetisen we Hubert i bin winim. Em i sanap wantaim Edita bilong Wantok Niuspepa Yakam Kelo (Ilephan) na mama bilong em Stella (namel). Mama bilong em i amamas tru.

Poto: NEVILLE CHOI



Pablik givim tingting long makim rais prais



MIPELA i lonsim pinis komyuniti kempen bilong mipela egensim pasin bilong bagarapim ol pikinini. Planti long yumi i no klia long wanem kain samt- ing i ken bagarapim ol pikinini.

Tasol planti long mipela i no save olsem pasin bilong salim pikinini i go baim smuk na buai i ken bagarapim ol pikinini tu. Nau em i taim bilong senisim pasin nau. Ol pikinini em ol taim bihain bilong kantri. Yumi mas lukautim ol.

Yupela napim tu o? Wanpela mausman bilong ol bosman bilong mipela yet hia long Wantok Niuspepa em i wanpela hap man bilong kaikai buai tru ya. Long Tunde, em i raun i go long taun wantaim ol niusman bilong mipela na mekim liklik wok. Bihain ol i go daun long buai maket na kaikai buai i stap. Man, ai bilong olgeta long maket i op nogut tru long lukim dispela wait- man i kilim buai i stap.

Lewa bilong draiva bilong mipela klostu i kalap i kam aut long bros bilong em. Em i go long taun long kisim ol wokman na yu save, stail bilong ol PNG draiva, maski i gat ka long baksait, ol bai stop namel long rot na kisim ol pasindia bilong ol. Tasol dispela taim em i stop na kirap nogut long ka bak- sait i hon long em. Em i tanim na klostu tewel bi- long em i ronawe - wanpela Australia polisman i sindaun long ka bilong em na pes drai i stap.

Wanpela wantok i askim, sapos mipela i lukim ol polisman i werim polis yunifom na kaikai buai long pab- lik, mipela i ken kotim ol tu? Bai ol i kisim wanem kain mekimsave stret? Mista Inguba, askim ya mipela i tro- moi i go long yu nau. Inap ol polisman na meri bilong yumi i soim tru wok bilong ol na pinis long kaikai buai taim ol i werim yunifom o sindaun long polis ka?

Long olgeta hap bilong kantri nau, ren i wok long pundaun kapsait, ol ka i wok long indai long sait bilong rot, na nau ol hul namel long rot i wok long soim klia ol sap sap tit bilong ol we ol i save yusim long daunim wit bilong ol ka. Taim i nogat ren, das i pulap long maus bilong ol. Na nau ren i kam na wasim rausim, ol maus bilong ol i op olgeta. Ol i mas singaut long ol taun kaunsel lain long givim ol kaikai ya.

Klostu bai taim bilong skul gen na ol sumatin i mas redim ol yet long narapela yia. Bai i gat ol gutpela taim na ol hatpela taim, tasol ol i mas skul gut na wok strong long stretim rot bilong gutpela sindaun bilong ol, na ol pikinini bilong ol long bihain taim.

Ol dispela ol sumatin bai i go long yunvesti o ko- lis nau, noken lukim olsem yu stap longwe long papamama na bikhet o larim ol poro pulim yu i go insait long kainkain pasin nogut we i ken bagara- pim skul na sindaun bilong yu. Sanap strong long wanem papamama i bin lainim, long pasin bilong wokabaut wantaim daunpasin, tingim ol arapela, na noken surik long ol gris bilong graun, na bai yu amamas bihain.

Maisan Pahun i raitim

DIPATMEN bilong Independent Consumer na Competition Commission (ICCC) nau i putim aut wanpela pepa we ol pablik i ken givim tingting bilong ol long mak bilong prais bilong rais.

Eking Komisina bilong ICCC Thomas Abe i tok olsem aninit long seksen 10 bilong Price Regulation Act (Lo), lo i orait long ICCC long karimaut luksave long makim prais bilong rais. Na long karimaut dispela luksave long makim prais bilong rais ol pablik, se holda, bisnis haus na gavman ejensi i mas givim tingting bilong ol.

"Sapos i gat inap kompetisen long maket, em bai i nogat nid long ICCC long makim prais bilong rais," Mista Abe i tok.

Taim ol pablik i salim tingting bilong ol i kam insait bai ICCC i ken tok olsem prais bilong rais i no inap senis. Na sapos i nogat planti

kompetisen long prais bilong rais insait long kantri bai ol ICCC i no inap long mekim wan- pela han lo bilong makim prais bilong rais.

Rais nau i stap nambawan kaikai bilong planti manmeri na ol haus insait long kantri. Na tu planti manmeri long ol ples i les pinis long kaikai kaukau, taro, saksak na save laikim rais tasol.

Ol kampani we i wokim na salim rais insait long kantri nau em Trukai Industri we i mekim samtng olsem 90 pesen (%) long ol rais pro- dak insait long PNG maket. Narapela kam- pani we i bosim 5% bilong rais saplai long PNG maket em Goodman Fielders interna- tional. Narapela 4% em ol liklik bisnis industri na 1% em ol lokal rais fama bilong PNG i save kamapim. Planti bilong ol dispela kampani i kisim rais i kam long ovasis na bihain ol i putim long paket na salim long ol stua.

Trukai Industri i saplai 20% bilong ol rais

em yet i milim na prosesim long PNG na 80% em ol salim i kam long ovasis na trukai PNG i putim long paket na salim gen.

Ol narapela kaikai olsem flaua, tin kaikai na fres mit bai ICCC i kamapim sem kain luksave long bihain taim long makim prais bilong ol. Aninit long dispela luksave progrm bilong rais ICCC bai kisim save long sekim ol rais prodak, was long rais prais na makim ol wan- taim ovasis prais mak.

Sapos ol pablik, gavman ejensi, industri o stua i laik givim tingting bilong ol long hau prais bilong rais i mas stap, ol i ken go long opis bilong ICCC long Garden City Boroko o ringim ol. Olgeta pepa i mas go in long ICCC pastaim long 25 Febuari 2005.

Independent Consumer & Competition Commision em wanpela gavman ogena- esen we i save bosim na lukautim ol prais bilong kaikai na sevis insait long kantri.

Ol kopra groa autim bel hevi bilong ol

Sua Kilis i raitim

WANPELA kopra na kakao fama long Is Nu Briten i wok long bungim sapot bilong PNG Groas Asosiesen egensim kopra takis bilong Kokonas Industri Kopore- sen (KIK).

Long wanpela pas i go long niuspepa, Paul Arnold i tok takis KIK i sasim i antap moa long takis long kakao we Kakao Bod i save makim.

Mista Arnold em i wanpela

akaunten na bipo eksekutiv bi- long Niugini Islands Produce kampani (NGIP), i tok sas bilong takis long kakao em i 1 pesen, tasol takis bilong kopra em i 5 pesen.

KIK i save sasim wanpela menesmen takis bilong K45 long wanwan tan kopra na Kakao Bod i save sasim K32 long wanwan tan.

Em i tok klia olsem ol fama i save kisim K41,000 long wan- wan tan. Olsem na menesmen

takis bilong en i aninit long 1 pe- sen o K1.2 milien bilong 38,000 tan kakao kantri i save mekim long wanwan yia.

Long sait bilong kopra, ol fama i save kisim K750 long wanwan tan. Olsem na KIK menesmen takis i stap long mak bilong 5 pe- sen o K6.75 milien bilong 150,000 tan insait long kantri.

"Dispela i soim klia olsem ol ko- pra groa i wok long peim moa takis, inap long 5-pela taim antap long prais bilong ol kakao fama,"

Mista Arnold i tok.

Arnold i tok ol fama i karim bikpela hevi inap long taim tru na ol i les pinis long KIK bod na menesmen na ol sas na takis bi- long ol.

Em i askim, wanem taim tru bai Praim Minista i stretim dispela hevi.

Gavman i mas lulkuk long hevi bilong ol fama bikos ol fama i wok long wok hat long kamapim bis- nis na gutpela sindaun bilong ol yet.

Benjamin aninit long wok glasim

MEMBA bilong Manus, Charlie Benjamin nau i stap aninit long wanpela wok glasim bi- long Ombudsman Komisnin.

Long Mande long dispela wik, Ombuds- man Komisnin i bin salim Mista Benjamin i go long opis bilong Pablik Prosekyuta bilong sekim sapos em i bin paulim mani bihain long em i winim ileksen long 1997.

Ombudsman Komisnin i tokaut long 6-pela alegesen o sut toktok egensim Mista Ben- jamin:

-Namba wan sut toktok em Mista Benjamin i no bin givim 4-pela stetmen bilong taim namel long Julai 1997 na Julai 1998 i go long komisnin. Dispela em olgeta lida i mas mekim long olgeta yia;

-Em i no soim klia ol Iktorel Developmen Mani bilong em i go long wanem kain wok;

-Em i kisim kes mani long ol Iktorel Divil- opmen Fan;

-Wok em i yusim K18,000 bilong Iktorel Divilopmen Fan;

-Paulim bilong K280,000 bilong ol Iktorel Divilopmen Fan;

-Yusim K166,000 bilong ol Iktorel Divil- opmen Fan long baim samtng bilong em yet.

Ombudsman Komisnin i bin skelim olgeta dispela sut toktok egensim Mista Benjamin na ol bekim em i givim.

Ol i skelim olsem i gat kes we ol i lukim olsem Mista Benjamin i no mekim gut wok bi-

long em.

Komisnin i tok klia olsem dispela 6-pela sut toktok i brukim Seksen 27 bilong Mama Lo, na Seksen 4, 5, 13 na 23 bilong Ogenik Lo.

Bikpela wok abrus bilong Mista Benjamin em Komisnin i tok em i no bihainim ol askim na stia tok bilong ol long tok klia long mani em i yusim, na em i no bihainim lo long tokaut long wanem samtng em i baim na long wanem mani tru.

Kes nau i stap wantaim opis bilong Pablik Prosekyuta.

Em bai glasim gen strong bilong ol dispela 6-pela sas na sapos em i ting olsem Mista Benjamin i bin trutu asua, em bai askim kot long sanapim wanpela Lidasip Traibunel.

DESK & POCKET CALCULATORS

EXERCISE BOOKS (Biggest Range in Town)

SCHOOL BAGS (Assorted Colours & Styles)

EXERCISE BOOK

From K13²⁰ ea

From 66^t ea

From K22⁰⁰ ea

BACK TO SCHOOL

THEODIST LTD

THE STATIONERY SUPERMARKET

PORT MORESBY & LAE

(All Prices includes GST)

Hap Hap Nius

Kokopo Luteran Sios bai gat nupela pasto

Kokopo Luteran Sios bilong Is Nu Briten provins bai i gat nupela pasto long dispela yia 2005. Em Pasto Pita Rokasi bilong Kagua Erave long Sauten Hailans. Pasto Pita i marit na i gat 3-pela pikinini. Em i no nupela long wok olsem pasta bilong wanem em i bin wok planti taim pinis. Pasta Rokasi i bin pinisim skul long Martin Luther Seminari long Lae na em i bin wok long Hailans rijon pastaim long em i go long Niugini Ailans rijon.

- Paulus Tali

MP lukluk long ol sas

Ombudsman Komisijn long Mande i tok olsem Manus memba bilong Palamen, Charlie Benjamin, mas sanap long kot long sas bilong miskondak long opis o i no mekim sampela paul pasin long posisen em i holim nau yet. Ombudsman Komisijn i bin lukluk i go insait long sampela ol toktok we bin kamap we i bin tok olsem Mista Benjamin i no bin kamapim ol ripot bilong 4-pela anuel stetmen namel long Julai 16, 1997 na Julai 15, 2001, na sampela arapela toktok tu. Ombudsman Komisijn i tok olsem dispela i wanpela kes we i mas i go long kot na i tok-save long Opis bilong Pablik Prosekjuta pinis.

Spit bot papa ken kisim taim aninit long nupela lo

Sua Kilis i raitim

NU AILAN Provinsel Gavman bai stat wok long kamapim wanpela lo long kotim ol papa bilong ol spit bot na ol wokman bilong ol husat i painim birua long solwara we ol pasindia i dai o lus long taim nogut.

Dispela nupela han lo bai ol i kamapim aninit long Small Crafts Lo bai i mekim ol papa bilong ol bot i baim tu kos bilong painim na kisim bek ol manmeri i lus long solwara.

Provinsel Edministreta Robinson Sirambat i tok dispela lo bai givim mekimsave long ol lain husat i no save harim ol tok lukaut long go aut long solwara long taim nogut.

Mista Sirambat i mekim dispela tok bihain long wanpela wok painim bilong painim 14-pela manmeri long wanpela dingi i no painim dispela lain we i gat tupela pikinini i lus wantaim ol.

I gat ren na win long planti hap long Niugini Ailans na ol bikman long ol provins i givim tok lukaut long ol pipel long noken go aut long solwara long dispela taim nogut.

Mista Sirambat i tok tu olsem em i kisim ripot long tripela bot i lus long solwara tasol em i tok ol i tok klia long tupela tasol.

Tasol nau yet wanpela man Mussau, Joses Taru i autim sampela tok long trenspot prosek we provin-sel gavman i givim planti ol dingi i go long ol man-

meri long ol ailan insait long provins.

Mista Taru i tok ol banana bot i no gutpela tumas na em i askim provinsel gavman long baim ol liklik sip long halivim ol pipel.

Mista Ian Ling-Stuckey i tok halivim long ol banana bot em i bilong sotpela taim tasol long daunim hevi long karim ol kopra na kakau i go long maket.

Provinsel gavman i givim aut klostu 100 banana bot i go long ol man long ailan na ples nambis.

Mista Ling-Stuckey i tok long long taim, bai i gat plen long baim ol wok bot long karim kago na kopra na kakau i go long Namatanai na Kokopo. Dispela bai kamap long 2006.

Singaut bilong Leo Dion kisim gutpela bekim long ol pipel bilong ENBP

Sua Kilis i raitim

SINGAUT bilong Is Nu Briten Gavana, Leo Dion, long ol pipel bilong Is Nu Briten long givim helpim mani long ol manmeri i kisim bagarap long Saut Is Esia Sunami na Manam Ailan maunten pairap i kisim bikpela bekim long olgeta sekta bilong komyniti insait long provins.

Insait long 3-pela aua tasol, ol i kisim tok promis long ol manmeri na bisnis inap long K50,000. Dispela apil bilong Mista Dion i bin kamap long Redio Is Nu Briten.

I kam inap long aste, mani mak bilong apil i bin sanap long K67,301.61. Dispela i no karamapim mani provins i kisim long ol arapela fan resing olsem wanpela wilbero pus long Kokopo na Rabaul long las wik Fraide na Sarere.

Mista Dion na ol wan memba bilong Palamen bilong em, Foren Afeas Minista Sir Rabbie Namaliu, na Treid na Indastri Minista Paul Tiensten na provinsel edministresen i bin statim apil wantaim K10,000.

Steven Liu, man husat i makim maus bilong ol Lion

Danis bilong Saina long Kokopo, i opim pablik donesen wantaim wanpela kesmani donesen inap long K800, K600 i go long Saut Is Esia Sunami Apil na K200 i go long helpim ol manmeri bilong Manam.

Semba ov Komes bilong Is Nu Briten i givim K1000, Hamamas Hotel i givim K500 na Rotary International i givim K200.

Provinsel Edministreta Akuila Tubal i tokaut long redio olsem em bai askim ol pablik seven insait long provins long givim K10 wanwan long go long dispela apil.

Olgeta dispela lida i bin bung wantaim Gavana Dion taim em i lonsim redio apil na makim K250,000 bilong kamaut long provins.

Mista Tubal i tok dispela manimak we i wankain olsem namba bilong provins, i ken kisim luksave sapos olgeta wanwan famili na manmeri i givim K1.

Dispela apil em Is Nu Briten provinsel gavman i wok bung wantaim Red Cross brens long go pas long en.

Taim em i opim, Mista Dion i tok ol pipel bilong Is Nu

Briten i mas givim sapot bilong ol bilong wanem ol pipel bilong Esia i bin mekim bikpela wok halivim taim provins i bin bagarap long 1994 aninit long maunten paia i pairap.

Mista Dion na ol arapela lida i tok Is Nu Briten i save bungim planti hevi na nau em i taim bilong provins long soim ol arapela manmeri olsem ol i ken bekim gutpela pasin ol i kisim.

Mista Tubal i tokaut olsem i gat ol arapela fan resing i stap olsem wanpela rok na gospel musik konsert.

Dispela apil em i namba wan bikpela fanresing bilong kamap long han bilong wanpela gavana bilong provins.

Siaman bilong ENB Red Cros Brens, Samson Kakai i givim luksave long gavana na provinsel edministresen bilong go pas long dispela fonaton.

Em i tok i nogat banis olsem lotu, politiks, kala bilong skin o tok ples long taim bilong bikpela bagarap.

Olgeta donesen Red Cross i kisim long dispela apil i kam long ol wanwan manmeri insait long provins.

Japan Rotary Klab helpim Duke of York

Maisan Pahun i raitim

ROTARY International Klab bilong Japan (RIJ) i givim wanpela Sola Pawa sistem bilong storim ol marasin insait long ol bokis ais long ol helt senta na wanpela praimer skul long Duke of York ailan.

Planti long 60 memba bilong Rotary International long Japan, Helt dipatmen na World Health Organization (WHO) i bin go long Duke of York long Is Nu Briten provins aste long lukim dispela samting.

"Dispela sola enej sistem mipela i givim olsem mak bilong laikim na gutpela tingting," Gavana bilong RIJ Yasuo Kamitani i tok taim em i givim sola pawa masin i go long ol lain Duke of York.

Em i tok tu olsem dispela ol samting ol i givim i mas kamapim gutpela sindaun long bihain taim na bilong tingting tu pastaim taim pren pasin ol Japanese i gat wantaim ol Niugini long taim bilong Wol Woa 2.

Rotary International

Japan i bin sapotim planti kantri pinis long imunisesen progrem olsem rausim sik polio na sik misels long ol kantri olsem Cambodia, Vietnam, Laos, China, na Vanuatu.

Stat long 1995 IRJ i save wok wantaim Gavman bilong Japan na WHO Western Pacific Regional Office (WHOWPRO).

Papua Niugini i kamap patna kantri bilong IRJ long dispela yia na IRJ i givim pinis dispela K83,000 i go long kamapim Sola Pawa sistem long givim pawa long ais bokis bilong ol marasin long ples Molot na Vatnabara helt senta long Duke of York ailan.

Nakukur Praimer Skul bai i kisim wanpela sola pawa system, kala TV na wanpela Vidio kaset rekoda (VCR)

Taim RIJ i givim ol Sola pawa masin long ol lain Duke of York ol i tok dispela samting em i bilong halivim long immunizations wok we i ken lukautim ol helt bilong ol pikinini taim ol i stap liklik yet.



Talasea MP laikim wok bung

Paulus Tali i raitim

MEMBA bilong Talasea John Vulupundi i singaut long Memba bilong Kandrian, David Suu, na Gavana bilong Wes Nu Briten provins, Clement Nakmai, long kam toktok na bung wantaim long bringim gutpela sevis long ol pipel.

Em i tok moa olsem 2004 em i go pinis na nau yumi stap long 2005 olsem na yumi mas i gat taim long kam bung wantaim na givim sevis long ol pipel.

Mista Vulupundi i tok pasin bilong wok bung i save bringim gutpela sevis na gutpela sindaun.

Mista Vulupundi askim Lokel Level Gavman (LLG) presiden na ol kaunsel memba long bung wantaim ol palamem memba na toktok moa long wanem hevi bilong eria bilong ol.

Gutpela piksa bilong Tavour so long las yia i no bin kamap bilong wanem ol lida i no bin stap long stat bilong so inap pinis, we dispela pasin tu i no stret.

"Yumi ol lida i mas stap wantaim ol

pipel inap so i pinis bai ol pipel bilong Wes Nu Briten i ken save olsem lida i stap wantaim mipela," Mista Vulupundi i tok.

Em i toktok strong olsem Wes Nu Briten em i provins bilong wel pam na ol lida i mas save olsem provins bilong ol i gat moa bisnis. Long dispela sait ol lida i mas kam na givim gutpela sevis long ol pipel.

Long dispela taim planti lida i wok long singaut long wok bung wantaim bikos ol i luksave long gutpela bilong dispela kain pasin.

Ol i lukim olsem sapos ol i wok ol yet, na ol pipel i wok ol yet, nogat gutpela senis bai i kamap, bikos ol i no save wanem ol i wokim, o bai i gat behevi namel long ol yet.

Wok bung wantaim i save helpim long mekim wok i isi, bikos planti gutpela tingting i save kamap, na i gat planti moa han long helpim. Dispela i rot planti ol lida bilong kantri i wok long bihainim nau long kamapim gutpela sindaun bilong ol pipel bilong PNG.

Almami tok orait long graun

ALMAMI Lokel Level Gavman long Bogia ausait long Madang taun i sainim agrimen wantaim, Tabelamuda, Koboaboar, Wagewaper na Monousil, Pabeberu, Boreabar na Musiaminat.

Dispela agrimen i mekim wei bilong kamapim menesmen plen na plen bilong yusim graun. Dispela ol klen kamapim dispela ol lo bilong lukautim graun, pisin, bus ston na ol kainkain gutpela samting i stap long bus bilong ol we bai of pikinini bilong ol yusim tu long bihain taim.

Ripot i tok, dispela agrimen i bin kamap long Septemba 8th, 2004 na Almami bai yusim

bihainim lo bilong lukautim ol kainkain samting stap long graun bilong ol. Dispela Agrimen i bin stat wok long Novemba 10, 2004. Na wanpela bilong ol 6-pela lo i olsem " ol manmeri bilong klen mas

serim save na tingting long kamapim ples bilong lukautim aninit long menesmen plen bilong graun, bus, pisin na ol arapela.

TNC Adelbert Range Conservation Projek menesa Francis Hurahura i tok Adelbert Range we ol pipel i stap i gat planti gutpela samting bilong lukautim olsem kumul (Bird of paradise), na ol arapela. Mista Hurahura i tok, dispela ol spesel samting bilong kantri i ken pinis sapos manmeri ino lukautim. Pasin bilong kilim wet abus, katim nabaut ol diwai na ol arapela nesenel risos.

Em i tok tu long dispela busples i gat gutpela ples slip bilong ol kainkain animel na ol samting i kamap gut. Ol saintis i tok em i gutpela long lukautim ol dispela ples na ol samting i stap antap long en, Mista Hurahura i tok.

Mausman bilong ol papagraun John Kosi i tok dispela agrimen sain bai i putim i go daun long histori buk bilong Almami LLG, Bogia Distrik, Madang na kantri.

Mista Hurahura i tok amamas long wok bilong TNC long ol wok ol bin wokim na em i amamas wok i kamap pinis na dispela agrimen em i namba wan taim long kamap long ples.

TNC Melanesia Program Darekta Paul Lokani i luksave long wok bung bilong Lokel na Provinsel Gavman lida bilong kirapim lo bilong dispela wok.

Em i tok olsem las yia ol i bin putim dispela lo na em i bin go long Inta Gavman Rilesen Minista Sir Peter Barter na tu long olupela Konsevesen Minista Sasa Zibe na lejislesen tu i bin kamap bihain long paitim tok wantaim kainkain lain.

Hap Hap Nius

Kot bilong Yali long neks wik

Madang Gavana James Yali i kamap gen long kot long dispela wik tasol kot i surukim kot bilong em i go moa long neks wik 31 Jenuari 2004. Kot i surukim dispela kot long kamap bikos loya bilong Gavana Yali em Arnold Amet Junia i kisim malolo.



Opim dua long ol Blesing ...Bishop Ray Kalisz SVD (lephan) Bisop Tony Burges (rait) na wanpela ministra (namel) i opim nupela haus lotu long Dreikir, Is Sepik provins.

Aitape bungim helpim bilong Esia sunami

AITAPE em yumi save pinis i bin bungim bikpela bagarap bilong solwara we planti manmeri na pikinini i lusim laip bilong ol. Tasol ol i no sindaun na krai tasol, ol i tingim tu bikpela helpim na wok planti lain na grup na kantri i givim i kam long ol long dispela taim ol i bin kisim bagarap long sunami o solwara.

Nau ol i statim wok bilong bungim mani na ol helpim long helpim ol brata susa bilong Esia husat tu i bin bungim dispela wankain birua bilong solwara long nu yia long las yia tasol.

Ol pipel bilong Aitape i stat long pusim wilbaro na wokabaut long taun na ol stesin na singaut long ol manmeri i bungim han long dispela bagarap long tingim olsem taim yumi kisim nogut, arapela tu i save stap na helpim yumi.

Ol komyuniti lida wantaim ol sios i go pas long karimaut dispela kempen na ol i go aut

pinis long planti hap bilong ol ples na stesin long bungim. Long nau yet ol i opim wanpela akaun wantaim BSP brens long Aitape we ol i kolim Aitape Asia Tsunami Relief fund. Namba bilong dispela pasbuk em 1001035273.

Bai olgeta helpim ol pipel bilong Aitape na Sandaun provins i bungim bai ol i givim i go long han bilong Caritas PNG long kisim na skelim i go long wok bilong ol long helpim ol manmeri i kisim bagarap long Esia. Ol manmeri i kisim bagarap long Esia em long ol kantri olsem India, Sri Lanka, Indonesia na Tailan. Moa long 100,000 manmeri i dai long dispela birua bilong solwara na planti milien manmeri i kisim bagarap na lusim planti samting bilong ol. Nau ol i nogat haus, kago, kaikai na ol samting bilong sapotim sindaun bilong ol.

XSELL

OL DIL HAT LONG WIN! NAO ON!

Baim Nau long kisim ol dispela dil!
Noken weit, kisim ol taim ol stap yet!



LILY STW707 DA0009
7 pis kaikai teibol
Wanpela teibol, 6 pela stall sia igat kusen long en.

K62
LONG FOTNAT
\$1,725
\$1,498
KES PRAIS

DIPOSIT K100



MONTANA #LA0017
2+1+1 Launs sia set
Stranpela diwai sia wantaim kusen set.
Bipo Kes K1,999

K59
LONG FOTNAT
\$1,809
\$1,388
KES PRAIS

DIPOSIT K100



MONTANA #SD0003
Liklik Sait Tebol
Bipo Kes K324

K65
LONG FOTNAT
\$118
\$148
KES PRAIS

DIPOSIT K100



MONTANA #SC0003
Kofi Teibol
Bipo Kes K499

K174
LONG FOTNAT
\$375
\$325
KES PRAIS

DIPOSIT K100



CHINESE Arcylic #FA0036
150x200 Floa Rak
Bipo Kes K325

K18
LONG FOTNAT
\$228
\$188
KES PRAIS

DIPOSIT K100

COURTS

Edim valu OLGETA deil

COURTS GORDONS
Spring Garden Road, Gordons
Phone: 302 5808 • Fax: 325 4149

COURTS LAE
Millfordhaven Road, Lae
Phone: 472 4800 • Fax: 472 4621

COURTS GOROKA
Fox Street, Goroka
Phone: 732 2033 • Fax: 732 2063

COURTS MY HAGEN
Hagen Drive, Mount Hagen
Phone: 542 1401 • Fax: 542 3517

COURTS MADANG
Beckles Plaza, Narulon Street
Phone: 852 3711 • Fax: 852 3612

First for Furniture

FIRST FOR FURNITURE... FIRST FOR YOU!

SAVE K116

K600,000.00

INAPIM KES MONI NA PRAIS!

WIN!

Hap Hap Nius

Polis holim mariwana long haiwe

Polis long Goroka i sanapim bikpela rot blok long Faniufa long Isten Hailans provins na holim wanpela man wantaim bikpela beg mariwana hevi bilong em i olsem 100 kilo-gram. Ol trefik opisa bilong Goroka polis i sanapim dispela rot blok na painim dispela bikpela bek mariwana long beksait sit bilong wanpela liklik 15 sita bas we i laik i go daun long Lae siti. Taim bas i bin kamap long stop long rot blok, polis i sekim na kisim dispela bek mariwana na holim man i papa bilong dispela bek taim narapela tupela arapela man i ranawe long dispela taim polis i holim wanpela poroman bilong ol. Polis i luksave olsem dispela bek mariwana i bilong go long Lae na i go long wanpela provins long Niugini Ailan we i gat maket bilong em i stap pinis long hap. Polis i lukim olsem ol i karamapim gut pinis long go insait long maket.

Bikpela ren bagarapim ples

Bikpela ren i pundaun nau long dispela taim na planti ples insait long kantri i kisim bagarap bikos ren i wasim gaden na abus bilong ol i go. Long Hailans rjon ren i stat yet lbg mun Disemba i kam nau long Jenuari na planti ples i kisim bagarap. Toksave i kam long Kainantu na Goroka em ren i pundaun long dispela wik na i no luk olsem em bai stop hariap. Long sampela ol arapela provins i wankain tu. Tasol long Saut Waghi hap bilong Westen Hailans provins bikpela ren tru i bin pundaun na bagarapim ples kaunsel long Kindeng, Kondepena. Planti moa long 80 kakaruk bilong ples, dok, pusi, i lus long ren wara. Na tu 20 pik i bin dring wara na dai o draun taim dispela bikpela ren wara i kamap. Planti manmeri i pret yet nogut bai ren i pundaun yet na ol wara i solap na karamapim ples. Ol i wok long putim was gut tru bikos ren i wok long pundaun yet na ol i no lukim olsem em bai pinis hariap tasol bai i pundaun strong moa long ol de na wik we i kam yet.

Enga Provinsel Gavman bai baim hap balus fea

OL PIPEL bilong Enga provins bai baim balus fea wankain olsem long fea bilong Hagen i go long narapela provins. Dispela em bikos Enga Provinsel Gavman i peim pinis sampela balus fea bilong ol pipel bilong Enga provins.


Las wik Gavana bilong Enga, Peter Ipatas, i peim K50,000 i go long Air Niugini balus kampani olsem hap balus fea bilong ol pipel bilong Enga. Sapos ol Enga i kalap long balus long Wapenamanda i go long Mosbi o wanem hap provins bai dispela balus fea long Wapenamanda i wankain tasol olsem long Kagamuga i go long narapela provins. Wankain tu long balus fea bilong narapela provins i kam long Kagamuga em wankain tu long Wapenamanda

Long nau yet em balus fea bilong Mosbi i go long Wapenamanda o Wapenamanda i go long Mosbi em K493.60. Dispela tu i wankain tasol long balus i go long Kagamuga o Kagamuga i go long Mosbi.

Taim Mista Ipatas i givim dispela K50,000 i go long Jenerel Menesa bilong Maketing wantaim Air Niugini, Bob Martin, em i tok tu olsem dispela em hap bilong K300,000 provinsel gavman i makim long baset bilong helpim ol pipel bilong Enga wantaim balus fea.

Mista Ipatas i tok as bilong dispela em long daunim balus fea bilong Enga i kam daun wankain olsem long Hagen bai ol Enga pipel i ken stap tasol long Enga na kalap long balus o go pundaun stret long Enga provins. Bikos nau yet planti i save go long Hagen long kisim balus o kam pundaun long Hagen na ron long haiwe i go long Enga.

Pastaim balus fea i K60 moa long Kagamuga taim ol i kisim balus long Wapenamanda. Tasol nau balus fea i wankain tasol nau.



• Mista Ipatas (lephan) i givim K50,000 sekmani i go long Mista Martin (rait). Foto: JOE IVAHARIA

Bikpela pait bagarapim Kainantu mobil sevis stesen

Maisan Pahun i raitim

MOBIL Sevis stesen long Kainantu Taun long Isten Hailans provins i bin bagarap taim bikpela pait i bin kamap namel long ol Agarabi hauslain na papa bilong Mobil sevis stesen. Pait i bin kirap taim wanpela liklik manki Agarabi kisim sampela palang bilong menesa bilong Mobil sevis stesen.

Gabriel Igaso i bin baim dispela sevis stesen long namel long yia 2004 i bin belhat long dispela liklik manki na bin paitim em nogut tru inap manki yah i hap indai.

Bekim long dispela ol lain bilong dispela manki i kirap na kam pait wantaim Mista Igaso. Long dispela pait ol i bagarapim 3-pela bensin pam bilong stesen na stoa bilong Mista Igaso.

Pait i go bikpela na Mista Igaso i bin sutim wanpela .38 pistol i go antap long skai long pretim ol birua tasol bulet bilong pistol i abrus na kisim wanpela meri Okapa husat i stap klostu long pait ples.

Akoitai i askim ol Sauten Hailans long lusim gan

Steven Dama i raitim

MAINING Minista, Sam Akoitai i askim ol yangpela na ol bikman bilong Sauten Hailans provins long putim gan i go daun olsem ol lain bilong Bogenvil i mekim.

Em i tok gan em i as bilong bringim hevi wari long famili, komyniti na kantri. Na tu gan i ken mekim yu kamap man nating.

Mista Akoitai i tok mi harim olsem Mendi i gat planti gan long ol Bogenvil. Em i tokim planti manmeri long Mendi taun long Trinde na Tari long Fonde olsem sapos yupela i no lusim gan bai yupela i kisim wankain pret olsem ol lapun man i kisim long gan bilong yupela nau.

Eking Praim Minista, Sam Akoitai tok em i bin luksave long wankain hevi long Bogenvil.

Em i tok, sapos mi laikim pait i stop mi yet mas tok nogat long yusim gan pastaim.

Polis ripot bihain i tok olsem meri i no kisim bikpela bagarap taim bulet i kisim em na i bin kism marasin long haus sik we ol i putim marasin long lek bilong em we katres i bin sutim.

Ol Mobail skwat bilong Goroka i bin kamap long stopim dispela hevi. Na bihain taim hevi i kol liklik ol Kainantu Polis i holim Gabriel long sutim gan long pablik ples.

Polis Stesen Komanda bilong Kainantu William Gumaim, i tok ol i bin tromoi sas i go antap long Mista Igusa tasol bihain ol i painim em i gat laisens bilong holim gan.

"Mipela i larim em i go fri bihain long ol ai witnes i lukim em i stap insait long banis bilong em na sutim pistol, na i no long pablik ples," Mista Gumaim i tok.

Tasol nau yet komplem bilong dispela hevi i stap yet wantaim polis na sapos ol lain i kam putim sampela komplem gen antap long wanem polis i wokim painimaut i go insait long dispel hevi.

Ol kalabus i ranawe

7-PELA man insait

long Minj polis sel i ronawe bihain long tupela polisman husat i bin stap long diuti i go aut long patrol. Taim tupela polisman i go longwe pinis na ol sampela lain husat i wok long raun ausait long polis stesen i kirap na katim waia na opim dua long ol lain insait long polis sel long kam ausait na ronawe.

Polis i bin holim ol dispela 7-pela lain long Saut Waghi long Jenuari 10 long sampela trabel i bin kamap long hap.

Polis i holim ol long hap inap long wetim taim bilong salim ol i go long Hagen taun long lokim ol long hap taim ol i gat sans long ron-

awe. Polis i ripot i tokaut olsem wanpela bilong ol dispela lain i bin kamaut long hap ol lain i katim na opim dua long ol arapela insait na larim ol i kam ausait.

Dispela hevi tu i bin kam long dispela taim we helt atoriti long Westen

Hailans provins i tambuim ol polisman bilong Minj long noken stap moa long ol haus ol i save stap long en na wok bikos ol haus na bareks i no gutpela moa long ol manmeri i stap long en.

Helt atoriti i pasim dispela bareks na ol polisman i stat long go bek wok long ol ples bilong ol wanwan.

kamap long provins.

Mipela laik wok wataim Sauten Hailans Provins (SHP) gavman bilong wanem em i gat otoriti mipela i ken soim pasin rispek. Hevi bilong SHP i edministresen, na sapos em i kamap gut ol arapela sekta bai wok gut tu.

Pastaim gavana, Anderson Agiru i tok, provins i bin i gat 7-pela edministreta insait long faivpela yia. Em i tok, yumi mas go bek long as; yumi olgeta mas karim dispela hevi bilong nau, mi kisim sampela bilong dispela heviwari.

Em i tok provinsel gavman mas mekim wok bilong em na tu nesene gavman mas mekim wok bilong em.

Meya bilong Tari taun, George Tagobe i tok gavman na man bilong mekim wok kamap i toktok long bikpela projek olsem ges i go long Australia Ges Paipain tasol ol pipel bilong Hela i no stap gut na lukim sampela gutpela senis.

Ol asples lain i redi nau long kisim turis bisnis

Joe Ivaharia i raitim

WANPELA asples grup long Sogeri eria long Sentral provins i redi long karimaut wok bilong tua gaid o karim ol turis raun na wokbaut long Kokoda Treil.

Dispela grup em Owners Memorial Track and Tours we man i go pas long em Wanire Kein bilong Sogeri yet.

Mista Kein i tok plen bilong ol em long kirapim dispela wok bilong kisim ol turis na wokabaut long trek long hap bilong Owens Kona na i go olsem

long Kokoda stesin. Tasol sapos ol turis i laik go moa na kisim ol poto na lukim ples i go olsem long Kokoda stesin.

Em i tok ol wok bilong sekyuriti na ol arapela wok redi bilong mekim wokabaut bilong ol turis i orait tasol em ol i stretim pinis na redi long go het long dispela wok bilong wokabaut wantaim ol turis.

Ol asples yet i sambai pinis long lukautim ol dispela wok, em i tok.

Mista Kein i tok em i stretim olgeta wok na toktok wantaim Tourism Promotion Authority (TPA) long dispela wok bilong ol. Ol bai peim K100 i go long

TPA long rejistresen bilong ol liklik taim bihain. Dispela peimen em bilong TPA bai helpim ol long maketing nem bilong Owners Memorial Track and Tours i go aut long ol ovasis kantri long luksave na traime long pulim turis i kam long kantri na wokabaut long trek.

Namba bilong grup em 3259653. Husat i laik tok tok long bisnis i ken ringim dispela namba na tok tok wantaim Jenny.

Kokoda Treil em hap we planti ovasis manmeri i save laik wokabaut long en bikos dispela hap i gat stori bilong wol woa 2 i stap long en.

Kerema na Goroka stretim toktok yet

Steven Dama i raitim

LAS wik Sarere i bin i gat bikpela bung long 9 mail seteimen ausait long Mosbi. Dispela pis midiesen o bung i kamap bilong wanem ol Kerema i bin kilim tupela man bilong Goroka long las yia.

Polisman bilong Australia na PNG husat i stap long Gordons Polis Stesen na ol lida man bilong dispela tupela ples i bin go pas long kirapim pis toktok.

Toktok i stap long apinun na i kamap klostu long tudak na nogat tru tru wanbel i kamap. Klostu tru tupela haus lain i pait tasol ol polis i stopim ol.

Wanpela lida man na mausman bilong Goroka, Michael i tok, ol lain bilong em i luksave ol Kerema i save haitim pikinini taim em i mekim wanpela rong.

Ol papamama i no save bringim ol long lo o putim ol long sel. Dispela kain pasin i bin stap longpela taim na nau ol i kilim dispela

tupela man, em i tok.

Mista Michael i tok, tupela dai man i stap yet long mog na ol i laik bai bodi i go long Goroka olsem tasol ol Kerema i mas givim dispela mani ol makim. Em i tok, ol Kerema i gat bikpela saveman long ol bikpela opis na tu long palamen na ol mas nogat eskus long tok nogat.

Michael Goroka, i tok, ol i panim aut olsem, memba bilong Moresbi Not Is, Caspar K. Wollom i bin givim helpim long Kerema wantaim K25,000 long stretim ol Goroka olsem wari pe.

Em i tok, ol Kerema i haitim K15,000 na givim K10,000 long Goroka long Sarere. Goroka i kros bilong wanem ol i haitim mani.

Las Trinde i bin i gat agrimen sain bilong mekim kompensesen long Gordons Polis Stesen.

Pasin bilong wanbel i mas stap namel long ol manmeri bai gutpela sindaun i stap long olgeta i ken amamas.

Global helpim ol paia sevis

Joe Ivaharia i raitim

GLOBAL Construction Kampani long Mosbi i bin mekim wanpela bikpela helpim i go long ol lain husat i save lukautim o pait na mekim dai ol paia- PNG paia sevis.

Menesing Dairekta bilong kampani Francis Awesa i bin kamap long paia stesen long taun we em yet i bin givim ol ekwipmen we mani mak bilong em olsem K5,000 long stretim paia stesen bilding bilong ol.

Ol ekwipmen em olsem timba, peint, luva glas, laits bilong haus, taels bilong putim long flo, window waia, wanpela elektrik stov na tupela elktirik en bilong kukim

hot wara.

Mista Awesa i bin tok olsem dispela ol ekwipmen em bilong wokim metenens long dispela opis bildin bilong paia sevis long Mosbi taun.

Kampani bilong mi i bin mekim wankain helpim i go long ol arapela oganaisesen tu olsem Cheshire Home long Hohola, St. Johns Ambulance sevis na long ol sios tu, Mista Awesa i tok.

Em i tok tu olsem dispela helpim mi yet i lukim taim kampani bilong mi i bin wokim rot long hia arere long stesen we ol wok masin bilong mi i bin stap long yad bilong ol na ol bin lukautim gut.

Bosman bilong Taun paia ste-

sen Supaintenden Gima Mulina i tok amamas na bikpela tenkyu i go long Global konstraksen long dispela helpim i kam we ol i no bin askim long en.

Em i tok tu olsem mipela i larim kampani i yusim hap bilong mipela long putim ol masin bilong ol na kain helpim em i bikpela samting we nau yet Gavman i wok long painim hat long mekim i stap bikos long sait bilong mani.

Wantaim dispela ol ekwipmen ol opisa bilong mi we nau namba bilong ol i olsem 20 bai amamas tru na bai ol yet i mekim mentenens wok long dispela stesen na opis bilding bilong mipela hia long taun, em i tok.

Polis holim man Australia long mariwana na gan

Joe Ivaharia i raitim

POLIS long Daru i bin holim pasim na sasim wanpela man Australia na wanpela wokman bilong Gavman long mekim rong pasin.

Tupela man i bin mekim wanpela hait plen long salim gan na simok mariwana taim ol opisa bilong Nesenel drag skwat na Sauten komand task fos i holim pasim ol long Sande las wik.

Ol polis i bin mekim sampela wok insait long provins bilong painim ol man wantaim drag na gan taim ol i kisim sampela infomesen long tupela man na holim pasim ol.

Polis i bin painim wanpela .22 raifol wantaim 38 raun amunisen long dispela man Australia na 20 kg mariwana drag long dispela gavman opisel.

Polis i tok dispela man Austrelia husat i save stap long Gold Coast long Kwinslen i bin abrusim boda

bilong Austrelia na PNG na kalap long wanpela autbod moto we em i bin kam long Daru.

Ol polis i sasim dispela man long holim gan na long brukim lo long kam insait long kantri na gavman opisa husat i gat 9-pela pikinini i kisim sas long simok nogut o mariwana tasol em i baim beil long K500.

Tupela man bai sanap gen long kot long tumoro Fraide we kot bai mekim save long ol.

Hevi bilong salim na smok mariwana i bikpela hevi long kantri na polis i wok long traime hat long stopim dispela nogut pasin.

Dispela pasin i save bagarapim laip bilong planti manmeri bilong PNG, moayet ol yangpela, husat i save bagarapim sindaun bilong ol na ol pikinini bilong ol long bihain taim.

Wok bilong stopim dispela bikpela hevi i mas go het.

Hap Hap Nius

Bodi i lus long tait wara

Bikpela ren long Mosbi i bagarapim planti samting. Planti gaden kaikai, haus kakaruk na pik i kisim bikpela bagarap. Long Mandre ripot i kamap olsem, tupela yangpela mangi bilong Tari i lus long tait wara. Dispela hevi i kamap long Erima bris i go long 7 mail. Ol lain na papamama wantaim ol CID i painim bodi na ol ino painim wanpela. Ol pipel i tok, bodi mas i stap long Morata swamp. Dispela i wanpela skul long ol papamama long lukautim ol pikinini gut long kain taim olsem.

Ren mekim kalabus man ranawe

Somare Gavman, ol Polis na Woda i kisim bikpela hevi long wanem 62 man i kam aut long Bomana haus kalabus. Dispela hevi i kamap tu long dispela bikpela ren long Mosbi. Ren i mekim wara i tait i go insait long haus kalabus na ol man i kam aut. Ol Polis manmeri wantaim ol Woda i painim ol ranawe man na i no painim wanpela. Tok lukaut i go long ol pipel long lukluk long dispela ol man. Tasol ren i gat gutpela bilong em tu. Ren i bagarapim na i kamapim kainkain hevi wari tasol em i helpim planti manmeri husat i stap long blok. Ol manmeri bilong setelmen i gat bikpela amamas long wanem ren i helpim ol long mekim gutpela gaden na ol kaikai i gro gut.



Land Cruiser 78 Series 4WD Troop Carrier

Advantage :

- Powerful 4.2L Diesel engine
- Proven Over 50 years
- 15 Branch Nationwide Backup
- Genuine Parts & Quality Service
- PNG's Only Quality Assured* Motor Dealer

Quality Performance Proven Reliability

*QUALITY ASSURED AS/NZS ISO 9001 : 2000



Ela Motors

PNG's Toughest 4x4
Wheels for the Nation

OI WINA

Bilong kalaring kompetisen

**OI WINA
BILONG
WANTOK
NUSPEPA
INTANESANEL
DE BILONG OI
PIKININ
KALARING
KOMPETISEN:**



Primary School Category Winner:

**KWASNU YAITUNG
ERAP PRIMARY SCHOOL
LAE
MORobe PROVINCE**




High School Category Winner:

**SERAH KAUT NASENGOM
GOOD SHEPHERD LUTHERAN HIGH
SCHOOL
MADANG**


**Tupela
BACK TO
SCHOOL
PACK:**

**Tupela
Wina**

**Bilong
K500 skul
in halivim:**



**REX NINGI
UNITED PRIMARY SCHOOL,
MOUNT HAGEN**



**HUBERT KAUPA
JUBILEE SECONDARY
SCHOOL,
PORT MORESBY**



**SUSIE JOE
PRENOKWA PRIMARY
SCHOOL, KUNBLAWA**



Sepos nem bilong yu i stap entap, pls ringin WANTOK nuspepa long telefon namba 325 2500.

Meri Hagen helpim ol arapela meri

...kirapim trening senta bilong ol meri

WENDY Kaman i no bin gat planti samting long mekim taim man bilong em i ritaia o pinis wok long 1999. Bihain long wok long gavman long 23 krismas, em bin taim bilong go long ples. Wendy na man bilong em i bin wok wantaim long Hagen Teknikel Kolis long yangpela bilong ol yet.

Wendy em bin wanpela nes tasol em i no bin wok olsem wanpela (nes) bikos em i meri bitong belhat hariap na em i no bin inap long wokim dispela kain wok namel long ol siklain, olsem na em bin kisim wok olsem asisten printa long kolis. Na taim em i ritaia, em bin holim wok olsem jenerel asisten.

"Mi bin wokim ol kain wok olsem edministresen, kaunseling, tisa na ol arapela moa. Mi amamas olsem ol lain i bin lukim save bilong mi na ol wok we mi inap long wokim. Dispela i bin helpim mi gut stret," Wendy i tok.

Wendy i lukim olsem i nogat samting tumas we em i ken wokim long ples bikos em i wanpela meri we i save gat samting long wokim olgeta taim. Em i luksave tu olsem em i save long mekim planti samting tasol em i no inap long yusim ol dispela long ples.

"Mi go lukim pater long Nondugl Katolik peris, Pater Paul Kanda, na askim em sapos mi ken helpim long sampela wok long misin stesen. Em bin laikim mi long go wok bikos em i harim pinis stori bilong mi na wok mi ken mekim long en," Wendy i tok.

Bihain long dispela, Wendy i bin kirapim Sen Mary's Skills Trening Senta long Nondugl. Bikos em i kam long bekgraun we ol man i save bos, em bin wok hat long karim aweanes long save na wok ol meri i ken mekim, moa yet long ol wok we ol meri i ken kisim mani long en.

Em i luksave long sapot bilong man bilong em husat i bin skulim em long wok kapenta na mekanik.

"Mi laki long gat kain man olsem. Em i save givim mi gutpela sapot na em i salim mi go long ol sampela kos ausait long provins. Mitupela i sindaun toktok na em i warbel na wokim haus na givim mi hap



• Wendy i wok long mekim gutpela wok.

graun na tokim mi long wok long en," Wendy i tok.

Long namba wan yia kos i stat long Skills Trening Senta long yia 2001, 54 meri i bin kamap. Em bin hat liklik pastaim tasol ol samting i bin go orait. Em save trenim ol trena long helpim em long karimaut wok. Em bin gutpela long wokim dispela bikos em i helpim long skelim wok na tu, em i helpim long toktoklong ol wan wan meri na skulim ol.

Mak bilong ol meri i kisim trening long dispela skul i bin go bikpela na em i putim ol meri long ol difren gret o level skelim wantaim save na wok bilong ol. Save em long wok, rit na rait na save na laik yet bilong wanwan na samting we ol i ken wokim.

"I gutpela long save long ol kain mak bikos em i helpim mipela long luksave we laikim bilong ol i stap. Mipela i soim ol

long rot na hariap tru, ol i lainim gut ol samting," Wendy i tok.

Maski ol i bilong ol kain sios, ol meri long veli i lus tingting long dispela na ol i go long sindaun long kos. Ol meri i painimaut olsem ol i lainim planti samting na ol i helpim wanpela arapela.

Wendy i tingim ol taim we ol i senisim ol tingting, klia gut na helpim wanpela arapela.

"Dispela i givim ol strong long strongim laikim bilong ol. Pastaim ol i no bin inap long wokim olsem. Wantaim Skills Trening Senta, yu inap long lukim save bilong ol i kamap long ples klia. Laik long wok i bin kamap strong tu," Wendy i tok.

Long tude, popo na painapol dring bilong ol i swit moa. Wankain tu long ol spais ol i planim na graun kopi ol i rostim o kukim long aven o paia. Dispela i soim long ples klia save na skil ol i gat na ol i ken skruim dispela sapos ol i givim sans long ol.

Pater Paul i amamas tru long ol meri. Em i save olsem i kisim save we i strongim ol na ol i ken kamapim planti gutpela wok. Em i tok bikos long gutpela wok bung wantaim bilong ol, ol meri i helpim wanpela arapela.

"Mi amamas long lukim ol man i saposim ol meri. Mi lukim olsem mak bilong ol pipel i kisim kos i go antap na mi bilip olsem dispela i kamap bikos long gutpela sapot ol meri i kisim," Pater Paul i tok.

Wendy i wari long sait bilong salim ol prodak long maket na em i bilip olsem sapos ol i kisim gutpela sapot long en, em bai kamap. Tasol em i luksave olsem sapos ol pipel i yusim ol prodak, ol yet bai wokim disisen long ol samting long laip bilong ol.

Samting we i bin stat olsem wanpela driman i wok long helpim gut tru ol mama bilong Nondugl na i no long taim, ol bai kamap olsem lida long dispela kain trening. Wanpela i kamap olsem enjinia, narapela em i kamap olsem nambawan meri i tisa long ol lain i wokim ol kabinet, sia na tebol.

Dispela i wanpela gutpela samting i kamap long meri husat i bin skul long kamap nes nau em i kamap olsem laip-waia long strongim skul bilong ol meri.

Lo bilong lukautim ol mama na pikinini meri



Ol pasin nogut egensim ol pikinini (Sex crimes against children)

Ol dispela pasin nogut i karamapim ol kain seksual ektiviti na sapos pikinini i tok yesa long em o nogat tasol krismas bilong em i stap aninit long 18 yia.

Sexual Penetration of a child o wokim pasin nogut long pikinini

-Yu brukim lo long wokim pasin nogut long pikinini man o meri

-Yu brukim lo long putim sem i go long maus bilong pikinini

-Yu brukim lo long holim sem o narapela hap bilong pikinini

-Yu brukim lo sapos yu putim narapela kain samting long sem o hul long as bilong pikinini.

Mekimsave; Yu ken kisim inap long 25 yia kalabus long brukim ol dispela tasol sapos krismas bilong pikinini we we yu wokim rong long em i stap aninit long 12 yia o sapos man o meri i wokim rong em i wanpela bikman pipel i luksave long em (olsem tisa, wantok, rilijes tisa, politisen o ol arapela lida olsem), em i ken kisim laip kalabus.

Moa long neks wik.

Sotpela tok lukaut

Skruim i kam long la wlk

Ol bikpela samting yu mas save long sut o Depo Provera

Depo Provera em i save

Wok gut

Inap helpim long lukautim mama long ol skul long bel na kenes bilong ol man

Yu save Depo Provera o kontraseptif long 2000



Kuk Kona wantaim MERI WANTOK

Choc Bits Muffin

Yu mas i gat:

100grem bata, katim katim

haf kap milk

150 grem Nesel Dak soklet melts

2-pela kiau

1 na haf kap plein flawa

2-pela tispun beking pauda

1-pela kap ol hap hap Nesel Dak

We long Kukim:

1-Hotim aven inap long 180 digris mak.

2-Grisim ol mafin mafin pen o lainim wantaim pepa kes. 3-Putim bata, wan na kwata kap milk na Nesel Dak Soklet melt long sospen long aven we hot bilong em i no strong tumas.

4-Kukim na tanim isi inap long tri na 4 minit o inap miktja o ol samting we yu miksim na kukim i stap i kamap smut.

4-trenferim i go long wanpela boul na larim i stap long 5 minit na em i go kol.

5-Kombainim o putim wantaim kiau na kwata kap milk i stap yet.

6-Siftim o sekim flawa na meking pauda i go long midium sais baul o kontena.

7-Tanim suga na nesel Dak Soklet Bits wantaim.

8-Putim wantaim na miksim soklet na kiau milks na kapsaitim ol drai ingrediens i go wantaim na tanim wantaim bikpela metol spun inap ol i miksi gut.

9-Kisim miktja wantaim spun na putim i go insait long ol mafin pen na beik long ol sospen long aven ol i kuk. Larim i stap long pen long tu o tripela minit bipo yu sanapim ol i go long waia rek.

10-Sevim taim em i wom na i no hot o kol tasol i stap long namel mak.



• Wendy wantaim sampela meri em i skulim.

TOKTOK NATING
Wantaim
Fr. Paul Liwun SVD



LONG Sande, Jenuari 9, 2005, kalenda bilong Lotu Katolik i soim olsem em i spesel de bilong tingim Jisas i kisim Baptais long wara Jodan. Long Erima peris mipela i no selebretim na tingim pestode bilong baptismo bilong Jisas. Nogat. i gat wanpela spesel de moa, em i misa bilong tingim ol manmeri i bin dai o kisim bagarap long Sunami i bin kamap long Aceh, Srilanka, India.

Stat long las Sande i go inap long mun Mas, mipela i ofaim namba tu koleksen bilong mipela i go long helpim ol lain i bin kisim bagarap long en.

Insait long dispela lotu, mi bin stori long ol pipel long wanem samting Mark V. Hansen i bin raitim taim bikpela guria i gat 8.2 Rikter Skel i bin kamap long kantri Armenia long yia 1989. Long 4 minit tasol guria i bin bagarapin dispela kantri na kilim indai 30,000 manmeri.

Namel long dispela bikpela bagarap, wanpela papa i bin lusim meri bilong em long haus na ron i go long skul, long painim pikinini bilong em. Tasol taim em i kamap long skul, em i no lukim wanpela bilding i sanap. Olgeta i stap flet wantaim graun na em i no lukim wanpela tisa o sumatin nabaut. Olgeta i stap karamap insait long bilding i bagarap pinis long en.

Dispela papa i gat bikpela sok tru. Tasol em i tu tingim wanpela promis em i bin tokim pikinini bilong em: "Yu noken wari, mi bai stap sambai/klostu long yu oltaim long gutpela taim na moa yet long taim nogut". Taim em i tingim bek promis bilong em...Ai wara i pundaun na pulamapim ai bilong em. I luk olsem nogat hop moa long mekim wok bilong sevim laip bilong pikinini bilong em.

Tasol em i stat long tingim bek rot em i save wokabaut wantaim pikinini bilong em olgeta de i go long klas rum bilong pikinini bilong em. Em i tingim gen wanem hap klas rum bilong pikinini bilong em i stap. Em ron i go long hap na stat long kamautim ol ston na ol samting i bin pundaun na karamapim pikinini bilong em.

Taim em i digim i stap, planti moa papamama i kam long painim pikinini bilong ol. Ol i kam wantaim krai na i no mekim wanpela samting long helpim ol pikinini bilong ol. Ol i bilip olsem olgeta i dai pinis. Olsem na planti papa mama i bin tok bilas long dispela papa i bin mekim wok long digim na rausim olgeta samting i bruk bruk nabaut. Long olgeta dispela toktok bilong ol papa mama, dispela man i apim het na lukluk long ai bilong ol na askim ol olsem: "YU LAIK HELPI MI NAU?" Tasol i nogat wanpela papamama i bin givim han na helpim em. Em i no givap. Em i go het yet long digim na kamautim ol bruk bruk ston nabaut bikos em i laik painim pikinini bilong em.

Em i digim 36 aua. Na long 38 aua, em i bin pulim aut wanpela bikpela ston na em i harim nek bilong pikinini bilong em. Em i singaut strong long pikinini bilong em "Armand". Na pikinini i bekim; "Papa, mi stap long hia. Mi bin tokim narapela pikinini olsem tu olsem sapos papa bilong mi i no dai yet em bai kam na helpim mi na sapos papa i helpim mi, bai helpim ol tu. Bikos papa i bin tok promis olsem: "Yu noken wari, bai mi stap sambai long yu long olgeta taim yu i gat hevi. Nau yu inapim promis bilong yu papa".



"Olgeta Man i mas mekim Wok."

Ol brata, long nem bilong Jisas Kraus, mipela i tok strong long yupela olsem, sapos sampela brata i save sindaun nating tasol na ol i no bihainim dispela tok mipela i bin givim long ol, orait yupela i mas i stap longwe long ol. Yupela i save, yupela i mas bihainim pasin bilong mipela. Taim mipela i stap wantaim yupela, mipela i no kisim nating sampela kaikai long han bilong yupela. Nogat. Mipela i baim tasol. Mipela i mekim planti hatwok moa long san na long nait, bai mipela i no ken putim hevi long yupela. I no olsem mipela i no inap long kisim kaikai samting long yupela. Mipela inap tru long kisim, tasol mipela i no kisim, long wanem, mipela i laik soim yupela long gutpela pasin yupela yet i mas bihainim. Yupela i save, taim mipela i stap yet wantaim yupela, mipela i givim tok long yupela olsem, sapos man i no laik mekim wok, orait em i no ken kisim kaikai.

2 Tesalonaika 3: 6-10

Drekikir peris blesim nupela haus lotu pinis

Pater Joe Roszynycki i raitim

TOKTOK bilong "Yumi yet i sios" i kamap tru long taim bilong blesing bilong nupela haus lotu i kamap long Drekikir long Trinde, Jenuari 5.

Dispela haus lotu i kamap long taim Pater Alois Tapi wanpela daiosisen pater bilong Wewak Daiosis i stap peris pris.

Tingting i kamap taim Bisop Ray Kalisz SVD i stap yet long Wewak na em i painim sampela mari long Amerika tasol bikpela givim i kamap tu long ol pipel bilong Drekikir peris na Mema bilong Palamen bilong ol Tony Aimo.

Planti pipel long kain kain hap i kamap long dispela de. 20 pater bilong daiosisen na ol SVD husat ol i statim wok long dispela hap pastaim i bin kamap tu long dispela bikpela amamas.

Bisop Tony Burges i go pas long dispela bikpela selebren na Bisop Austin bilong Aitape tu i stap wantaim.

Ol pipel i amamas long lukim mak bilong bilip bilong ol na wok bung wantaim, wantaim pater bilong ol.

Ol misinari tu i amamas bikos em ol i kam long PNG long kirapim Katolik Sios long dispela kantri na nau ol i ken lukim sios i strong pinis. Haus lotu i kisim nem "Holi Yukaris" long tingim Jisas i stap long Santu Yukarista.



• Samsam long amamasim blesing bilong haus lotu.
Foto: PATER JOE ROSZYNKI

Papua Distrik Yut pinisim trampet kos

Paulus Tali i raitim

EVANGELIKEL Luteran Sios bilong Papua distrik i bin holim wanpela trampet kos we i lukim 8-pela yut bilong wanwan Kongrigesen insait long Mosbi i kisim pepa o greduet wantaim setifiket i no longpela taim i go pinis.

Dispela kos i lainim ol yut long pilaim trampet we em i wanpela kain samting bilong winim strong na mekim musik.

"Mi amamas long lainim long pilaim trampet bilong wanem em i wanpela samting we i no planti manmeri i save pilai." Junia Nalau, wanpela bilong Ressurrection o Kirap Bek kongrigesen long Gerehu husat i greduet tu i tok.

Em i salensim ol narapela tu long ol i mas kam na lainim long pilaim trampet.

Moa long 200 manmeri i kamap long lukim greduesen bilong ol dispela manki we ol bikpela pesman

bilong wanwan kongrigesen tu i stap.

Pasto Gundu Kal bilong Marimari kongrigesen taim em i autim tok i tok olsem; "Pasin bilong lainim ol narapela long samting ol i no save long em, em i gutpela pasin."

Em i strongim tok bilong Angliken Bisop Peter Fox husat i toktok long pasin bilong disiplin o harim tok.

Em i tok sapos yu pasim maus na harim tok bai yu no i nap mekim ol bihet pasin.

Distrik Presiden Somi Setu i tok amamas tu i go long ol yangpela long ol i givim taim bilong ol long lainim dispela kain kos we bai i nap helpim ol long sait bilong musik na tu insait long sios.

"Kain kain ol presen i kam long yumi wanwan i kam long plen na tingting bilong bikpela antap yet.

"Olsem na wanem samting yu lainim em yu i mas kisim gut," Siaman bilong Marimari kongrigesen na olpela Sief Jastis, Sir Arnold Amet i tok.

Kibung bilong ol ELC PNG mama lukluk long strongim wok

Paulus Tali i raitim

MOA long 2000 meri bilong Evanjelikel Luteran Sios bilong Papua Niugini (ELC PNG) i bung long wanpela wik konfrens o kibung bilong ol long Tari insait long Sauten Hailans provins long toktok long ol wok program we ol bai karimaut long dispela yia insait long sios bilong ol.

Ol bin toktok moa tu long wok bilong ol mama long wanwa rion insait long kantri.

Ol i tok olsem pasin bilong wok wantaim wanbel na wanpela tingting bai i helpim long strongim wok bilong ol long karim na skruim wok bilong God i go moa yet.

Presiden bilong Papua Distrik em Kesirepe Leme i tok olsem dispela bung em bilong bungim olgeta mama bilong olgeta rion bilong kantri na toktok long strongim wok bilong ol. Na em i bihainim wanpela wankain bung we i bin kamap long Nesenel Kapitel Distrik (NCD) las yia.

Ges spika long konfrens, James Pukau, husat i Misin Kodineta i salensim ol mama wantaim as tingting bilong em long holim han bilong ol wantaim na go aut long mekim wok bilong God.

Em i tok maski ol man bilong ol i gat bel hevi long wok bilong ol, ol i mas strong long karimaut ol wok yet.

Long pinis bilong konfrens ol i pasim wantaim blesing i go long wanpela memba bilong sios bilong ol husat bai go mekim wok misin long India. Em long Anderson Awaja husat i bilong Erave long Sauten Hailans provins.

Cuisine Melanesia, Kaiba bilong King

NUPELA Kaiba i bin op long Heritage Bilding long Waigani insait long Nesenel Kapitel Distrik (NCD) long Mosbi i narakain long wanem em bai givim kaikai bilong strongim bodi na long wankain taim tu, givim spirituel kaikai long ol lain husat i go insait long em.

Nem bilong Kaiba em long Cuisine Melanesia.

Narapela samting em i narakain long dispela kaiba em bai salim ol PNG kaikai na dispela we i gat gutpela long helt sait bilong man na meri.

Tupela marit bilong Simbu provins tasol i wok long Mosbi i papa bilong Cuisine Melanesia. Nem bilong ol em Vitus na

Emily Galma. Emily em i wanpela meri loya husat i bin gat praiwet lo kampani bilong em. Planti lain i save long em long pastaim nem em i no marit yet i yusim em Emily Dirua.

Long seremoni bilong opim dispela Kaiba, Pato Bob Lutu i bin tok, "Dispela kaiba i no bilong givim kaikai long bodi tasol long givim kaikai long spirituel sait bilong man. Na mi pre olsem God Papa bai opim dua long ol manmeri i kam kaikai long en na tu, harim Tok bilong God."


Tupela papa bilong kaiba em ol strongpela Kristen lain na ol i bin toktok wantaim PNG Baibel Sosaiti long salim ol Baibel na ol arapela lotu buk long wanpela tebol

insait long fran desk bilong kaiba. Husat man i go insait na i laik baim ol dispela lotu buk na Baibel, i ken go het."

Ol PNG kaikai we ol bai yusim em long banana, kaukau, hailans poteto, taro, tapioka na ol kumu olsem aibika, kebiji, brokoli, bin, kerot, kepsikum na ol arapela. Ol abus em long pik, magari, pis, pato, kakaruk na stek samting.

Mista Galma i bin tok tingting long kukim ol PNG gaden kaikai na ol abus bilong kantri yet na long we bilong kukim long PNG yet em long promotim ol kaikai bilong yumi yet. Em i tok ol bai sevim tu planti prut na kumu bilong PNG long kaiba.

Ol sios bung na lotu wantaim ...Tingim ol sunami birua



• Sevis long tingim ol pipel i stap long hevi bihain long birua bilong sunami.

Veronica Hatutasi i raitim

SUNAMI hevi long Saut Is Esia we i kilim dai moa long 150,000 pipel na kamapim bagarap long moa long milien long Disemba 26 i bungim ol narakain lotu wantaim long PNG bilong pre na askim God long helpim bilong em long ol lain i bungim birua na long wol wantaim.

Intafeit Sios sevis i bin kamap long Sir John Guise Indo Stadium long Mosbi las Fonde nait i bin autim long ples klia olsem long kain taim bilong bikpela hevi, olgeta sios i ken putim ol politiks na ol arapela samting bihain na bung wantaim long mekim gutpela samting bikos hevi, pait, birua, gutpela taim na dai i no kaunim ol kain lotu, skin kala, tokples, wanem kantri man i kam long en, man i gat planti samting o trangu o wanem lotu manmeri i kam long en. Na olsem sevis i bin lukim, olgeta sios, maski ol i gat narakain we long autim bilip bilong ol, ol i save lotuim wanpela God tasol.

7-pela sios i bin bung wantaim na wokim preia em long ol Kristen Sios olsem Katolik, Angliken, Yunaitet, Luteran na ol arapela Pentekostel na ol liklik Kristen sios, Muslim, Budisim, Seikisim na Yudeisim.

Klostu long 300 pipel i bin putim tingting wantaim na pre long helpim ol lain i bin kisim bagarap na dai na long ol lain i stap yet tasol insait long bikpela hevi bikos planti i kisim bagarap, lusim olgeta samting bilong ol na planti i lusim ol famili memba bilong ol.

Bikpela mesej i bin kamap long dispela sios Intafeit sevis em long yumi ol man nating bilong graun na God yet i gat plen long olgeta samting na

wanem samting i kamap long graun em i kamap long laik na taim bilong em.

"God em i Krieta o mekim kamap ol samting long dispela graun, em i save lukautim (preserver) na em yet i save bagarapim (destroyer) ol samting insait long yunives o wol," meri i makim Seikisim lotu i gat aslotu bilong em long India i bin tok.

Man i makim lotu Baha'i i bin tok long dispela Intafeit sios sevis, maski ol i narakain lotu, "yumi bung wantaim aninit long wanpela God na Nesanel Intafeit komiti i wokim gutpela wok long kamapim dispela sevis long tingim na pre long ol tarangu i bin bagarap long sunami.

Man i makim Hinduis lotu i bin tok "God i mekim kamap heven na graun na em i save long bipotaim bilong em, nau na bihain taim. Na pen na hevi manmeri i karim em God yet i save long en."

Asbisop bilong Pot Mosbi Katolik Daiosis i bin makim ol Kristen sios na go pas long sevis.

Wan wan lotu i bin wokim baibel rit na preia na bihain long en, wan wan long ol i laitim kendel bilong makim lait bilong lotu bilong ol na tingim ol lain i birua

Man i makim lotu Jew o Judaisim i bin wokim naispela preia we toktok long olgeta samting aninit long heven i gat taim bilong em yet long kamap, olsem taim bilong amamas, taim bilong krafi, taim bilong hevi, gutpela taim, taim bilong sik na taim bilong dai.

Long pinis bilong sevis, i bin gat donesen we i bin abrusim K2,000. Komiti i bin givim dispela mani i go long UNICEF bilong helpim ol pikinini i bin lus na tu, bungim hevi long dispela bikpela bagarap histri i lukim long en.

Bilip na Sunami

**Toktok i kam long Angliken
Bisop long Pot Mosbi,
Bisop Peter Fox**

EM i tru olsem long planti taim, sori samting i save bungim wantaim ol famili i gat hevi na i bruk bruk. Taim yumi luksave olsem pen na dai i kisim yumi na yumi ino inap mekim samting long en, ol samting we i save stap olsem banis em yumi lusim tingting long ol na yumi save helpim wanpela narapela.

Wanpela gutpela samting we i kamap long sori bilong Esia sunami em i yunaitim yumi hia long PNG long helpim ol pipel i bin bagarap. PNG i bin gat wanpela samting taim sunami i bin bagarapim Aitape long 1998. Wanpela taim gen yumi ken lusim tingting long ol samting i save pasim yumi olsem narakain tokples, birua namel long wanpela arapela long bipo yet, bikman pasin na ol narakain samting i stap namel long ol sios na wok wantaim long helpim ol narapela i stap long hevi. Em i wanpela liklik sainmak bilong hop long pulim aut wanpela long ol bagarap.

Em i rait tasol na gutpela long ol pipel bilong ol wan wan sios long painim rot long helpim wanpela narapela long taim bilong hevi. Ol pipel bilong ol kain sios i bin dai long sunami long Esia na ol pipel bilong ol kain lotu i wok long ol ples na kantri i kisim bikpela bagarap tru. Nogat man i wok long askim olsem wanem sios wan wan man i kam long en bipo ol i givim helpim o gutpela toktok i go long ol. Ol i painim bodi bilong pikinini. Nogat man i save long nem bilong en na em i bilip long wanem samting. Ol lain i no save long en i planim em na yumi krai long em.

Pipel i wok long go aut na givim helpim. Yumi hangamap long bilip bilong yumi, moa yet. Bilip bilong

yumi tasol long God i wok long sapotim yumi long dispela kain bikpela hevi tasol long wanpela taim tu, yumi wok long lainim long luksave long wanpela arapela moa yet na i no long sasim wanpela narapela tumas.

Long mi yet, wanpela samting tasol i wok long mekim mi skelim ol samting i kamap em long Jisas i stap wantaim ol pikinini bilong em long taim ol i stap insait long hevi. Kruse bilong Jisas em i mak long Pawa bilong em i stap laip namel long yumi. Kirap bek gen bilong em bihain long hevfi em i karim na dai na i kam bihain long em i kamap orait na i kisim bek laip. Tasol ol toktok i stap insait long Lod's Preia i kam isi long insait bilong mi na wantaim em, mi mekim preia na tok, "Papa bilong mipela...."

"Papa bilong mipela"!!! Jisas i tokim yumim gen olsem em i no papa bilong em tasol na em i no papa bilong yu tasol. Em i gutpela long harim, "Papa bilong mipela". Jisas i toksave long yumi olsem God em i papa bilong yumi olgeta. Em i papa bilong ol manmeri yumi laikim, na ol birua bilong yumi wantaim. Em i papa bilong ol lain yumi wanbel wantaim na ol dispela i nogat.

Em i papa tu long ol tematan o dispela husat i no bilip long en. Mi laikim o nogat, mi nogat sois em i papa bilong ol kain manmeri husat i save kolim em long ol kain nem na i lotu long ol narakain rot yumi no luksave long en.

Olsem Kristen, mi luksave olsem Papa i bin salim Pikinini bilo9ng em i kam long graun, Jisas i bin dai long Diwai Kruse na kirap bek gen na Santu Spiritu i bin kam na i no bilong brukim yumi tasol long yunaitim yumi. God em Papa bilong yumi. Em i bilong yumi olgeta, maski yumi save long en o nogat na Papa bilong yumi i laikim ol pikinini long harim em na laikim wanpela arapela.

Angliken Bisop bilong Popondeta i pinis long wok

BISOP Roger Jupp bilong Angliken Daiosis long Oro provins i risain na em bai go bek long ples bilong em long Ingran.

Jenerel Seketeri biloong Angliken Sios long PNG em Martin Gardham taim em i tokaut long dispela nius i tok Bisop Roger em i gat sik long lewa na i no inap long karimaut ol bikpela wok hia na olsem em i mas go bek long Ingran na malolo.

Taim bilong Bisop Rogert i pinis long wok bai stat long Febueri 28, 2005.

Sios long Ingran i bin salim Bisop Roger i kam long PNG long yia 2000 long wok olsem Prinsipel bilong Newton Tiojojike Kolis long Popondeta. Em bin holim dispela wok long tupela yia. Skul ya i gat bikpela luksave olsem skul we i save

givim trenim i go long ol yangpela man long kamap ol pater, bruder na rilijes wok. Long taim em i prinsipel long kolis, em bin kamapim gut skul long sait bilong akademik, pastorel na spirituel eria. Tasol long stat bilong yia 2003, ol bin makim em bisop bilong Popondeta. Em bin amamas long karimaut wok bilong em na em mi save go raun tu long ol peris long lukim ol perisina bilong em. Long Mei las yia, em bin go raun long Australia na ol dokta i bin sekim em na painim olsem em i gat sik long lewa. Em bin kisim operesen long Jun na bihain long em i malolo, em bin kam bek long PNG. Bikos long sik bilong em, em bin go long Ingran na luksave olsem sik i bagarapim em na em i no inap long wok moa long PNG. Olsem na em i risain.

Ol Fransesken Misinari helpim

Ol Kapusin Bruder long India na Indonesia i wok long helpim ol pipel i kisim bagarap long sunami tasol ol i stap long longwe tru long ol ples we ol i ken kisim helpim long en.

Long India, Bruder Jesu Irudiam OFN na ol lain bilong em long Nasakkaram provins long Chennai i helpim long putim kamap wanpela helpim grup ol i kolim long Chennai rilif Komiti long glasim na skelim ol bagarap na hevi i bin kamap long olo nambis ples we i stat long not Tamil Nadu eria i go long Yunien teritori long Pondicherry. Em i karamapim 350 kilomita.

Long Indonesia, Bruder saverinus Adir i wanpela OFM na dairekta bilong JPIC i bin kirapim Kraisis Senta bilo9ng JPIC long Jakarta. Ol lokel Sister na Bruder bilong Fransesken Oda i bungim wantaim ol lain bilong ol long Kraisis senta long Medan long karimaut ol helpim wok Kraisis senta i laik givim helpim i go long ol eria i stap long bikpela hevi tru long Aceh, tasol ol inap sapot long sait tasol bikos long wanpela tambu ol i putim long on NGO.

Nius Bilong HIV AIDS

Tok Lukaut



wantaim David Ephraim

Long ol wik i go pinis i bin i gat bikpela hevi i kamap long Esia rigon we i lukim bikpela solwara i bagarapim hap graun blong ol manmeri na planti i dai pinis long dispela birua.

Moa long ol hevi we i wok long kamap long graun i gat yet bikpela pait namel long Irak.

Em ol sampela hevi we i wok long kamap long graun long dispela taim yumi stap.

Planti save manmeri bilong lotu i tokaut olsem yumi stap long hawa bilong biknait dispela em tok piksa olsem Kraus Jisas we ol Kristen i save bilip long en bai kam klostu.

Mi laik kisim dispela taim long toktok liklik long ol sampela tok win i wok long go raun nabaut na bagarapim gutpela nem bilong God we ol Kristen i bilip long em.

Planti manmeri i wok long tok olsem God i soim belhat bilong em long ol manmeri tru long ol netsrol disasta olsem solwara i tait, guria, bikpela drai na ol kain hevi olsem bilong graun.

Dispela tok i no stret na mi ken tok olsem sapos yu manmeri we i wok long mekim dispela kain tok yu mas stopim bikos yu no soim stret pasin bilong Kraus Jisas we ol Kristen i bilip long en. Yu mas askim yu yet, yu bilip long wanem God?

Taim Kraus i dai long diwai kros na kirap bek gen em i bin dai long ol pekato bilong yumi olgeta manmeri na dispela i wokim yumi fri. Belhat bilong God i pinis antap long Kros bilong Kraus. Na taim ol kain hevi i kisim yumi, yu mas save olsem God i bin givim yumi ol manmeri dispela wok bilong lukautim gut ol samting em i mekim na putim long dispela graun. Na taim yumi ino lukautim gut i gat hevi i save kamap olsem birua bilong solwara. HIV AIDS em kamap long pasin bilong planti poro long taim bilong slip wantaim. HIV AIDS i kisim manmeri bikos ol i no lukautim ol yet gut.

HIV AIDS i stap pinis olsem na inap long sutim tok long God na yumi yet mas karim sampela hevi long asua bilong yumi yet.

Long Tok Lukaut bikpela luksave i go long ol yangpela rita, klostu bai sampela bilong yupela i go bek long skul nau.

Yu gat wanem plen long wokim long dispela yia long skul wok bilong yu? Sapos yu no wokim gut las yia, long dispela yia yu mas traim long wokim strongpela disisen long ol sampela samting we yu luking i wok long slowim yu long ol skul wok bilong yu.

Bikpela samting mi bilip em boi na gel pren pasin. Dispela em i gat gutpela na nogut bilong en tu i stap. Yu mas glasim gut ol pren bilong yu na lukim husat i ken helpim yu na husat bai ino inap helpim yu. Dispela ken helpim yu luksave gut long pinisim gut ol driman na tingting strong bilong yu long kamap wanem samting yu laik kamap long en.

Yes mi yet bai ronim wanpela skul holide progrem bilong Special Youth Project long lainim ol skul sumatin husat i stap long holide long besik internet sefing long Wol Benk Risos Senta daunbito long taun.

Sapos yu laik lainim yu ken ringim mi pastaim long NCD Provinsel AIDS Kaunsel na givim nem bilong yu long mi. Telepon namba em 323 0166.

Planti hevi i wok long kisim dispela graun yumi stap tude plis lainim planti samting nau dispela i ken helpim yu long abrusim ol bikpela birua olsem HIV AIDS.

HIV AIDS stap pinis, lainim na abrusim.

6-pela moa stadi senta bilong UPNG

Desney Koimo i raitim

OPEN kolis bilong Yunivesiti ov Papua Niugini (UPNG) i wok strong yet long bringim save i go long ol lain husat i no inap long kam long yunivesiti long kisim save.

Dispela i lukim ol bai opim tupela nupela stadi senta long Morobe na Oro provins na 4-pela arapela bai ron insait long ol arapela skul em long Don Bosco long Vanimo, HELP senta long Wewak, Komyuniti Developmen Senta long Moro na Samberigi insait long Sauten Hailans na Kikori long Galp provins.

Ekting Eksekutyutiv Dairekta bilong Open

Kolis, Samuel Haihuie, i tok taim dispela ol stadi senta i op bai inap long helpim ol wokmanmeri na tu ol skul liva long wokim ol yunivesiti progrem long wanwan provins bilong ol.

Ol provinsel yunivesiti senta i kamap bihainim wanpela agrimen o wanbel we yunivesiti na ol provinsel gavman i save mekim. Dispela i lukim ol provinsel gavman i putim mani na yunivesiti i givim aut ol samting bilong skul o mekim dispela ol progrem.

Mista Haihuie i givim bikpela tok amamas i go long Morobe na Oro Provinsel Gavman long mekim dispela wok na givim K100,000 bilong lukim wok i kamap long

dispela tupela nupela stadi senta.

"Dispela i soim bikpela tingting bilong dispela tupela provins long apim save na developim yumen risos bilong provins bilong ol na kantri tu" em i tok.

Taim dispela 6-pela nupela ol stadi hap i op bai i bringim namba bilong ol open kolis insait long kantri i go antap long 20 olgeta.

Mista Haihuie i tok dispela i no bilong resis wantaim ol arapela skul taim yunivesiti bilong Papua Niugini i karimaut wok bilong em aninit long mama Lo o Intergral Human Developmen we i tokaut klia olsem olgeta man i gat rait long kisim save.



Katim Klos...Tupela meri long Hohola Yut Developmen Senta long Mosbi i mekimsave long katim klos na somap.

Bogenvil redi long kisim ol nupela tisa

Veronica Hatutasi i raitim

BOGENVIL i redi long kisim planti nupela tisa husat bai kisim wok long hai skul, komyuniti na praimer skul level.

Asisten Seketeri bilong Edukesen long Bogenvil Tony Tsora i tok ol tisa bai mas stap long ol skul long redim ol wok long Mande Jenuari 25 na olsem, divisen bilong em i stretim ol tiket bilong kisim ol i go long Bogenvil bipo long Jenuari 25.

Divisen i mas baim ol balus tiket bilong dispela ol nupela tisa long go insait long Bogenvil wantaim manim inap long K31,000. Na long las wik yet, Mista Tsora wantaim lain bilong em i wok long toktok wantaim ol Edukesen na Fainens Dipatmen long salim dispela mani i go bilong stretim ol balus tiket.

Mista Tsora i tok long namel bilong dispela wik, olgeta samting i sut long ol balus tiket bai i stret na ol tisa bai go sindaun long ol wan wan skul bilong ol.

Ol nupela tisa greduet em ol i pinisim trening long Kabaleo Tisa Kolis insait long Is Nu Briten provins na ol arapela tisa kolis moa long kantri. Na ol i kam long olgeta hap bilong PNG.

Mista Tsora i tok bikpela grup stret i gat laik long tis long Bogenvil na dis-

pela em i gutpela sain. Em i tok wanpela long ol samting we planti lain i laik wok long Bogenvil em bikos ol i lukautim ol gut na maski em i bin hat pastaim, em i orait nau.

Long dispela nupela grup i kam, i gat planti meri tisa i stap insait long em. Ol bai putim ol dispela tisa long olgeta hap bilong provins we i gat nit long ol tisa long en.

Long wankain taim tu, ol skul Inspekta na Fasiliteta bai mekim raun bilong ol long ol skul long dispela yia wantaim mani sapot bilong ASusAID.

Mista Tsora i tok long ol yia i go pinis, em i save hat long ol Inspekta na fasiliteta i raun long ol skul bikos long mani hevi. Tasol nau AusAID i kam insait na i mekim isi long ol i go raun na kisim ol ripot long ol samting bilong skul, ol wok mentenens long ol samting bilong skul i bagarap na ol arapela samting moa long skul i kam long eria bilong ol. Ol Inspekta bai i go mekim lukluk raun long ol komyuniti na praimer skul tasol i no long ol hai na vokesenel skul.

Mista Tsora i tok Bogenvil i wanpela long ol laki provins i kam aninit long projek bilong sapotim ol Inspekta na Fasiliteta we AusAID i putim K9 milien long em. 5-pela provins i kam aninit long dispela helpim projek.

PMGH kisim nupela masin bilong mekim operesen

Desney Koimo i raitim

POT Mosbi Jenerel Haus Sik nau i kamap namba wan insait long Sauten Hemispia bihain long em i kisim ol nupela masin bilong mekim operesen we Australia na Nu Silan tu i nogat.

Din long Skul bilong Marasin na Helt Saiens Mathias Sapuri i tokaut long dispela taim em i tok welkam long nupela het bilong Dipatmen bilong Sejiri, Profesa Sydney Chung husat i bin joinim medikel skul long las 4-pela mun i go pinis.

Profesa Chung i man husat i mekim bikpela wok long kisim dispela ol masin i kam insait long kantri. Bikos Profesa Chung i gutpela poro wantaim ol lain insait long dispela biknem kampani Olympus, ol i bin givim dispela ol masin fri i kam long Pot Mosbi Jenerel Haus Sik. "Dispela bai lukim ol lain husat i kisim operesen i no inap slip longpela taim long haus sik na tu bai ol i no inap karim ska o mak long hap ol dokta i bin katim ol" Profesa Sapuri i tok.

Olympus i givim dispela ol masin long mani mak bilong K5 milien we bai mekim tupela kain operesen em Endoscopic na Laparoscopy Sejiri.

Dispela bai i lukim ol i lusim stail bilong bipo long katim op bodi na painim sik tasol nau bai ol i yusim ol TV kemera long lukluk insait long bodi na mekim ol liklik hol tasol bilong rausim wanem sik i stap long bodi. Dispela nupela operesen em ol i kolim olsem Keyhole Operation.

Profesa Sapuri i tok tu olsem dispela bai pes taim ken long Medikel skul i kisim wanpela leksera husat i wanpela biknem profesa bilong sejiri insait long wol.

Profesa Chung i gat bikpela save long long endoscopic na laparoscopy sejiri bai inap long tisim gut tru ol MBBS sumatin bilong skul bilong marasin na helt saiens.

Sunami - Ol sapot na helpim i go long Esia

Enga provins givim K20,000 i go long sunami bagarap

Yakam Kelo i raitim

GAVANA bilong Enga provins, Peter Ipatas, i givim K20,000 i go long han bilong Gavana Jenerel Sir Paulias Matane long las Fraide long helpim ol manmeri i kisim bagarap long sunami long Saut Is Esia.

Dispela K20,000 em helpim bilong ol pipel bilong Enga provins i go long helpim ol manmeri husat i bin kisim bagarap long bikpela birua solwara long Indonesia, Sri Lanka, Tailan na India. Planti tausen manmeri i dai pinis na planti milien manmeri i kisim bagarap olsem nogat haus, nogat kaikia, ol i nogat wanpela samting moa na planti i kisim bikpela bagarap na i mas kisim marasin.

Mista Ipatas i tok dispela sapot bilong Enga provins i kam bikos ol tu i save bungim planti hevi bilong graun olsem ais na bikpela drai. Ol dispela ais na drai i save kukim olgeta kaikai bilong ples na ol manmeri i save kisim bagarap long hangre tasol ol helpim bilong Gavman na ovasis sapot i save kam long ol. Olsem na long kain taim olsem arapela brata susa bilong ovasis i kisim bagarap olsem, mipela i mas helpim tu

bikos yumi save pinis long ol nogut na bagarap ol pipel i save bungim long kain hevi olsem.

Dispela helpim bilong Gavman bilong Enga i lukim ol bikman bilong provins tu i kamap long lukim olsem memba bilong Wabag Sam Abal, edministreta bilong provins wantaim ol komyuniti lida bilong ples tu i bin stap wantaim.

Sir Paulias husat tu em patron bilong PNG Red Cross i tok bikpela amamas i go long Enga Gavman na ol pipel bilong em long dispela bikpela helpim bilong em long ol pipel bilong Saut Is Esia. Dispela i makim pasin bilong ol pipel bilong Papua Niugini olsem mipela em ol pipel bilong laikim na sori na helpim.

Em i tok i gat wanwan manmeri i save bagarapim nem bilong PNG long ol bikhet na trabel pasin tasol planti manmeri tru bilong PNG em ol lain bilong laikim na helpim. Na dispela pasin i kamap klia long kain pasin ol pipel i wok long mekim tude long helpim ol lain i kisim bagarap long birua bilong solwara long Saut Is Esia long niu yia.



• Sir Paulias (Ilephan) i kisim sek mani long Mista Ipatas (rait).

Sir Paulias na famili givim K3,000



• Sir Paulias (rait) sindaun wantaim Lady Kaludia (Ilephan).

GAVANA Jenerel Sir Paulias Matane wantaim famili bilong em tu i tokaut long sapot bilong ol wantaim K3,000 i go long PNG Red Cross bilong givim i go long ol lain manmeri bilong Saut Is Esia husat i kisim bikpela bagarap long birua bilong solwara.

Sir Paulias i tokaut long dispela sapot bilong famili bilong em long las Fraide long Gavman Haus taim em i bin kisim wankain sapot bilong Enga Provins Gavman i kam long han bilong Gavana Peter Ipatas.

Bihain long Sir Paulias i tokaut long sapot bilong famili em, em i mekim klia tu long wok bilong Red Cross.

Em i tok Red Cross PNG i memba bilong Intanesenel Red Cross na ol i gat ol han wok i stap pinis na ol wok-manmeri tu i save stap redi long wok insait long wanem kain bagarap na birua i save bungim ol manmeri olsem nau long sunami.

Sir Paulias i tok wanem helpim

yumi givim bai i no inap go abrus bikos em bai ron stret long dispela han wok i stap pinis we Red Cross bai skelim gut bihainim wanem samting em ol pipel i sot long en long hap ol i stap long en na baim stret o putim mani i go stret long hap we i gat sot na hevi i stap long en.

Bihainim tu ol bai givim klia rekot long wanem kain rot na ol samting ol i yusim mani long en na yumi inap save tu long wanem hap em mani yumi bungim i go long en na wanem wok mani yumi bungim i karim long helpim ol lain i stap long taim nogut.

Olsem na Sir Paulias i tok Red Cross i no stap long wanpela hap tasol.

Ol i stap long olgeta hap kantri na bikpela opis bilong ol long Jiniva i save go pas long olgeta wok na menesmen bilong karimaut wok bilong Red Cross long olgeta bagarap na ol taim nogut insait long wol, em i tok.

Nesenel komiti bilong Esia sunami

Maisan Pahun i raitim

EKTING Praim Minista Sam Akoitai i tok olsem Gavman bilong Papua Niugini bai i helpim ol lain i kisim bagarap long Manam na Esia.

Long wanpela bung las wik Nesenel Eksekutiv Kaunsel (NEC) i kamapim sampela samting we i ken helpim ol lain i kisim bagarap.

Wanpela em i bilong kamapim wanpela nesenel komiti we bai go pas long nesenel apil bilong Esia sunami birua.

Ol komiti memba NEC i makim em Sir William Skate (MP), Sir Brian Bell (Private Sector),

Mahadiver Shanker (Inter Faith Group), Dame Carol Kidu (MP), Ekis Ropenu (Parliamentary chairman on Emergency), Susan Setae (women's rep), Peter Aitsi (President Media Council), Joshua Kalioe (Government Chief Secretary), Gabriel Pepson (Foreign Affairs Secretary) na Kenel Eric Ani (National Disaster & Emergency Service Secretary)

Mista Akoita tu i tok olsem NEC to bai no inap kisim takis long ol ogenaisesen i givim mani o samting inap long mani mak bilong K500 o moa i go long ol lain long Esia Sunami na Manam Rilif wok.

Tasol taim bilong dispela nogat Takis em i namel long fanresing taim tasol.

EKTING PM tu i tok olsem senis bai i kamap long Income Tax Act (to) we bai i lukim ol lain i givim helpim long ol Esia Sunami na Manam bai i baim liklik takis i go long Gavman.

Kabinet tu i bin orait pinis long salim sampela PNG voluntia dokta na nes i go long helpim rilif wok long Indonesia.

Na tu sampela memba bilong PNG defens Fos Enjiniaring Betallon bai i go long Indonesia long helpim long wok kirapim ples i bagarap.

PNGDF statim fanresing long helpim Esia

Andrew Molen i raitim

PAPUA Niugini Difens Fos i joinim gavman na ol narapela grup long bungim sampela mani long salim i go Manam na tu long Esia long helpim ol lain i kisim bagarap long maunten paia na solwara kirap o tsunami.

Interim siaman bilong PNGDF Fanresing Program na Sief bilong Pesenel, Kenel Paul Mai, i opim dispela program long dispela mun long Murray Bareks long Pot Mosbi.

Em i tok, "Dispela fanresing em bilong PNGDF tasol bilong mipela long helpim ol lain long hap long wanem kain we mipela i ken helpim."

"Long ami mipela i gat planti poroman na mipela i pilim olsem mipela i mas helpim ol na kantri bilong ol nau long dispela taim."

Dispela fanresing bai lukim ol soldia i putim liklik mani na tu bai ol i mekim ol liklik samting long bungim mani.

Kenel Mai i tok olgeta yunit insait long Pot Mosbi bai wokim ol fanresing bilong ol yet na bihain bai ol i putim i go wantaim insait long wanpela akaun tasol.

Bihain bai olgeta mani PNGDF i bungim bai i go

olsem helpim bilong PNGDF i go long dispela ol ples i kisim bagarap.

Em i tok i nogat wanpela mak i stap long bungim mani tasol ol bai traim long bungim wanem ol i nap long mekim na dispela bai i go i nap long mun Mas.

"Dispela hevi we i kamap long Esia em i bikpela tru na yumi olsem ol wan pipel i stap long wankain ples i mas helpim ol lain wan solwara bilong yumi," Kenel Mai i tok.

Em i tok ol narapela kantri i givim ol bikpela samting tasol liklik samting yumi givim i mas i go wantaim gutpela tingting na lewa bilong yumi.

Kenel Mai i tok tu olsem dispela mani ol i bungim bai i helpim tu ol lain long Manam Ailan husat maunten paia i bagarapim ol.

"Wanpela sip bilong mipela i stap redi long Madang tu sapos ol i laikim helpim bilong mipela bai sip i go tasol," Em i tok.

Long wankain taim Kenel Mai i tok PNGDF i stap redi tasol sapos singaut i kam long ol long i gho helpim long sakkela kain we long hap.

"Sapos ol i laikim mipela i go na pasim banis rounim han bilong wanpela man husat i kisim bagarap long wara o karim em i go long haus sik, em mipela i redi tasol i stap," Kenel Mai i tok.



Ol lida stap we?

Yu i no inap stap gut ausait long Bodi bilong Jisas Krai

Dia Edita,

Mi laik bekim pas bilong K. Ai bilong Kainantu EHP. Em i bin raitim long *Wantok Niuspepa* long Disemba 9, 2004, long het toktok "PNG pulap long ol kainkain lotu."

Yes tok bilong yu em stret na tru olgeta tasol yumi i ken skelim hamaspela god i stap? Hamaspela Baibel i stap?

Em wanpela tasol i stap olsem na Pol raitim pas long ol Etesas 4:4 i tok i gat wanpela God i stap, i gat wanpela baptais i stap, i gat wanpela spirit i stap na i gat wanpela sios Jisas yet i wokim i stap.

Jisas i tok bai mi mekim sios bilong mi (Matyu 16:18). Yes, Jisas i dai na namba tri de em i kirap-bek na i stap 40 de (Aposel 1:3) na i laik i go bek long Heven na tokim ol disaipel long go na wet long Jerusalem (Aposel 1:8)

Olgeta propet i bin toktok pinis na em i winim 600-700 yia i go pinis olsem sios bilong bikipela bai kamap long Jerusalem (Aisia 2:2-4, Joel 2:28-29, Sakaria 14:9, Daniel 2:44) na em tru sios bilong kraik em stat long yia 33AD.

Yu ken lukim namba i wok long gro, 3000 (Aposel 2:41), olgeta de ol manmeri i wok long go insait (Aposel 2:47) namba i go 5000 (Aposel 2:4).

Dispela wanpela sios em sios bilong Kraik (Roman 16:16). I gat planti toktok moa long mekim tasol bai mi sotim. Dispela sios bilong Kraik tude i stap long wol na PNG tu long wanem Jisas yet i tok (Aposel 1:8), yu painim tok tru na tok tru bai setim yu fri. (Jon 8: 32).

Mista Ai, yu tok nem lotu em i no inap sevim yu, em tru tasol yu yet na arapela i stap ausait long bodi bilong bikipela (sios bilong Kraik).

Yupela i mas go insait long (Church of Christ) long wanem em baim dispela sios long blut bilong em (Aposel 20:28) yu i no inap stap gut ausait long bodi bilong Kraik (Kolosi 1:20-28).

Sapos yu i gat sampela askim o yu i laik save moa, yu i ken rait long mi. Mark Dua, Junevalley Church of Christ P O Box 501 Waigani NCD.

**MARK DUA
POT MOSBI**

Ol MP bilong Sauten Hailans i stap long we?

Dia Edita,

Mi wanpela manki long ples Kirens insait long lalibu distrik. Mi laik autim wari bilong mi long *Wantok Niuspepa* olsem, taim mi stap long ples mi no save harim olsem 9-pela Memba bilong Palamen (MP) bilong Sauten Hailans provins i kamapim wanpela haus man bilong yupela yet.

Yupela meri olsem na yupela bihainim pati bilong ol nambis na arapela memba raun raun o wanem samting? Mipela ol manmeri long ples mipela i gat bilip long yupela 9-pela memba na mipela salim yupela i go long Palamen.

Mipela ol manmeri bilong SHP i no salim yupela i go na lus nabaut long Mosbi o long

narapela kantri nambaut. Yupela kam na lukim ples bilong yupela, Mendi taun em i kamap olsem ples bilong pait na Tari em i luk olsem ples bilong bingo na dat na yupela save stap we?

Rot bilong yupela em save luk olsem ol bus rot nabaut na wanem taim bai yupela kamapim ples bilong yupela yet?

Nau mipela save long kain giaman politiks bilong yupela long taim bilong ileksen. Taim mipela givim vot yupela i go lus pinis long Mosbi.

**DONIMIC AWAPE
KIRENE
IALIBU-KEWABI**

Nogat han mak bilong Gavman inap nau

Dia Edita,

Mipela ol pipel long lalakamalze eria i no bin kisim sevis bilong Gavman stat long 1975 i kam inap long nau.

Wanem taim bai Gavman i luksave long mipela? Wanem taim bai Gavman i putim liklik han mak bilong em long hap bilong mipela?

Wanem taim bai mipela lukim ol ka na balus?

Husat bai tokim mipela stret long ol dispela samting bai kamap long ples bilong mipela?

Sori tru long mi wantaim ol pipel long ples lalakamalze.

**DICKSY GUIYE
IALAKAMALZE ANNE
ISTEN HAILANS PROVINS**

"Nau mipela save long kain giaman politiks bilong yupela long taim bilong ileksen. Taim mipela givim vot yupela i go lus pinis long Mosbi." - Awape

Ol pipel long ples i kisim taim

Dia Edita,

Mi wanpela manki long Pindiu long Finchafen long Morobe provins na mi laik autim wanpela bel hevi bilong mi long memba bilong Finchafen, Guon Zurenuo.

Mi bin go long sori bilong mama bilong mi long Pindiu na kam bek na mi lukim olsem i gat bikipela hevi tru long wok bilong trenspot long ples. Rot bilong Finchafen i go long Pindiu i bagarap olgeta na ol ka i no inap moa ron.

Mipela i bin wokabaut long Gagidu i go long Pindiu na long Pindiu mipela i wokabaut i kam olgeta long Gagidu. Ol pipel long ples i kisim tru bikipela taim long hevi bilong trenspot.

Olsem na mi laik tok Mista Zurenuo olsem yu mekim wanem tru long stretim dispela hevi bilong ol pipel bilong yu. Gagidu taun tu gras i karamapim olgeta na i no luk olsem bipo.

Mipela i bin gat bilip long yu long mekim sampela senis long ples tasol i luk olsem yu no rait man. Trenspot em i ki bilong olgeta arapela developmen olsem helt, edukesen, io na oda, bisnis na sapos yu no mekim hariap, yu givim bikipela hevi tru long mipela ol pipel bilong yu.

**VICKY NAEWEC
POT MOSBI**

Putim mani long skul na rot

Dia Edita,

Mi wanpela bus manki long Kopon, Wowo Simbai eria Midel Ramu distrik na nau mi stap long Ninge Westen Hailans provins.

Mi tingting long ol pikinini bilong mipela long bus sait. Bai ol i go long skul long wanem hap?

Ben Semri, Memba bilong Midel Ramu distrik, mi askim yu, yu mas lukluk na tingting long ol pikinini bilong bus komyuniti na putim wanpela skul.

Dusin Komyuniti Skul i

pul tisa. Longwe tisa i laikim rot na pe bilong em long go i kam.

Plis Gavman nau yu mas putim mani long skul na rot bilong ol tisa na pe bilong ol wantaim.

Bai yu mekim gut bel bilong ol papamama na ol pikinini wantaim. Dusin Komyuniti Skul i laikim pul tisa.

**MICHAEL KIOMB
MIDEL RAMU DISTRIK
MADANG PROVINS**

THE GRADUATES OF 2004

s link h data

"Seeing him here today is an inspiration for all of us," she said. He inspires others, and we too hope one day to inspire others. Dr. Hiwalyer is based in Port Moresby and his work there was the driving force behind his studies. Working as a senior medical officer in PNG in the 1980s he was continually frustrated by the lack of reliable disease statistics. So he developed a model - the basis of his thesis titled Use of Information for Decision Making at Local Level - to link health data collected by rural health workers with health spending decisions by councillors. This means the decision makers have heightened knowledge of where

Pasin Susa...Nem na pes bilong ol dispela ol meri Papua Niugini i bin pairap long wanpela niuspepa bilong Townsville, Australia, ol i kolim Townsville Bulletin taim ol i bin go long lukim wanpela poroman bilong, Gilbert Hiwalyer, i greduet long James Cook Univesity long Townsville, wantaim Dokteret bilong em long Pablik Helt las yia. Long lephan i go long rait em Eare Forova, Daisy Raburabu, Diane Kambanei, Mista Hiwalyer, na Elisheba Malau.

Noken pait long man

Dia Edita,

Watpo tru mi save lukim ol meri i pait long man long Kimbe taun i no stret liklik, i rabis olgeta. Ating yupela i no save sem liklik long ai bilong planti man long pablik ples.

**ALPET TONNY
KIMBE, WNB**

Surikim ol praimer skul tisa i go antap

Dia Edita,

Mi wanpela tisa long komyuniti na praimer skul i save lukim tru hevi bilong ol skul.

Insait long Papua Niugini ol skul i laikim ol tisa tasol ol tisa nau yet i tis long ol praimer top ap na komyuniti i sot yet.

Bikos planti ol Diploma greduet i go pulap long siti na taun wantaim ol bikipela senta olsem Hagen, Madang, Goroka, Rabaul na arapela moa.

Plis mi askim i go long Seketeri bilong Edukesen, Peter Baki,

long em i ken toktok wantaim husat i gat setifiket long go insevis kos, makim ol yangpela tisa long komyuniti na praimer long go long kos long Diploma mak na luksave pastaim long ol tisa husat i tis long praimer top ap skul na ol dispela tisa i ken go skul na kisim ol kos long tis long gret 6-8.

Plis Mista Baki inap yu lukluk long dispela hevi bilong ol tisa.

**MATT DEDEBOH
HOLEYAH
MT HAGEN**

WANTOK KOMENTRI

Lukaut long makim marit

PASIN bilong makim pikinini meri long man i maritim i no inap wok tude long dispela nupela faim nau. Pasin tumbuna bilong makim meri long man em i no gutpela rot moa long nupela lo na luksave bilong nupela pasin tude.

Dispela i mekim na wanpela skul meri kris-mas bilong em 17 i kilim em yet long las wik Fonde bikos papamama i laik givim em long wanpela bikman long maritim. Dispela meri inap mekim gret 10 long dispela yia.

Tude i gat kainkain lo i banisim rait na fridom bilong wanwan manmeri long mekim samting we i stret long save na tingting bilong ol yet.

I gat planti lo i tambu long noken mekim nabaut long ol pikinini. Noken givim ol bikpela hatwok olsem kago boi, noken paitim ol nogut tru, noken mekim ol i stap hangre, noken tok nogut long ol pikinini, noken salim ol long mekim pamuk pasin long kisim mani, noken pusim em long marit olsem em i kago boi bilong yu.

Dai bilong dispela yangpela meri i no liklik samting na olgeta atoriti bilong gavman i mas strongim eksen bilong ol long mekimsave long husat papamama na famili i save mekim olsem long ol pikinini bilong ol. Wankain tu sapos husat ausait man o meri i laik mekim nabaut long ol liklik pikinini long grisim ol o pulim ol egensim laik bilong ol em tu i mas kisim bikpela mekimsave bilong lo.

Mipela olgeta i mas save nau olsem planti pasin kastom bilong bipo i no inap wok gut tude taim save bilong planti yangpela pikinini tude i no stap long mak bilong bihainim bikos ol i gat laik na interes bilong ol samting bilong tude we ol i laik mekim.

Ol i laik go long skul, i no long gaden na karim bilum na kago i go long kastom wok. Ol i laik save long narapela pipel na narapela kantri. I no pipel na klen bilong em tasol. Ol i laik kisim marasin stret bilong pinisim sik na i no ol bus dokta o glas man.

Planti nupela samting em ol pikinini long tude i kamap long en olsem na yumi tu mas sapatim ol pikinini long sindaun bilong ol we i mas gutpela insait long dispela nupela taim bilong tude.



Yumi mas lainim long ol pipel bilong Bogenvil

LAS wik mi bin stori olsem planti ol memba bilong Nesenel Palamen i laik go stap wantaim gavman bilong Sir Michael Somare. Planti bilong ol i tok, ol i laik strongim gavman bilong Sir Michael. Tasol mi ting, Sir Michael i no nidim ol. Olgeta samting i orait long em na i luk olsem bai gavman bilong em i stap i go inap long 2007 Jenerel Ileksen.

As tru bilong ol memba i laik go joinim gavman em long kisim sampela helpim bai ol i kisim i go long ilektoret bilong ol. Ol memba i save taim i sot pinis na ol i mas mekim sampela wok. Sapos nogat wok long ilektoret, ol yet i save wanem samting bai kamap long ol.

Long dispela wik, mi laik tingim ol pipel bilong Bogenvil. Bogenvil, yumi olgeta i save em i bin go long bikpela hevi na planti laip i lus. Tasol lukim ol, ol i wok hat tru long kirapim nupela laip long Bogenvil.

Ol pipel bilong Bogenvil wantaim sapat bilong Bogenvil Interim Gavman, Nesenel Gavman, na sapat i kam ol narapela kantri olsem Australia, New Zealand na tu



TOK PISIN
wantaim
PETER MAIME

ol inta-nesenel grup olsem 'European Union, United Nations Observer Mission' na ol NGOs i traim hat tru long bringim bel isi long ailan.

Las wik Fraide, Nesenel Gavman i luk-save long nupela mama lo (Konstityusen) bilong Bogenvil. Minista bilong Inta Gavman Rilesens, Sir Peter Barter, i bin stap long wanpela bikpela bung long Arawa na kisim dispela nupela konstityusen long han bilong ol pipel bilong Bogenvil. Bogenvil nau i stap ananit long dispela nupela konsityutsen.

Ol narapela lida husat i stap long dispela bikpela bung long Arawa, em Eting Praim Minista, Sam Akoitai, Gavana bilong Bogenvil Interim Gavman, John Momis na Presiden bilong Bogenvil Pipels Kongres, Joseph Kabui.

Mi yet mi gat bikpela amamas long ol pipel na ol lida bilong Bogenvil. Mi tok gen, lukim ol, ol bin wokabaut na karim pen wantaim, na nau ol i wokabaut wantaim long painim bel isi. Skelim bilong mi yet mi ting, long pen na indai bilong Bogenvil, PNG tu bai kirap wantaim Bogenvil. Bogenvil nau i stap wantaim bikpela blesing.

Taim mi bin lukim piksa bilong Sylvia, meri bilong sief lida bilong Kieta, Raphael Niniku, i givim nupela konstityusen i go long han bilong Sir Peter Barter, mi wari stret. Tasol dispela piksa i gat bikpela min-ing tru. Sylvia i pasim tingting na givim nupela laip i go long ol pikinini na tumbuna bilong em long Bogenvil.

Na mi ting ol pipel bilong Bogenvil i no save popala long toktok bilong ol. Taim ol i tok belisi na gutpela sindaun bai kam long "mipela" yet na i no long narapela lain o grup, mi save dispela toktok i kam long bel bilong ol.

Bogenvil, mipela i stap wantaim yu.

WANTOK

Published Weekly, Wednesday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: 325 2500
Fax: 325 2579
Email: word@global.net.pg

Pe bilong wanpela yia
52 niuspepa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager
Justin Hansu Kili

Editor
Yakam Kelo


Word Publishing Company Limited is owned by the four major churches of Papua New Guinea: Catholics 50%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Published by Jeremy Burgess and printed by Pacific Star-P.O. Box 6817 Boroko NCD at allotment 13 section 38 Waigani drive, Port Moresby

Lidasip mas skelim toktok

Lida i mas harim tok-tok bilong ol arapela manmeri na skelim

DISPELA i no isi, long wanem ol lida i wokman bilong God na manmeri tu. Na tu, wokman tu



OL PRINSIPOL BILONG GUTPELA LIDA
wantaim
Pastor na Evangelist
OHARE JABERE

bilong helpim ol arapela manmeri ol i mas bihainim laik bilong God na mekim wok bilong God na helpim ol man wantaim.

God i mas i stap namba wan long laip

bilong ol lida: olsem na sapos sampela manmeri ilaikim lida i sakim tok bilong God, ol i noken harim tok, lida i mas bihainim tok bilong God tasol.

WOL NIUS WOL NIUS WOL NIUS WOL NIUS



WOL NIUS WOL NIUS WOL NIUS WOL NIUS



Sekim Kago

Wangpela kago bilong sekim of kago bilong wan...
Foto: AP/ANA MARIA OTERO



Kisim Helpim

Seoul: Of woklain bilong Thai i sindaun long of wisia...
Foto: YAHOO

Birua Bilang Bom

Irak: Wangpela na i baganab bilong...
Foto: AP/JOHN MOCKE



Polis Holim Pasim Bikpela Raskol

Medan: Dispela foto i som Miguel Angel Caro...
Foto: AP/FEDERAL POLICE



Pisin Painim Pis

British Columbia: Wangpela pisin of i save kolm Bald Eagle...
Foto: REUTERS/ANDY CLARK



Taim Dai

Amerika: Di manetan i kantaun long taim of...
Foto: AP/JOHN MOCKE



Sanap Was

Irak: Wangpela solida bilong Itali i sanap was...
Foto: AP/POOL/JOHN MOCKE

Catholic Education is important Educational Renewal

For the Catholic Church, education is an important apostolate, building on the efforts of parents to raise their children, to give them opportunities to develop in every way, humanly, academically and spiritually. The Church is serious about education in PNG, and has been an important partner with government in this field. It is a practical continuation of the work of Christ, the light of the world, bringing us the light of life and ensuring that we do not walk in darkness. (Jn1:12)

We have been rocked during this past year especially with the discovery of "generation systems" in schools, with large numbers of students involved and/or pressured to be involved in some immoral practices and even satanic worship. Secondary and high schools have been affected, but also primary schools. We hear of young girls working as part-time sex workers in order to raise school fees, and now, some parents are in the home brew business for the same purpose.

What about the moral principles that we believe in and strive to live by? Do we have a set of spiritual values to guide us? We should have a sense of what is right and what is wrong to go by. If we are to do anything about these practices, it should be through the parents in our families, and in our schools. Our teachers have a big job to do.

The ability to address such issues is part of effectively achieving our educational and pastoral goals. It will be a challenge in our Catholic education

system in PNG to deal with alternative values in a society which is becoming more secular and materialistic, and where corruption is a growing problem.

Parents, too, need to have an influential role in the lives and upbringing of the children. They should contribute positively to the faith dimension and the Christian character of the family, especially as role models of Catholic values for their children. Parents and teachers combine in this important task.

The school year for 2005 is about to begin. Our teachers in Catholic schools have a major challenge to develop a sense of ministry in their professional careers. You form your students by offering them a set of values to go with their newly discovered knowledge. This you do along with bringing professional competence and a high standard of excellence to your teaching. Students, hopefully, will come to see and know the richness and joy of life lived in accordance with Christ's teachings. Through teaching, you impart what you know and you live what you believe. For teachers, students and parents, this is something to approach with anticipation and energy.

I wish you all a happy, successful year for 2005. Welcome back to school on the 31st January. God bless you all.

**ARCHBISHOP BRIAN J. BARNES,
OFM, KBE, DD
ARCHBISHOP OF
PORT MORESBY**

Education responds to both social demands and individual aspirations...controversies about educational policies are in fact controversies about man's individual and collective present and future wants.

Change is inevitable. The processes of life and growth demand appropriate change. History recounts it. Education prepares young people for change. Schools teach the skills, attitudes and values required for young people to develop into adults contributing to our society. Since society changes, schools must constantly review and reassess their roles and curricular. As the pace of change increases in our complex Papua New Guinea Society, so the demands on schools in Papua New Guinea to synthesise, assess and respond increase.

Recently we read in the newspaper that Parliament has approved the Education Plan for the next ten years, 2005 - 2014. This is a time for us to change - renew, update, up-skill ourselves in our professional responsibilities. We are never too old to learn, to change, to renew ourselves. There is a saying that goes like this, which I believe in, "it is better to burn out, than rust out" and "be not the first to take on the new nor the last to leave off the old".

We need to be up and alive and don't wait for people to tell us what to do or how to do it. As educators we are committed professionals. Commitment is what transforms a promise into reality. Commitment is the stuff character is made of, the power to change the face of things. Commitment is the daily triumph of integrity over skepticism.

How do we define an excellent school - a good school?

1. Excellent schools have a shared vision, values and clear goals. They have clarity of purpose.
2. The leadership is professional and effective. Responsibilities are shared. An effective Senior Management Team is evident.
3. The focus is on teaching skills and the

learning of students. Teaching and learning are accorded the highest priority. Staff believe that all students can obtain mastery when the Curriculum and teaching and learning activities are designed to meet the specific needs of their students. In excellent schools students share responsibility for their success. Students are actively involved in setting goals for their learning, for the way their work will be assessed.

4. The home-school partnerships are genuine. Parents are actively engaged and participate in their children's learning.

5. Staff are active members in their learning organization. Teachers in excellent schools have a positive attitude to and are actively engaged in professional learning.


6. Excellent schools provide supportive learning environments for students. There are strong pastoral care programs and relationships between teachers and students that are positive and respectful. Inclusivity, diversity and equity are deliberately and sensitively integrated into programs and are considered in the everyday operations of the school.

7. Excellent schools value each student as an individual and believe all students are learners with the potential to achieve.

Many teachers - educators need to change their professional attitudes and commitment. The nature of change can generate uncertainty and anxiety because the future is unfamiliar. Some teachers have been in their "comfort zones" for too long.


It is essential that Principals and teachers, as professionals involved in education, concern ourselves with renewal and change for the improvement of our schools in 2005. At St. Joseph's, our renewal program will be centred around our School Curriculum and professional upskilling of teaching staff.


**Peter Mays, MBE, MACE
Principal**




Parents

This is a personal invitation
For residents of the
Capital City
To experience Catholic
Education at its best.







Opportunities
for your child
to succeed



Educational Programs diverse and innovative



Some recent Highlights and Achievements



Consistently high
examination
results

ENROLLING NOW FOR 2005 PRE SCHOOL TO GRADE EIGHT

Few vacancies exist for students in grades six, seven and eight.
Enrolment in other grades has closed.
We are proud to assist in the education of your children.

Contact:
Mr Peter Mays
Principal
St. Joseph's International
Catholic School
PO Box 5784 BOROKO, NCD
Telephone: 325 3773
Fax: 325 3237
Email: joseph@dalfron.com.pg

Namba wan taim tru ol manmeri i lukim olsem kain mani i bin kam stret long ovasis bihain long ol fama i salim kopi bilong ol.

Ovasis kopi mani go stret long Megunagu

James Kila i raitim

OL PIPEL bilong Megunagu viles insait long apa Bena eria long Isten Hailans provins i bin kisim narakain filings stret i no longtaim i go pinis taim ol i lukim kes mani i go kamap stret long hauslain bilong ol.

Ol fama i lukim stret mani mak bilong en em K45,624 em ol Goroka Mobail 12 i karim na was long em i go stret long hauslain bilong ol lain kopi fama. Dispela mani tu i go olsem Krismas na Niu Yia presen bilong ol dispela lain manmeri long Megunagu viles.

Wanpela gutpela samting tru we i nupela tru long ol dispela lain bilong apa Bena em olsem namba wan taim tru ol manmeri i lukim olsem dispela kes mani i bin kam stret long ovasis bihain long ol fama i salim kopi bilong ol i go olsem ekspot. Olgeta dispela wok i bin kamap bihain long bikpela hatwok na ogenaisesen bilong Sayafa Kopi Groas Koporetiv Limited.

Dispela koporetiv grup em ol fama yet i kirapim long helpim ol long maketim o salim kopi bilong ol i go long ovasis maket na kisim gutpela prais long helpim sindaun na laipstail bilong ol long hauslain komyuniti.

Insait long dispela bung we i bin kamap long koporetiv kopi haus bilong ol lain Sayafa Koporetiv, Seketeri bilong grup Robin Orotai i bin sanap na givim pablik ripot long wanem rot ol i salim kopi i go na hamas ol i kisim olsem mani ripot. Ol fama i bin sindaun isi na harim ol ripot em givim.

Mista Orotai i givim ripot olsem ol fama long Megunagu aninit long Sayafa Koporetiv famas grup i bin salim 196 kopi beg bilong ol. Totol kilogram bilong dispela olgeta kopi beg i bin stap olsem 11,998 kilogram.

Man i pas long Sayafa Koporetiv, Charles Bafo, husat em wanpela komyuniti skul tisa, na ol narapela lain brata, i kirapim long hauslain long helpim ol papamama na ol yangpela insait long hauslain long salim kopi bilong ol long kisim gutpela mani long helpim sindaun bilong ol.

Nesanel memba bilong Unggai Bena ilektoret, Benny Allan, husat viles bilong em i stap klostu long dispela hap i bin go na givim aut mani long han bilong ol lain manmeri bilong Megunagu viles. Ol i bin kolim



• Mista Allan (namba 2 long rait) i givim mani long wanpela meri kopi fama (lephan). Mista Bafo i sanap namel. Ol foto: JAMES KILA

nem bilong wan wan ol kopi fama na ol i bin wokabaut i na kisim ol kes mani bilong ol.

Wanpela gutpela samting tru we i bin kamap long dispela taim long presentesen em taim ol lain Sayafa Koporetiv i givim tu sampela mani i go long han bilong ol sios grup insait long eria bilong ol. Dispela pasin bilong wok bilong sios em gutpela tru na soim olsem Kristen bilip tu i stap long wok bilong dispela koporetiv grup.

Mi bin raun wantaim ol dispela lain famas taim ol i bin go kisim mani bilong ol long ANZ long Goroka na ron long PMV wantaim polis eskot i go olsem long Bena. Taim mipela i ron long rot yet ol fama i kirapim stret tumbuna singsing na amamas wantaim na mipela i ron i go. Ol i karim sampela frut wain kontena Live Lave na olgeta filings long ka i bin go rait olgeta taim mipela i ron i go. Maska olsem traipela san na das tu i kirap long rot ol lain brata susa antap long ka i no wari tumas. Ol i givim samsam stret na mipela i kukim long rot i go kamap long Megunagu viles.

Taim mipela i go kamap mipela i wet liklik long kam bilong Memba bilong Unggai Bena, Benny Allan. Dispela lida em wanpela smatpela lida ol pipel bilong Unggai Bena i makim long karim hevi bilong ol long Nesanel Palamen. Maska olsem em i go olsem nupela memba, em i kirapim planti ol nupela wok pinis olsem ol rot projek na tu helpim wok bilong kopi developmen long ilektoret bilong em.

Insait long toktok bilong Mista Allan em i tokim ol pipel long yusim gut taim bilong ol na wok strong long kopi gaden. Dispela em bikos kopi em laip lain na strongpela helpim tru bilong ol pipel long Bena na Isten Hailans.

"I no wanpela samting i save bringim mani long poket bilong yupela taim yupela laikim skul fi o mekim ol bikpela kaikai long hauslain. Kopi tasol i tok na mani i kam, Mista Allan i tok.

Kopi em wanpela bikpela na namba wan samting tru long ekonomi bilong Isten Hailans.

"Yupela ol manmeri i mas wok hat na bai yupela kisim gutpela mani olsem na ol dispela lain fama bilong Megunagu i mekim," Mista Allan i tok.

Em i tok tu olsem ol lain long Sayafa Koporetiv na na ol narapela i mas promotim dispela wok bilong koporetiv i go long ol narapela ol hauslain insait long Bena na dispela bai helpim ol liklik manmeri tu long wok strong insait long wok bilong kopi.

Mista Allan i tokaut tu olsem em i mekim tok promis long K10,000 long kirapim wanpela bikpela koporetiv insait long Unggai-Bena distrik. Dispela koporetiv bai helpim ol liklik manmeri long ples long stretim ol kopi bilong ol long sait bilong marasin na tu long helpim ol long maketim kopi bilong ol long kisim gutpela prais.

Insait long narapela ol bikpela toktok Mista Allan i givim long ol manmeri em olsem ol Bena pipel i mas

stop long putim mani ol i kisim long kopi long baim gan na kirapim biruva namel long ol yet.

"Mi mekim bikpela singaut tu i go long olgeta pipel bilong Bena long noken tru putim mani i go insait long ol dispela giaman grup Papalain. Ol dispela lain i kam long paulim yupela tasol. Ol i no stap long Berking na Fainens Menesmen rekot. Ol giaman tasol i kam na paulim mani bilong yupela," Mista Allan i tok.

Insait long dispela bung long Megunagu i lukim tu ol lain bilong Mitega Kopi Groas Koporetiv bilong Lufi Lufa viles i bin go na givim toktok na tok klia long wok bilong dispela ogenaisesen em PNG Kopi Groas Federesen (PNGCGF).

Mausman bilong PNGCGF, Francis Giyopo, i toktok olsem dispela wok bilong koporetiv em pasin bilong wok bung wantaim, serim wok na tu karim hevi bilong wok wantaim.

Taim dispela kain wok i kamap em ol memba bai i ken painim gutpela wok i kamap na tu win bilong dispela pasin bilong wok bung-wantaim i ken go orait na ol memba i ken amamas, em i tok. Mista Giyopo i tokaut tu olsem nau yet insait long kantri na wol i gat bikpela pasin bilong wok resis. Olsem na em i moa gutpela long ol fama i mas sanap wantaim na wok bung wantaim na mekim wok.

"Long sait bilong wok kopi em olsem sapos yu wanpela man yu karim kopi bilong yu i go long man i holim skel. Em bai winim yu. Tasol sapos yu bung na go olsem grup dispela man long rot sait husat i holim skel na sanap i stap na pret na surik long yu. As bilong dispela em i olsem yu gat pawa long kolim gutpela prais na kisim long kopi bilong ol," Mista Giyopo i tok.

Mista Bafo long pinisim toktok bilong dispela bung long Megunagu viles i givim salens i go long PNGCGF long kamaut ples klia na mekim wok wantaim ol fama na soim ol stret long wanem gutpela rot i stap long ol i ken skruim wok bilong ol.



• Meri bilong Mista Bafo, Misa Bafo, i kisim sampela presen i kam long ol hauslain olsem tok tenkyu.

Yu ting mipela i givim inap helpim o nogat?

Bikpela bagarap i bin kamap long planti kantri long Esia bihain long sunami i bagarapim ol ples na planti pipel i bin dai na lusim ol samting bilong ol. Nau long dispela taim planti ol arapela kantri i wok long helpim ol long mani, kaikai na ol arapela samting. Long dispela taim tu long kantri bilong mipela maunten paia long Manam i pairap na bagarapim sindaun bilong ol pipel. Yumi olsem kantri i wok long tupela sait wantaim long helpim ol lain Esia na Manam ailan. *Joe Ivaharia* i raun na painimaut.



Sharon Apo

Mi bilong Isten Hailens na mi ting olsem gavman i no mekim bikpela helpim yet.

Mi laik gavman i mas givim bikpela helpim yet i go long tupela disasta hap long Manam na tu long Esia kantri. Long wanem taim yum ii save kisim bikpela bagarap olsem long Aitape planti ol kantri na pipol long wol i bin givem helpim. Nau yet planti ol pipol long kantri i wok long givim liklik mani bilong ol i go long dispela apil tasol mi laik PNG Gavman i mas givim moa yet.

Morobe na mi wok olsem wanpela sekuriti gad. Mi laik gavman i mas givim bikpela helpim i go long ol pipel husat i kisim bikpela bagarap long ol disasta long ol kantri long Esia na tu hia long Manam. Long wanem yumi save pinis long taim nogut bilong yumi ol arapela lain i save givim wankain bikpela helpim tu i kam. Nua yet mi ting dispela helpim we gavman i wok long mekim i no inap. Ol i mas kontribut o givim moa long helpim ol pipel bilong yumi long Manam na igo long ol lain Esia tu. Dispela tupela disasta i bin kamap klostu long sem taim olsem na gavman tu i mas skelim o brukim namel dispela helpim igo long tupela hap disasta eria.



Sapin Yai

Mi bilong Wabag na mi wok wantaim Nesenel Agrikalsa Kwarentin Inspeksen Atoriti (NAQIA). Mi yet mi ting gavman i gat moa wok long mekim long sait bilong kontribusen bilong em igo long tupela disasta eria. Long taim yumi save painim bikpela hevi long ol disasta wankain olsem long Aitape planti kantri long wol na ol pipol i bin givim bikpela helpim i kam. Sapos i bin gat wanpela disasta em bai i isi long givim helpim tasol nau yet yumi gat tupela sait long givim helpim igo long em. Wanpela long ol pipel bilong yumi long Manam ailan na narapela long ol kantri long Esia. Mi ting gavman yet i mas lukluk long apim kontribusen bilong em i go moa yet. Moa long ol lain Manam bikos dispela birua i bin kamap long 1996 na ples o graun gavman i bin makim long tarim ol pipel i stap long en i no bin redi gut i kam nau we dispela maunten Manam i paia gen. Nau yet ol pipel i wok long painim hat long sindaun bilong ol long wanem hap graun i no redi long ol i ken istap long meinlen.

Mi bilong Goroka na mi meri bilong mekim buai maket i stap. Tingting bilong mi i olsem i mobeta gavman mas kamapim moa wok long painim mani bilong helpim igo long dispela tupela disasta. Kain liklik lain olsem mipela i wok long painim hat long kisim mani na lukautim laip bilong mipela long bik siti o taun. Tasol kain hevi i kamap long wanples bilong mipela long Manam em i bikpela samting we mipela ol liklik manmeri i givim wanpela K1.00 i go long halivim ol. Wankain tu long birua i kamap long ol Esia kantri mipela i mas painim dispela liklik mani long givim long wanem taim nogut bilong kantri ol i kam helpim mipela olsem na mipela i mas bekim. Olsem na mi laik gavman i mas mekim gut na givim moa helpim igo long dispela tupela birua o disasta.



Jack Bave

Mi bilong Goroka na mi wok olsem wanpela sekuriti gad wantaim Zero sekuriti servis kampani. Taim yumi bin kisim bagarap long Aitape Tsunami planti ol pipel long ol arapela kantri i bin givim helpim i kam long kantri long dispela taim. Gavman yet i save long wanem kain helpim dispela ol kantri na pipel i bin givim i kam. Olsem na nau gavman i mas skelim gut long wanem kain bekim yumi mas wokim long helpim dispela bagarap long Esia sunami. Long sait bilong Manam tu mi laik gavman i mas helpim ol hariap long wanem em ol kantri lain bilong yumi. Pastaim dispela maunten i bin paia na planti pipel nau i stap long meinlen Bogia tasol i no bin gat gutpela plening long sait bilong gavman long lukluk long bihain taim. Nau Manam i paia gen na planti pipel nau i nogat hap long sindaun olsem na mi ting gavman i mas stretim ol lain Manam pastaim na givim bikpela helpim igo long ol.

Mi bilong Simbu na wok wantaim Premium Concepts kampani. Long lukluk bilong mi long tupela disasta wantaim gavman i mas givim bikpela helpim long sait bilong Manam disasta. Long ol Esia tsunami wanem gavman i givim pinis em i inap. Ol lain Manam em ol wan pisin bilong yumi olsem na gavman mas lukluk pastaim long stretim wari na sindaun bilong ol wantaim kaikai, wara, kolos na ol arapela samting tu olsem ples o graun bilong kamapim nupela laip o sindaun bilong ol.



Ray Kila

Mi bilong Sentrol na wok olsem sekuriti gad wantaim Zero sekuriti kampani. Mi laik olsem gavman i mas givim bikpela helpim long tsunami disasta long Esia. I no long sait bilong mani tasol, ol i mas salim ol kaikai, kolos na ol wok manmeri olsem long Difens, polis na ol dokta na nest tu long helpim ol lain i kisim bagarap.



Philip Gapson

Long tingting bilong mi i olsem long Manam em ol Wantok bilong yumi stret olsem na Gavman i mas lukluk pastaim long ol. Mi yet mi lukim olsem gavman i wok long lukluk tmas long sait bilong Esia tsunami. Gavman i mas traun na skelim gut long wanem prioriti bilong em na sapos inap ol i ken brukim gut ol donesen long bikpela helpim igo long ol lain Manam na wanem i lepova igo long ol tsunami lain. Mi ting gavman i mas givim bikpela helpim.


Toksave bilong Edita
Ol toktok long dispela pes i no makim olgeta tingting bilong *Wantok Niuspepa*.



Helen Eno

Mi bilong Goroka na mi wanpela buai maket meri. Tingting bilong mi em gavman i mas sanap long em yet na givim bikpela helpim long dispela tupela disasta long ol Esia kantri na long Manam maunten paia long Madang. Planti pipel i bin kisim bagarap long hap bilong Esia we gavman i mas mekim bikpela kontribusen long em long wanem taim yumi kisim bagarap em ol lain long ol arapela kantri i save givim helpim i kam long yumi.

Wankain tu mi ting gavman i mas givim tu helpim i go long ol pipel long Manam long wanem nau yet ol i wok long painim ples long stap we gavman i mas mekim wok pepa bilong stretim graun na ol arapela samting hariap.



Inias Natamaio

Inias Natamaio i bilong



Kathy John



Joe John

CATHOLIC RADIO 103.5 FM

Fonde

6:00	ANGELUS	6:05	SUNDAY EUCCHARIST (EWTN)
6:05	MEDITATION/INSPIRATIONAL MUSIC	7:00	HOLY ROSARY
7:00	VATICAN RADIO WORLD NEWS	7:30	CATHOLIC INSIGHT
7:15	VATICAN ENGLISH PROGRAM	8:00	WORLD NEWS
7:35	NON-STOP GOSPEL MUSIC	8:15	VATICAN ENGLISH PROGRAM
8:00	JOURNEY HOME (EWTN)	8:40	IN THE LORD'S VINEYARD
9:00	VATICAN RADIO WORLD NEWS	9:00	NON-STOP GOSPEL MUSIC
9:15	VATICAN ENGLISH PROGRAM		
9:40	KIDS SING-ALONG		
10:00	CATHOLIC JUKEBOX		
10:30	GOSPEL MUSIC		
11:00	NON-STOP GOSPEL MUSIC		
12:00	ANGELUS		
12:05	VATICAN WORLD NEWS		
12:20	VATICAN ENGLISH PROGRAM		
12:40	REFLECTION MUSIC		
1:00	LAMB'S SUPPER WITH DR. SCHOTT HAHN		
2:00	MUSIC		
3:00	CHAPLET OF DIVINE MERCY		
3:20	NON-STOP GOSPEL MUSIC		
4:00	CATHOLIC JUKEBOX (ENCORE)		
4:30	NON-STOP GOSPEL MUSIC		
5:00	JOURNEY HOME		
6:00	ANGELUS		
6:05	MADANG LOCAL NEWS		
6:10	VATICAN ENGLISH PROGRAM		
6:30	LAMB'S SUPPER WITH DR. SCHOTT HAHN		
7:00	HOLY ROSARY		
7:30	CATHOLIC INSIGHT		
8:00	VATICAN WORLD NEWS		
8:15	MADANG LOCAL NEWS		
8:30	VATICAN ENGLISH PROGRAM		
9:00	TOK STREET LONG HVAIDS		
10:30	VATICAN ENGLISH PROGRAM		

Faide

6:00	ANGELUS	6:00	ANGELUS
6:05	MEDITATION/INSPIRATIONAL MUSIC	6:05	MEDITATION/INSPIRATIONAL MUSIC
7:00	VATICAN WORLD NEWS	7:00	VATICAN WORLD NEWS
7:15	VATICAN ENGLISH PROGRAM	7:15	VATICAN ENGLISH PROGRAM
7:35	NON-STOP GOSPEL MUSIC	7:35	NON-STOP GOSPEL MUSIC
8:00	RADIO ST. JOSEPH PRESENTS	8:00	RADIO ST. JOSEPH PRESENTS
8:00	VATICAN WORLD NEWS	8:00	VATICAN WORLD NEWS
8:15	ENGLISH PROGRAM	8:15	ENGLISH PROGRAM
8:30	KIDS SING-ALONG	8:30	KIDS SING-ALONG
9:35	CATHOLIC JUKEBOX	9:35	CATHOLIC JUKEBOX
10:00	NON-STOP GOSPEL MUSIC	10:00	NON-STOP GOSPEL MUSIC
10:30	ANGELUS	10:30	ANGELUS
12:05	VATICAN WORLD NEWS	12:05	VATICAN WORLD NEWS
12:20	VATICAN ENGLISH PROGRAM	12:20	VATICAN ENGLISH PROGRAM
12:40	REFLECTION MUSIC	12:40	REFLECTION MUSIC
1:00	OUR FATHER'S PLAN	1:00	OUR FATHER'S PLAN
1:30	AFTERNOON GOSPEL MUSIC	1:30	AFTERNOON GOSPEL MUSIC
3:00	CHAPLET OF DIVINE MERCY	3:00	CHAPLET OF DIVINE MERCY
3:20	NON-STOP GOSPEL MUSIC	3:20	NON-STOP GOSPEL MUSIC
4:00	CATHOLIC JUKEBOX (EWTN)	4:00	CATHOLIC JUKEBOX
4:30	NON-STOP GOSPEL MUSIC	4:30	NON-STOP GOSPEL MUSIC
5:00	WAVE FACTOR (EWTN)	5:00	WAVE FACTOR
6:00	ANGELUS	6:00	ANGELUS
6:05	VATICAN ENGLISH PROGRAM	6:05	VATICAN ENGLISH PROGRAM
6:30	FATIMA	6:30	FATIMA
7:00	HOLY ROSARY	7:00	HOLY ROSARY
7:30	STATIONS OF THE CROSS	7:30	STATIONS OF THE CROSS
8:00	VATICAN WORLD NEWS	8:00	VATICAN WORLD NEWS
8:15	CRN LOCAL NEWS	8:15	CRN LOCAL NEWS
8:30	VATICAN ENGLISH PROGRAM	8:30	VATICAN ENGLISH PROGRAM
9:00	TOK STREET LONG HVAIDS	9:00	TOK STREET LONG HVAIDS
10:00	CATHOLIC JUKEBOX	10:00	CATHOLIC JUKEBOX
10:30	VATICAN ENGLISH PROGRAM	10:30	VATICAN ENGLISH PROGRAM
11:00	NON-STOP GOSPEL MUSIC	11:00	NON-STOP GOSPEL MUSIC

Sareta

6:00	ANGELUS	6:00	ANGELUS
6:05	MEDITATION/INSPIRATIONAL MUSIC	6:05	MEDITATION/INSPIRATIONAL MUSIC
7:00	OUR FATHER'S PLAN	7:00	OUR FATHER'S PLAN
7:30	CROSSROADS (EWTN)	7:30	CROSSROADS
8:00	VATICAN WORLD NEWS	8:00	VATICAN WORLD NEWS
8:15	VATICAN PROGRAM	8:15	VATICAN PROGRAM
8:35	MUSIC	8:35	MUSIC
9:30	BACKSTAGE (EWTN)	9:30	BACKSTAGE
10:00	WAVE FACTOR	10:00	WAVE FACTOR
11:00	NON-STOP GOSPEL MUSIC	11:00	NON-STOP GOSPEL MUSIC
12:00	ANGELUS	12:00	ANGELUS
12:05	VATICAN WORLD NEWS	12:05	VATICAN WORLD NEWS
12:20	VATICAN ENGLISH PROGRAM	12:20	VATICAN ENGLISH PROGRAM

Sande

6:00	ANGELUS	6:00	ANGELUS
6:05	MEDITATION/INSPIRATIONAL MUSIC	6:05	MEDITATION/INSPIRATIONAL MUSIC
7:00	VATICAN WORLD NEWS	7:00	VATICAN WORLD NEWS
7:15	VATICAN ENGLISH PROGRAM	7:15	VATICAN ENGLISH PROGRAM
7:35	NON-STOP GOSPEL MUSIC	7:35	NON-STOP GOSPEL MUSIC
8:00	SCRIPTURE MATTERS WITH DR. SCHOTT HAHN (EWTN)	8:00	SCRIPTURE MATTERS
9:00	VATICAN WORLD NEWS	9:00	VATICAN WORLD NEWS
9:15	VATICAN ENGLISH PROGRAM	9:15	VATICAN ENGLISH PROGRAM
9:35	KIDS SING-ALONG	9:35	KIDS SING-ALONG
10:00	CATHOLIC JUKEBOX	10:00	CATHOLIC JUKEBOX
10:30	NON-STOP GOSPEL MUSIC	10:30	NON-STOP GOSPEL MUSIC
12:00	ANGELUS	12:00	ANGELUS
12:05	VATICAN WORLD NEWS	12:05	VATICAN WORLD NEWS
12:20	VATICAN ENGLISH PROGRAM	12:20	VATICAN ENGLISH PROGRAM
12:40	REFLECTION MUSIC	12:40	REFLECTION MUSIC
1:00	FIRST COMES LOVE DR. SCHOTT HAHN (EWTN)	1:00	FIRST COMES LOVE
1:30	AFTERNOON GOSPEL MUSIC	1:30	AFTERNOON GOSPEL MUSIC
3:00	CHAPLET OF DIVINE MERCY	3:00	CHAPLET OF DIVINE MERCY
3:20	NON-STOP GOSPEL MUSIC	3:20	NON-STOP GOSPEL MUSIC
4:00	CATHOLIC JUKEBOX	4:00	CATHOLIC JUKEBOX
4:30	NON-STOP GOSPEL MUSIC	4:30	NON-STOP GOSPEL MUSIC
5:00	SCRIPTURE MATTERS	5:00	SCRIPTURE MATTERS
6:00	ANGELUS	6:00	ANGELUS
6:05	VANIMO LOCAL NEWS	6:05	VANIMO LOCAL NEWS
6:10	VATICAN ENGLISH PROGRAM	6:10	VATICAN ENGLISH PROGRAM
6:30	FATIMA, HEAVEN'S PEACE PLAN	6:30	FATIMA
7:00	HOLY ROSARY	7:00	HOLY ROSARY
7:30	DOCTORS OF THE CHURCH	7:30	DOCTORS OF THE CHURCH
8:00	VATICAN WORLD NEWS	8:00	VATICAN WORLD NEWS
8:15	VANIMO LOCAL NEWS	8:15	VANIMO LOCAL NEWS
8:20	VATICAN ENGLISH PROGRAM	8:20	VATICAN ENGLISH PROGRAM
9:00	TOK STREET ABOUT HVAIDS WITH FR. JUDE	9:00	TOK STREET ABOUT HVAIDS
10:00	CATHOLIC JUKEBOX	10:00	CATHOLIC JUKEBOX
10:30	VATICAN ENGLISH PROGRAM	10:30	VATICAN ENGLISH PROGRAM
10:50	NON-STOP GOSPEL MUSIC	10:50	NON-STOP GOSPEL MUSIC

Musik bilong Papua Niugini helpim apil bilong sunami

Neville Choi i raitim

BIKNEM musik man bilong PNG na Pasifik rijon, Patti Potts Doi bai go pas long singsing long wanpela Sunami Seriti Konset long Pot Mosbi long namba 29 de bilong dispela mun Jenuari.

Potts bai go pas long ol musik atis insait long PNG long pilai musik long resim mani bilong go long stretim sindaun bilong ol lain manmeri long ol kantri i kisim bagarap bai ol i ken sindaun gut.

Tupela redio stesen bilong PNGFM, YUMI FM na NAU FM i wok bung wantaim Pot Mosbi Siti Misin long kamapim dispela musik konset.

Em bai kamap long Port Moresby Country Club long Sarere nait long tupela wik antap i stat long wan kilok long apinun i go inap 5 kilok.

Dispela musik konset i kamap wantaim bikpela helpim i kam long Port Moresby Country Club yet na next of Kin Prodaksen, tupela lain husat i pasim tingting long helpim kamapim dispela konset.

Country Club bai givim spes na ples bilong ol ben long pilai, na Next Of Kin bai lukautim pairap bilong olgeta musik. Olgeta dispela samting ol i givim fri long dispela musik konset.

King bilong Pasifik musik yet, i kamapim dispela tingting long mekim wanpela musik konset na em bai go pas long ol arapela musik atis na ben olsem Klansman, Sounds of Daudai, Sri Lanka komyuniti, na ol yut bilong Pot Mosbi Siti Misin. Ol arapela musik ben olsem Eddies Blues Band, Simply Groovy, Black Rendition na Freelance bai pilai tu.

I gat sampela moa atis husat i autim tingting long stap insait long dispela musik konset tu.

Bikpela wok toksave nau bai i kamap long tok klia long olgeta manmeri insait long Pot Mosbi long dispela musik konset.

Singaut nau i go aut long olgeta papamama husat i laik amamasim musik bilong PNG stret long helpim long resim mani bilong go long ol ples i kisim bagarap long sunami.

Bai yu inap long baim tiket bilong dispela musik konset long opis bilong NAU FM na YUMI FM.

Prais bilong tiket em K15 bilong ol bikpela manmeri na K5 bilong ol pikinini.

Olgeta mani i kamap long dispela musik konset bai i go long helpim PNG Red Cross na Sri Lanka Komyuniti Sunami apil.

Sapos ol manmeri i no inap long baim tiket long opis bilong PNGFM, ol bai i ken i go long hap bilong konset na baim long get.

Gospel musik long PNG

Cynthia-Buckley (CHM) i raitim

PLANTI gospel musik i save kalap long ol spika na pulim iau bilong ol manmeri i save harim. Sampela manmeri i tok olsem pawa bilong holi spirit o bikman yet i save pulim iau bilong ol manmeri, tasol sampela arapela manmeri i save stat olsem dispela i soim tru strong bilong musik atis.

Gospela musik i stap long as bilong planti musik atis. Sampela musik atis i statim wok musik bilong ol olsem ol gospel atis. Planti long ol lain husat i save stat insait long ol kwaia i save kamap solo atis o pilai wantaim ol ben bilong ol arapela strongpela musik.

Wanpela musik atis husat i bihainim dispela rot em Kanai Pineri. Em i bin mekim bikpela nem tru long 1970s na 1990s taim Tolai rok i bin bikpela tru na Barike Band i bin namba wan insait long kantri.

Em i bung wantaim John Wong, Nakikus Napitali, Glen Low na John Warbat na kisim bikpela save long musik. Em i wok hat long apim bek nem bilong em insait long kantri na long ovasis tu. Bihain long em i lusim Barike, em i traim yusim save bilong em long pilai gospel musik. Dispela i kamap bihain tasol long em i senisim laip bilong em. Namba tri albam bilong em aninit long CHM, Man blo Galele, i soim klia olsem em i gat strong insait long gospel musik.

Wantaim helpim bilong CHM Studios na Island Sound Studios na ol nupela musik masin, Kanai yet i bilip olsem em bai helpim em long strongim ol singsing bilong em. Dispela namba tri albam bilong em i

strongim sanap bilong Kanai olsem wanpela bikpela gospel musik atis.

Long Niugini Ailan yet, Allan Passangan em i wanpela arapela musik atis husat i mekim wok musik longpela taim tru. Em i kamap wantaim namba wan gospel singsing bilong em taim em i singsing wantaim wanpela meri gospel musik atis, Jenny Low. Bihain long klostu 10-pela yia em i kam bek long autim namba tu albam bilong em aninit long Islands Sounds Studios na CHM. Nem bilong namba tu albam bilong em 'For His Glory'. Tupela strongpela singsing em 'I've Got Love' na 'Trust In The Lord'.

Gospela musik i save mekim olgeta manmeri amamas na opim tingting bilong ol long tok bilong bikman. Dispela i kamap long ol kalabus long Bomana long Pot Mosbi. Ol i kolim ol yet Voices of Praise Gospel na ol i mekim nupela albam bilong ol 'Revival In Prison'. Ben i bin kamap klostu long pinis bilong 1990 na olgeta i bin senisim laip taim ol i stap long kalabus. Dispela albam i soim ol singsing ol yet i raitim long laip bilong ol, bilip bilong ol long bikman, na ol samting ol i lainim insait long kalabus. Ol gutpela singsing long dispela albam em 'He Lifted Me Up' na "God of Creation".

Ol yangpela tu i wok long mekim nem bilong ol long gospel musik. Wanpela grup i wok long mekim dispela em Gabagaba United Church Sunday School wantaim gospel debu bilong ol 'Egu Kara'. Dispela ministri em ol lain manmeri i save singsing long Sande skul. Ol i laik helpim ol pikinini long ples long save long God taim ol i yang-



• Nathalie Makoma em i wanpela yangpela intanesenel gospel musik atis husat i kam na pulim laik bilong ol PNG manmeri.

pela yet.

Long wankain taim, ol intanesenel gospel musik atis tu i wok long mekim nem insait long PNG musik indastri. Ol dispela lain em Nathalie Makoma, husat i save yusim musik na danis bilong autim tok bilong bikman. Nathalie na ol brata susa bilong em i bin kam mekim nem long PNG las yia. Namba wan albam bilong Makoma, Butu Na Moyi i bin strongim musik bilong ol long hia, na namba tu albam, Makonsi na Bakonsi i mekim wankain. Nathalie i bin traim wok olsem wanpela solo atis na nau em i mekim musik bilong em yet.

Namba wan solo gospela albam bilong

em "On Faith" i wok long pulim laik bilong planti manmeri insait long kantri.

CHM i save givim tu musik bilong Hillsong we yu ken makim long laik bilong yu. Yu bai kisim gutpela kwolati musik bilong wanem CHM yet i kisim luksave bilong salim musik bilong ol hia insait long kantri.

Gospel musik indastri insait long kantri i wok long helpim long strongim bilip bilong pablik, na wantaim helpim bilong ol bikpela atis olsem Kanai Pineri, Allan Passangan na ol intanesenel musik atis olsem Makoma na Hillsongs, ol bai go het yet long strongim gospel musik indastri insait long PNG.



8.30PM - FRAIDE NAIT
MUWI - I KNOW WHAT YOU DID LAST SUMMER

4-pela yangpela skul sumatin i bin kilim wanpela man wantaim ka ol i draivim. Ol i ting olsem em i dai pinis na ol i tromoi bodi bilong man ya long solwara. Tasol bihain ol i kisim wanpela hap pepa i tok "Mi save yu mekim wanem". Bihain wanwan long ol i wok long dai nating.



9.30PM - MANDE NAIT - DONNIE BRASCO

Wanpela andakava ejen bilong FBI i mekim wok painimaut i go insait long ol bikpela geng. Tasol em i stap long taim wantaim ol geng na em i pilim olsem em i wok long kamap olsem wanpela raskol man gen.

Biknem ekta Al Pacino na Johnny Depp i ekt insait long dispela piksa. Sapos yu save laikim ol piksa bilong mafia long amerika, yu bai laikim dispela muwi piksa.





Hollywood Wol Sat So em bilong ol yangpela

TRAIM na lukim dispela long tingting bilong yu, yu sindaun isi long haus bilong yu o insait long ka bilong yu long wanpela Sarere na long belo stret, wanpela strongpela, naispela nek bilong meri i kamaut long Nau FM redio stesen long redio bilong yu na tok, "Welkam long bikpela Kaundaun long Intanesenel Hit Redio, Wol Sat So (World Chart Show), mi Lara Scott."

Dispela em ol toktok long opim Intanesenel musik kaundaun we nau i kamap long PNG long NAU FM, na Lara Scott em dispela stail meri husat i save toktok long dispela so. NAU FM i bin stat traim dispela nupela musik so long mun Septemba long las yia.

Tasol dispela Wol Sat So i no nupela tumas long planti long ol manmeri long kantri husat i save harim redio bilong wanem dispela so i bin kamap pas long 1992 long bipo Kalang FM (nau FM 100) inap long tripela yia olgeta inap prais bilong yusim i go antap tumas.

Wol Sat so long 90s i bin senisim American Top 40 we i save kamap long Kalang FM long 80s taim em i stap anit long biknem redio man bilong Amerika, Casey Kasem.

Long dispela format em i stap nau, Wol Sat So em i wanpela program renking na kaundaun bilong ol bikpela singsing long wol wantaim ol stori na intaviu wantaim ol bikpela musik sta.

Em i wankain tasol olsem American Top 40 we i bihainin stail bilong IHF (Intanesenel Hit Redio) we i save glasim

strong bilong olgeta komesel na menstrim pop, rok na eben singsing long olgeta hap bilong wol.

Wol Sat So i bin kamap long 1992 long sensim AT40 bihain long Casey Kasem i tokaut olsem em bai pinisim so. Tasol em i bin gat ol kontrak yet

Cipriano i lus pinis na nupela nek bilong so em bilong Lara Scott, wanpela redio DJ husat i save toktok long wanpela long ol bikpela redio so long Los Angeles musik stesen STAR 98.7.

Lara Scott em i wanpela long ol biknem yangpela nek long redio we em i save lukautim tupela intanesenel so, Wol Sat So na 12 Inch Saturday Night, wanpela so bilong ol dens pati rimiks musik bilong 80s.

Mama bin karim Lara long Saut Wes Florida. Bihain long em i pinisim hai skul, em i stat

pela Wol Sat So bilong Lara Scott long Septemba las yia long skelim laik bilong ol manmeri.

"Bekim i kam long ol manmeri i gutpela tru na menesmen bilong mipela i pasim tok pinis long sainap bilong brodkastim so long dispela yia," Shanique i tok. "Tupela yia bipo long Wol Sat So, mipela i bin yusim Rick Dees Weekly Top 40, tasol mipela i pinisim bilong wanem prais bilong em i go antap tumas na tu, Rick Dees yet i bin pinis long wok moa long wanpela yia i go pinis."



• Lara Scott, meri husat i save toktok long Wol Sat So.

wantaim planti intanesenel redio stesen na ol i kisim DJ na muvi ekta Shadoe Stevens long tekova inap olgeta kontrak i pinis.

Adrienne "Ace" Walker na Joe Cipriano i bin tupela lain husat i toktok long stat bilong Wol Sat So na i makim rot bilong so.

Sief Eksekutyutiv Opisa bilong Radio Express, Tom Rounds i bin kamapim AT40 wantaim Casey Kasem. Em i bungim tupela arapela biknem long redio long kamapim Wol Sat So.

Laik bilong ol long musik i bin stap long as long ol i kamapim dispela so. Ol i bin i gat wanpela hap bilong so tu we i bin lukluk long ol naispela ples long wol na toktok long lukautim graun na bus na solwara.

Olgeta wok Ace Walker na Joe Cipriano i askim ol niusmanmeri bilong Amerika long ripot long envaromen long ol ples bilong ol. Long sait bilong Pasifik Rijn, mi yet mi bin makim.

Taim Kalang FM i bin strong yet, Ace Walker i save ringim mi long rekodim ol ripot bilong mi long envaromen, ol renfores, solwara, rip na ol animal i bin stap insait long musik so bilong ol.

Mi mas tokaut olsem mi bin stap long 'klaut 9' tu ya bilong wanem olgeta manmeri long wol i harim nek bilong mi long dispela redio so bilong Hollywood.

Nau Ace Walker na Joe

toktok long redio long Bend, Oregon bihain Portland taim em i skul long Portland State University we em i greduet wantaim Bachelor bilong Sains Digri long Pilisopi.

Em i muv i go long San Fransisco long wanpela wok olsem Musik Dairekta na nait taim redio anaunsa long KZQZ.

Maski em i gat planti wok long mekim, Lara i save wok wantaim ol ples bilong lukautim ol animal olsem Kitty Rescue na Brittany Faundesen na ol arapela. Long fri taim bilong em, em i save snobod, mekim yoga, pilai wantaim ol animal na lukim ol konset na muvi.

Lara yet i ekt long wanpela piksa ol i kolim "My Date with Drew."

Sels Menesa bilong Radio Express, Jessica Lanzy i tok olsem olgeta wik stat long 1992, ol bikpela redio stesen olsem NAU FM i wok long bung wantaim long kamap dispela Wol Sat, wanpela wikli kandim bilong ol bikpela singsing long redio long olgeta hap long wol.

Jessica i tok ol redio stesen i save yusim Wol Sat So i save pilaim musik bilong ol biknem musik atis.

"Wol Sat i save pilaim musik we planti manmeri long wol i laikim na em i nap long brukim boda bilong olgeta kantri."

Program Dairekta na Tim Lida bilong NAU FM, Esther 'Shanique' Gegalagi i tok NAU FM i wok long pilaim dis-

Bilong wanem na NAU FM i kisim Lara Scott na WCS, em i tok, "Lara i olsem wanpela yangpela meri, maski em i no yangpela meri. Em i save wanem samting em i hot, em i save kirapim skin long kain toktok em i mekim."

Shanique i tok Lara Scott i moa yet long taget maket bilong stesen na planti singsing i save kamap long so bilong em i save kamap long NAU FM pinis we planti yangpela i save laikim.

"I gat plen i stap pinis long kisim Lara long mekim sampela rekoding long tok tenkyu long ol yangpela i save putim iau long so bilong em long NAU FM," Shanique i tok.

Wol Sat So i save kamap long NAU FM long olgeta Sarere apinun long 12 kilok belo inap 2 kilok long apinun.

Dispela wanpela so i save go long moa long 70 kantri long wol wantaim PNG na i save kamap long 20 kain kain tok ples long Swahili i go long Portugis na tok ples Saina tu.

Ol stesen i laik yusim i ken rekodim long tok ples tu. Olsem wanem, yumi inap harim Wol Sat So long tok pisin tu o? Em i ken kamap...stap long han bilong yu NAU FM.


***Yu ken ritim stori bilong ol musik man/meri long What's On With Raitman insait long POST COURIER tasol, Trinde, olgeta wik.**

EMTV GAID

5.30 JOYCE MEYER MINISTRY	5.00 JOYCE MEYER MINISTRY
6.00 TODAY SHOW	6.00 TODAY SHOW
9.00 TBA	9.00 MALOLO CLUB
11.10 TBA	11.00 CREFFLO DOLLAR
11.30 DR PHIL	11.30 DR PHIL
12.00 TBA	12.30 EMTV PRIME LINEUP
4.57 EMTV TOKSAVE	2.00 SPECIAL ONE DAY INTERNATIONAL CRICKET
5.00 THE PRICE IS RIGHT	6.00 NATIONAL EMTV NEWS
\$100,000 SUPER SHOWCASE	6.30 A CURRENT AFFAIR
6.00 NATIONAL EMTV NEWS	6.58 TOK PISIN NEWS UPDATE
6.30 A CURRENT AFFAIR	7.00 LOTTO DRAW
6.59 LOTTO DRAW	7.01 PRAISE
7.00 CHM SUPER SOUND	8.00 INSAIT
7.57 EMTV TOKSAVE	8.30 APPRENTICE
8.00 FEAR FACTOR	9.30 C.S.I
9.00 WITHOUT TRACE	10.30 EMTV NEWS REPLAY
10.00 KING OF QUEENS	11.00 CHM SUPERSOUND
10.30 EMTV NEWS REPLAY	12.00 NIGHTLINE
11.00 WALKER TEXAS	12.30 CLOSE
00.00 NIGHTLINE	
0.30 STATION CLOSE	

5.29 STATION OPEN	5.29 STATION OPEN
5.30 JOYCE MEYER MINISTRY	5.30 JOYCE MEYER MINISTRY
6.00 TODAY SHOW	6.00 TODAY SHOW
9.00 MALOLO CLUB	9.00 MALOLO CLUB
11.00 CREFFLO DOLLAR	11.00 CREFFLO DOLLAR
11.30 DR PHIL	11.30 DR PHIL
12.00 SURFSPORT	12.30 EMTV PRIME LINEUP
1.00 ONE DAY SERIES WI v AUST	4.57 EMTV TOKSAVE
4.57 EMTV TOKSAVE	5.00 THE PRICE IS RIGHT
5.00 THE PRICE IS RIGHT	\$100,000 SUPER SHOWCASE
5.30 CRICKET CONTINUES	6.00 NATIONAL EMTV NEWS
6.00 NATIONAL EMTV NEWS	6.30 A CURRENT AFFAIR
6.30 A CURRENT AFFAIR	6.58 NEWS UPDATE TOK PISIN
6.58 NEWS UPDATE TOK PISIN	6.59 LOTTO DRAW
6.59 LOTTO DRAW	7.00 CRICKET CONTINUES
7.00 CRICKET CONTINUES	9.00 FRIDAY FIGHT NIGHT
9.00 FRIDAY FIGHT NIGHT	9.27 EMTV TOKSAVE
9.27 EMTV TOKSAVE	10.00 FRIDAY NIGHT MOVIE: I
10.00 FRIDAY NIGHT MOVIE: I	WHAT YOU DID LAST SUMMER
12.00 EMTV NEWS REPLAY	00.00 NIGHTLINE
00.00 NIGHTLINE	00.30AM STATION CLOSE

7.00 IT'S HI-5 CHRISTMAS	6.00 NATIONAL EMTV NEWS
7.30 JAYJAY THE JET PLANE	6.30 A CURRENT AFFAIR
8.00 PLANET FANTA	6.57 TOK PISIN NEWS UPDATE
9.30 DOWNLOAD	6.59 LOTTO DRAW
10.00 SO FRESH	7.00 WORLD OF WILD LIFE
11.30 X TEAM	7.30 WIFE SWAP- NEW SERIES
12.00 SURFSPORT	8.57 EMTV TOKSAVE
1.00 SHARK TRACKER	9.00 WEDNESDAY NIGHT MOVIE: CURLY SUE
2.00 SHARKS, THE TRUTH	11.00 SOUTH PACIFIC MUSIC
5.00 ESCAPE WITH ET	11.30 EMTV NEWS REPLAY
5.30 FISHING AUSTRALIA	12.00 NIGHTLINE
6.00 NATIONAL EMTV NEWS	12.30 STATION CLOSE
6.30 SPECIAL PRESENTATION	
CIRQUE DU SOLEIL	
VERAKAI	
CIRCUS SHOW	
TOTALLY AMAZING	
8.57 EMTV TOKSAVE	
9.00 XENA WARRIOR PRINCES	
10.00 HECULES	
11.00 EMTV NEWS REPLAY	
11.30 THE LEGENDARY HIDDEN CITY	
0.10 KING OF QUEENS	
00.40 CLOSE	



Fear Factor
Fraide, 8.00

6.59 STATION OPEN	6.59 STATION OPEN
7.00 IT IS WRITTEN	7.30 WORLD OF WILDLIFE
7.30 WORLD OF WILDLIFE	8.00 SUMMER SUNDAY
8.00 SUMMER SUNDAY	9.00 LIVING WITH VOLCANOS
9.00 LIVING WITH VOLCANOS	9.30 CONQUEST OF EVEREST
9.30 CONQUEST OF EVEREST	11.00 MOVIE
11.00 MOVIE	IN THE ARMS OF A STRANGER
1.00 TOUR MATCH AUST V PAK	6.00 NATIONAL EMTV NEWS
6.00 NATIONAL EMTV NEWS	6.30 CRICKET CONTINUES
6.30 CRICKET CONTINUES	8.57 EMTV TOKSAVE
8.57 EMTV TOKSAVE	9.00 MOVIE: DONNIE BRASCO
9.00 MOVIE: DONNIE BRASCO	11.00 EMTV NEWS REPLAY
11.00 EMTV NEWS REPLAY	11.30 PRAISE
11.30 PRAISE	00.00 STATION CLOSE



CSI
Mande 9.30pm

NATIONAL WEEKLY HIT PARADE

YUMI FM NATIONAL WEEKLY HITPARADE

Sarere Januari 8, 2005 Twisties i sponsa

Singsing	Musik Atis	Dispela Wik
Lili	Itambu	1
Towescop	Itambu	2
Lareva	Ex Hollie Maea	3
Hi Bayama	Armstrong	4
Dimigura	Bits & Pieces	5
Sweet Karanas	O-shen	6
Sigi Mangi	Grumo Masalai	7
Mi no biksot yet Dadii Gii		8
Lewa	Hausboi	9
Kina.com.pg	Simbary	10
Na Wonde	Tom Lari	11
Parasite	Monica Malbak	12
Sharon	Uralom Kania	13
Jombie Kunex	New Painim Wok	14
Manipure	Pongoros	15
Naika	Hausboi	16
Hard Life	X-Anats	17
Kudougu	Vanessa Q	18
Kanda	Dadli Gii	19
Suga Meri	Kuri Rup	20



Laikim Penpren

Nem: Jowan David
Adres: Gavien Primary School
 P.O. Box 50 Wewak, ESP
Krismas: 15 (man)
Save laikim: Pilai kainkain gem, go lotu, go long skul wantaim ol pren.

Nem: Aristotol Tom
Adres: P O Box 4164 Boroko 111 NCD
Krismas: 22 (man)
Save laikim: Raun wokabaut, ritim buk, singsing na harim musik.

Nem: Richlove Gorman
Krismas: 28 (meri)
Adres: P O Box KN35 AG Kwanyako Ghana West Africa
Save laikim: Trupela pasin, rispek na laikim painim man husat i gat dispela kain pasin tu.

Nem: Elsie Anthony
Krismas: 12 (meri)
Adres: K V S P O Box 1374 Goroka, EHP
Save laikim: Raitim penpren, go lotu, ritim baibel na serim wantaim ol arapela na laik long raun lukim ples.

Nem: Clipton Woworo
Krismas: 19 (man)
Adres: Popondetta Secondary School
 P.O. Box 154 Popondetta, Oro Province
Save laikim: Ritim buk, go lotu, bung raun na lukim piksa.

Nem: Jacj Angkie
Krismas: 18 (man)
Adres: Gabensis Primary School
 P.O. Box 315 Lae, Morobe Province
Save laikim: Pilai soka, go lotu, raun wantaim ol manki na tok pilai.

Nem: Charlie Kaipa
Krismas: 19 (man)
Adres: Popondetta Secondary School
 P.O. Box 154 Popondetta, Oro Province
Save laikim: Go lotu, raun wantaim ol manki na pilai volibol.

Nem: Ryan Jerry
Krismas: 18 (man)
Adres: Gabensis Primary School
 P.O. Box 315 Lae, Morobe Province
Save laikim: Go long skul, stadi na raun wantaim ol manki long bus.

Nem: Diana Ereba
Krismas: 17 (meri)
Adres: Popondetta Secondary School
 P.O. Box 154 Popondetta, Oro Province
Save laikim: Kuk, ritim buk, lukim piksa na pilai soka.

Nem: Jessy Kewek
Krismas: 18 (man)
Adres: Gabensis Primary School
 P.O. Box 315 Lae, Morobe Province
Save laikim: Pilai soka, ragbi, ritim niuspepa na raun wantaim ol manki.

Nem: Jessica Jackson
Krismas: 25 (meri)
Adres: P.O. Box CT 1027, Vingin Home Street, Cape Coast Ghana West Africa
Save laikim: Wok long haus na wokim poro.



STORI TUMBUNA

BIPO tru, nogat man na meri i stap long graun. Graun tasol i stap, ol bus na kain kain diwai, pitpit na gras i pulap tru long graun. Na tu i nogat gutpela kaikai i stap, olsem nau yumi painim long graun.

Olsem na long wanpela ples maunten ol i kolim long Mt Hagen, i gat wanpela gutpela diwai i kamap bikpela na naispela. Em i kamap stret antap long Maunten Hagen. Em i winim ol arapela diwai tu. Nem bilong dispela diwai em Kapiapul.

Diwai i kamap bikpela pinis na em i karim prut. Namba wan prut bilong em i redi na pondaun long as bilong diwai. Em i bruk i go na kamap pikinini man. Em i kamap bikpela na naispela manki tru. Nem bilong em Kapia Ulga. Em i kamap bikpela na em i stap antap long dispela maunten Hagen. Em i lukluk i go raun long olgeta graun na ol dispela i kamap nais moa. Em i amamas long dispela graun.

Em mi sindaun antap long dispela maunten i go na i go na em i les. Kapia

Ulga i tingting planti i go na em i go daun long dispela graun. Orait, em i stat long wokabaut bi go daun long dispela maunten na em i go painim wanpela gutpela hap graun. Em i wokim haus na gaden na slip long dispela hap.

Em i amamas long gutpela graun em i bin slip long en. Planti taim, em i lukim planti hap graun i stap nating na olsem, em i tingting planti. Sapos wanpela man i stap long dispela hap olsem mi, em i gutpela tru. Em i tingting olsem. Tasol i nogat narapela man. Em i wari moa long dispela samting. Em i tingting moa long painim wanpela meri olsem em yet na kamapim man.

Wanpela de em i go raun long bus long painim abus. Em i go insait long bus na painim wanpela naispela liklik haus i stap. Long dispela haus, wanpela yangpela meri i stap.

Man, Kapia Ulga i amamas na go lukluk raun long dispela haus. Em i painim wanpela longpela haus pik na planti haus muruk i stap nabaut. Em i laik lukim husat i slip insait long dispela haus na olsem, em i wet i stap. Dispela yangpela meri i kam lukim dispela man na em i amamas

tru. Na em i kam sekan wantaim em. Nem bilong dispela meri em Hagen Multip.

Em i askim dispela man, yu kam olsem wanem? Na Kapia Ulga i tok, "Mi kam painim abus long bus na mi kam kamap long haus bilong yu." Na bihain, tupela i go insait long haus bilong meri. Orait, em i kilim wanpela pik na tupela i kaikai amamas i stap long haus. Bihain, tupela i marit na kisim olgeta samting bilong meri i go long haus bilong man.

Bihain sampela mun na yia i go pinis tupela i karim ol pikinini na dispela ples i pulap tru long ol manmeri. Ol i kamap olsem tupela bikpela lain tru. Wanpela lain em ol i kolim long Granamp Agilimb na narapela lain em ol i kolim long Ulga Granamb Komb.

Dispela tupela lain i kamap bikpela moa insait long Westen Hailans nau. Dispela maunten bipo i stap long en nau mipela i kolim long Maunt Hagen Diwai long Maun Hagen i karim moa pikinini olsem na ol i go long olgeta hap graun bilong PNG.

Stori i kam long Togoba/Ulga Ples Dan

Mi gat wari na mi laikim helpim

Dia Laipplain

Mi gat 19 krismas na klostu taim bai mi gat bebi. Dispela em i wanpela gutpela nius long wanpela meri i mekim tasol i no long taim mi gat 19 krismas tasol na tu i no marit.

Nau mi wari tru olsem dri-man bilong mi long dispela boi mi save laikim i bagarap long wanem mi no lukim em moa.

Mi wari tu olsem bihain taim bilong mi i bagarap, long wanem samting i kamap.

Mi wari tu olsem samting i nais olsem seks i ken kamap samting bilong bringim sem.


Mi wari tu olsem pikinini husat bai kam insait long dispela wol bai kamap long kain rot olsem na mi wari tu olsem mi 19 krismas tasol na mi pundaun long dispela gris.

Please Help

Dia Pren,

Mi i sori long harim dispela hevi na olsem dispela bebi em yu no laik tumas olsem yu sapos long laikim. Yes wanem samting i kamap em i samting bilong wari tasol i luk olsem i gat ol samting we yu ken wokim long mekim ol samting i kamap gut.

Mipela i tingting sapos yu traim hat long sutim tingting bilong dispela manki yu laikim long kam bek long yu. Em i save tu long dispela bebi na olsem yu i stap wan yet? Sapos em i no save inap yu tokim em o nogut tokim arapela lain long tokim em? Dispela bebi i bilong em olsem em i bebi bilong yu tu na em i no gutpela long yu haitim long em na em i no save.



Sapos em i save na i laik ranawe long wok bilong em olsem papa, dispela i ken kamapim bikpela wari, tasol nogut em i wanpela man nogut na papa sapos em i stap wantaim yu na em i no laikim. Ating em i no kamap bikpela man inap long lukautim meri na pikinini o nogut em i gat ol narapela wok o hevi na i no laik kisim planti moa. Sapos long wanem kain as em i gat na i no inap senisim dispela hevi orait yu mas traim long mekim gutpela laip long yu yet na bebi bilong yu.

Dispela bebi bilong yu bai lukluk long yu long wanem kain ol disisen yu mekim na givim ol samting em bai laikim ol wanpela bebi long bihain taim i kam. Ating ol papama-bilong yu inap long helpim yu? Sapos dispela i kamap em bai gutpela long yu na bebi bilong yu. Na tu ol bai inap long givim yu sampela helpim long rot bilong lukautim bebi na tu helpim yu long mani na kaikai.

Sapos famili bilong yu i no inap long helpim yu orait em bai gutpela long yu go long kot long kisim mani bilong mentenes bilong lukautim bebi bilong yu. Sapos yu ken tok stret o pruvim olsem dispela

manki i papa bilong bebi kot bai tokim em long baim sampela mani long olgeta potnait inap bebi bilong yu i go bikpela na i gat 16 krismas. Yu mas go toktok long welfea opisa bilong yu long dispela samting.

Yu bin tok bihain taim bilong yu i bagarap long taim dispela samting i kamap. Yu pilim olsem wanem long dispela bebi? Yu tingting long givim em long ol arapela lain long lukautim em? Yu ting em bai gutpela long bebi sapos yu mekim olsem? Mipela i askim yu long tingim wanem samting i gutpela long bebi bilong yu. Sapo yu ting em i gutpela long givim pikinini i go long arapela long lukautim orait yu mas toktok gut wantaim famili bilong yu o welfea opisa long dispela samting.

Ating bai yu save long wanpela famili husat i nogat pikinini na bai laikim long lukautim wanpela pikinini olsem bilong ol yet. Sapos nogat orait ol welfea opisa bai save long sampela ol famili husat i laikim pikinini tasol ol yet i nogat tasol ol bai amamas long lukautim bebi bilong yu. Tasol yu mas tingting gut long dispela samting bikos taim yu givim bebi bilong yu i go bai yu no inap kisim em bek sapos taim i abrusim 30 de.

Mipela i luksave olsem planti wari i stap long pas bilong yu. Taim ol lain i stap long kain hevi i kam long laipplain, mipela i save soim ol long sampela samting we mipela i bilip i tru. Namba wan em olgeta pipel long dispela graun i man na man i save

mekim rong na olgeta man i sinman. I tru boipren bilong yu i rong long lusim yu long dispela kain rot na yu tu yu mekim rong, sapos em i tru yu bin givim tok orait long yutupela slip wantaim pastaim long yutupela i marit.

Namba tu em ol lain husat i sin i ken kisim pogivnes long God sapos ol i autim dispela sin long God. Dispela pogivnes i bin win taim Jisas i kam dai long diwai kros long sin bilong yumi. Long kisim pogivnes bilong God bai givim yu bel isi na amamas. Ating yu pilim dispela tu o nogat?

Na namba tri, long pogivim yumi yet God i laikim mipela i fogivim ol arapela husat i mekim sin long mipela tu. Ating bai yu inap long lukim boipren bilong yu na tokim em long hamas wari yu wok long pilim bikos long em? Na yu ken tokim em tu olsem yu pogivim em.

Ating dispela i wanpela rot bilong we em i ken tingting long amas wari em i mekim yu pilim na i ken askim yu tu long pogivim em. Dispela kain rot i ken helpim yu long statim nupela kain rilesensip wantaim em na yutupela wantaim i ken plen long kamapim gutpela sindaun wantaim bebi bilong yutupela.

Ating bihain taim yu tingting gut long dispela na prai long en, yum as tingting long rait long mipela na tokim mipela long wanem samting yu pilim na rot ol senis i wok long kamap long laip bilong yu.

Laipplain

'Noken Bagarapim Ol Pikinini'

MINISTA bilong Komyuniti Dvelopmen na Welfea Dame Carol Kidu i bin opim kempen bilong 'Noken Bagarapim Ol Pikinini' we Wantok Niuspepa bai karim olgeta wik.

Minista Dame Carol Kidu sapotim Wantok kempen

Dispela kempen em tingting bilong Wantok Niuspepa long sapotim komyuniti long rausim ol pasin nogut bilong bagarapim ol pikinini long ol

kainkain pasin nogut yumi ol bikpela manmeri i save mekim.

Minista Dame Carol Kidu i tok em i amamas long opim

dispela kempen bikos em i wanpela bikpela hevi insait long komyuniti.

Olsem na mipela i mas kamap wantaim ol rot na pasin bilong stopim ol kainkain pasin nogut we i save bagarapim laip na sindaun bilong ol pikinini bilong yumi long tude.

Dame Carol i tok gavman i bin statim dispela kempen tu na i laikim ol wok poroman wantaim ol nius lain, edukesen na komyuniti olgeta.

Nius i mas karimaut ol tok-save long nogut pasin bilong bagarapim ol pikinini bai ol pipel i ken save long rait bilong pikinini long stap amamas na mekim samting we i stret long laik na tingting bilong ol.

Edukesen tu i mas kamapim save bilong ol manmeri i save long raits bilong ol pikinini bai ol i ken sanap long en na strongim na komyuniti i mas save long wanem pasin i no stret long bagarapim raits na sindaun bilong ol pikinini.

Dame Carol i tok tu olsem ol pablik sevens tu i mas karimaut dispela awenes o wok bilong skulim arapela

long pasin bilong noken bagarapim ol pikinini. Bikos ol i gat save na i klia lo bilong noken bagarapim pikinini na ol i ken surukim dispela tingting i go long ol arapela insait long komyuniti.

Em i tok sios tu i save mekim bikpela wok bilong skulim ol pipel long gutpela pasin na olsem ol toktok bilong dispela kempen i ken go aut tu long ol manmeri insait long haus lotu sios i save bungim ol pipel olgeta taim.

Em i tok amamas long ol bikpela wok ol praivet grup olsem UNICEF na ol arapela grup na ovasis gavman i save mekim long helpim long daunim dispela pasin nogut bilong bagarapim ol pikinini.

Dame Carol i tok i save gat kainkain pasin nogut bilong bagarapim ol pikinini. Pasin bilong bikmaus, paitim ol, mekim ol i karim bikpela hevi kago, bagarapim ol liklik pikinini long pasin pamuk na ol kainkain pasin nogut.

Em i tok gavman i wok long strongim ol lo bilong banisim ol pikinini long ol pasin nogut na dispela lo i

stap yet long kamaut long pipel i bihainim.

Tasol i gat ol bikpela lo we olgeta kantri i save bihainim long luksave na strongim raits bilong ol pikinini egen-sim ol pasin nogut we i laik bagarapim ol.

Olsem na mipela tu long PNG i ken bihainim sampela bilong ol dispela intanesenel lo we i sut long pasin na stail bilong yumi.

Em i mekim bikpela tok amamas long wok bilong nius long strongim dispela kempen na mekim klia long ol pipel long raits bilong ol pikinini na ol pasin nogut we i no stret long ol pikinini.

Ol lain i kamap long lukim dispela kempen bilong 'Noken Bagarapim Ol Pikinini' em seketeri bilong Komyuniti Dvelopmen na Welfea Joseph Klapat, mausman bilong UNICEF long PNG, bod memba bilong Wantok Niuspepa Lawrence Stevens, Jenerel Menesa bilong Wantok Niuspepa Justin Kili na ol nius ripota bilong EMTV, redio na ol niuspepa.



• (Namel) Minista bilong Komyuniti Dvelopmen Dame Carol Kidu wantaim seketeri bilong dipatmen Joseph Klapat i toktok long Yumi FM redio long opim kempen bilong noken bagarapim ol pikinini. Wantok Niuspepa bai karim dispela kempen. Foto Neville Choi

Noken bagarapim ol pikinini

Olgeta pikinini, pikinini man, pikininimeri, bikpela, liklik, longpela na sotpela....

....i gat raits na wok ol i mas wokim insait long ol ples bilong ol....

....Em i wok bilong yumi wanwan long strongim ol dispela raits bilong ol pikinini na tu long halivim ol long kamap gutpela man na meri.

Pikinini i gat raits na responsibiliti!



WANTOK i go pas long dispela kempen.



Bisnis bilong Groim Diwai insait long PNG - Planim samting insait long renfores eria

Oi hevi bilong planim samting long ol renfores ples

Namba wan hevi em long skelim sapos yu laik planim samting o nogat.

Long planti kantri i gat renfores long em, wanpela long ol bikpela as tingting em long stretim rot bai ol lain bilong bihain taim i ken go het yet long kisim timba long ol renfores.

We namba bilong ol manmeri i antap moa na graun i wok long liklik, em i klia olsem ol i mas mekim bikpela wok forestry na sanapim ol plantesen bilong kisim timba.

ÆNamba tu hevi em mani bilong sanapim dispela plantesen progrem. Bikpela mani i save lus long sanapim na lukautim ol plantesen, na sapos ol i menesim gut, bai i gat planti diwai.

ÆNamba tri hevi em hatwok bilong katim diwai i kamap timba.

Dispela i save isi moa long ol bikpela plantesen long mekim.

Dispela i winim moa kain pasin bilong planim ol diwai we i nogat renfores bihainim enrismen planim teknik.

ÆNamba 4 hevi em long wanem kain spisis diwai bilong planim.

I mas ol spisis we i no inap long dai sapos yu planim, na bai i ken groa strong bihain long yu planim.

Sapos wanpela kain spisis diwai bai givim yu moa timba, yu mas planim dispela.

ÆOI arapela hevi bilong planim renfores i stap long teknikel sait. Ol i bruk i go long sikspela grup:

¥ Saplai bilong ol pikinini diwai na ples bilong lukautim gut

¥ Neseri wok

¥ Wok redi long ples bilong planim

¥ Wok bilong lukautim diwai

¥ Oi hevi i ken bagarapim diwai o timba

¥ Neks wik bai mipela lukluk long ol teknikel hevi bilong planim renfores long ol renfores eria.

McCARTHY & ASSOCIATES (FORESTRY) PTY. LTD.

National & International Forest Consultants

mccaf@datec.net.pg

"Long kisim tok stia long olgeta wok diwai."

EMTV i kisim nupela menesmen

Maisan Pahun i raitim

Fiji Television Limited i baim pinis 100 pesen (%) sea bilong Media Niugini Limited na Siaman bilong Fiji TV Olota Rokovunisei i makim pinis nupela menesmen bilong EMTV.

Fiji TV LTD em i wanpela bikpela midia kamapni bilong ol asples Fiji. Nainpela ilektoret insait long Fiji i kamapim dispela kampani. Na dispela kampani i gat TV stesen olsem Fiji One, Sky Fiji na Sky Pacific.

Fiji TV i bin baim se bilong Media Niugini na nau EMTV i stap long was bilong Fiji TV. Oi nupela menesmen bilong EMTV em Ken Clark, Sief Eksekutyutiv bilong Fiji TV bai kamap CEO bilong EMTV. Em bai stap long Fiji na go kam long PNG.

Glenn Armstrong, olupela Sels na Maketing Menesa bilong EMTV bai

kamap Jenerel Menesa bilong nupela EMTV.

Na olupela Jenerel Menesa Stephen Smith bai kisim ples olsem wanpela bilong ol Bod ov Dairektas bilong EMTV na Media Niugini. Oi narapela bod memba em Mista Rokovunisei na Ken Clark.

Australia TV kampani Channel 9 i bin bosim EMTV taim stesen i bin kamap nupela long yia 1985. Stat long yia 2005 toksave i bin kamap olsem Channel 9 bai salim sea bilong em i go long Fiji TV.

Oi Fiji midia Kampani i gat nem long wokim bisnis insait long PNG. Fiji FM wanpela biknem radio stesen bilong Fiji i bosim Nau FM na Yumi FM tupela FM stesen na Total Event Company we i kamap aninit long mama kampani PNG FM limited.

Nupela Turisim Awod Skim

...bai helpim turisim indastri

Desney Koimo i raitim

KALSA na Turism indastri insait long kantri nau bai kamapim resis namel long ol yet long winim sampela awod bilong turism.

Minista bilong Kalsa na turism David Basua i tok Kalsa na turism indastri insait long kantri bai putim aut wanpela Turis Awod Skim bilong pusim dispela indastri long go het.

"Oi praivat sekta i bin stap long fran long developim dispela indastri na nau em i taim bilong Gavman long helpim long kain samting olsem PNG turis Awod Skim we i ken lukim Gavman i givim sampela helpim long indastri" Mista Basua i tok.

TPA bod i kisim tok orait pinis long Minista long go het na wokim wanpela gaidlain bilong kamapim dispela skim.

Turism indastri i no bin givim dispela kain ol awod bipo we nau bai namba wan taim bilong ol lukim dispela samting i kamap.

Mista Basua i tok dispela awod bai kamap long 21 grup we ol turis sekta bai mekim nominesen long kamap long wanpela bilong dispela ol grup. Long dispela ol grup em bai ol i lukluk long gutpela turis ples insait long ol provins, hap we ol turis i save slip o akomadesen, lika o bia, hospitaliti na entatenmen o rot yu lukautim ol turis long taim ol i

kam stap wantaim yu long holide ples bilong yu na ol arapela sevis we indastri i mas givim long ol kastoma bilong em.

PNG Turis Awod bai givim ol tropis na setifiket tasol ol liklik turis bisnis we i kam long ol rurel eria em ol bai kisim kes mani namel long K1000 inap long K3000.

Nupela awod skim em i bilong sotpela taim tasol long helpim indastri long wok hat long kisim dispela ol awod tasol sapos i gat inap sapot indastri i kisim bai i helpim ol long holim long wanwan yia.

Dispela ol awod em bai ol i givim aut long pinis bilong dispela yia.

Dispela kain awod bai helpim gut tru turisim indastri na helpim long strongim ikonomi bilong kantri.

Tu dispela awod bai kirapim skin bilong ol pipel husat i save wok insait long turisim indastri long wok hat long long kamapim gut sevis we bai apim mak bilong sevis bilong ol na tu amamasim ol turis husat i raun i go long ol hap bilong ol.

Turism indastri i wanpela indastri we i ken karim bikpela mani tru i kam insait long kantri na ol pipel i mas wok bung wantaim long helpim long mekim strong moa.

Taim dispela i kamap sampela gutpela senis bai kamap tu.



Man, Graun na Solwara

WELKAM long "Man, Graun na Solwara". Dispela em i wanpela hap stia tok na tok glasim we bai i save kamap long wanwan mun i kam long PNG Marin Konsavesen Netwok (PNGM-CN), wanpela lokal netwok bilong ol Non Gavman Ogenalasan na ol bikpela pablik opis i save wok long lukautim graun na solwara bilong PNG.

"Man Graun na Solwara" i kamap long givim skul na mekim wok aweanes bilong PNGM-CN. Em bai kamap insait long Wantok Nuspepa long namba tri wik bilong olgeta mun. Insait long wanwan mun mipela bai toktok long wanpela bikpela samting bilong graun na solwara insait long wanpela stori we i soim klia olsem ol samting man i mekim long graun i ken bagarapim solwara tu. Lukluk long dispela hap toktok long ol mun antap. Stori bilong mipela long mun bilong Februari bai toktok long ol sel kambang o long tok ing'is ol i save kolim coral na wanpela yangpela skul meri husat i laim save strong bilong solwara. Dispela meri i go bek long ples bilong em na i lukim ol kainkain bikpela hevi i stap long sait bilong lukautim graun na solwara na long arapela sait long mekim mori.

Pastaim long ol gutpela stori i stat long mun Februari, mipela laik tok klia long wok bilong PNGM-CN na bilong wanem na mipela i bilip olsem ol marin o solwara risos i bikpela samting tumas.

Wanem ol bikpela as tingting bilong PNGM-CN?

Bikpela as tingting long sanapim PNG Marin Konsavesen Netwok em long bungim olgeta wok konsavesen, sanapim ol netwok na rot bilong toksave namel long olgeta lain manmeri i save wok long solwara insait long kantri.

Bilong wanem na ol Solwara Risos bilong PNG i bikpela samting tru?

I nogat planti hap long wol i gat ol kain natspela ples olsem PNG. PNG i nambawan hap bilong marin baio-diversiti kainkain samting i stap insait long solwara. Inap long 5% bilong olgeta baio-diversiti bilong wol i stap hia long PNG. Yu save olsem solwara bilong mipela i kisim luksave olsem nambawan hap bilong glas long wol. Mipela i mas amamas long dispela. Antap long graun na aninit long solwara, Papua Niugini i holim bikpela laip. Laip bilong solwara i moamao yet. Olsem, Kimbe Be tasol i gat moa long 60% long olgeta kainkain sel kambang na 860 kainkain pis bilong rip. Sapos yu kandim ken ol ples olsem Kavieng, Aotau, Manus na

Bogenvil, yu bai luksave olsem PNG i stap long namel long olgeta dispela samting.

Dispela kain bikpela laip bilong solwara i lukautim ol nambis komyuniti bilong yumi wantaim kaikai. Tasol tate, dispela bikpela hap kaikai i wok long bagarap long han bilong yumi ol man. Namba bilong ol manmeri i wok long go antap na ol nupela rot bilong pulim pis i wok long bagarapim ol samting insait long solwara. Mipela i wok long bagarapim solwara long mekim mani long pis mipela i pulim bilong kaikai na sel kambang mipela i save kisim long lukim na mekim kambang bilong kaikai buai, na kisim kambang na karanas bilong mekim ol rot bilong mipela.

Bilong wanem na yumi mas lukautim ol Solwara Risos bilong PNG?

I gat wanpela hap toktok we ol i save tok 'banisim i strong moa long marasin bilong kilim'. Yumi mas askim yumi yet, mipela i laikim ol dispela naispela samting insait long solwara bilong stap longtaim o yumi laik lusim i go? Sapos mipela i laikim solwara bilong stap yet bilong mipela na ol arapela long amamas long lukim, mipela i mas lukautim. Mipela i mas daunim ol nogut rot bilong painim pis olsem dainamait, ol posin rop antap long rip na pasin bilong pulim planti pis tumas.

Mipela i mas tingting gut taim mipela i wokabaut antap long rip long painim ol seipis. Mipela i mas tingting pastaim long mipela i rausim ol sel kambang long rip bilong mekim kambang. Mipela i mas tingting gut pastaim long mipela i huk long nail taim ol pis i save slip na i lai long holim ol. Sapos mipela i kontrolim sampela long ol dispela samting, mipela bai i gat planti na strongpela marin risos tate. Em i wok bilong mipela long lukautim laip na strong bilong solwara bai mipela i ken i gat planti gutpela samting bilong ol tumbuna bilong mipela.

Long painimaut moa o kism moa toksave, ringim:

Barbara Marika
PNG MCN Communications
The Nature Conservancy
 Tel: 323 0689
 Fax: 323 0397

Email: barbara.tnc@global.net.pg

Tok pilai wantaim Kanage olgeta wik!!

Ol tru tru poro o wantok bilong gutpela raitman Kanage i laikim tru sapos yupela i ken salim sampela tokpilai bilong yupela i kam na mipela putim long tok pilai kona bilong Kanage. Salim i kam long TOK PILAI KANAGE P.O. Box 1982, Boroko NCD o kam long opis klostu long BSP Waigani na neksdua long Mondo Sekanhan klos stua. Mipela stap long las opis. Sopotim raitman bilong yumi, Kanage!!



Kanage em bikpela pes man bilong Makam na i save stap long 40 Mail.

Wanpela taim em harim olsem liklik brata bilong em long Wawin Nesenel Hai Skul i save prenim wanpela hapkas meri, wait na blak.

Kanage harim nab el kaskas pinis. Long wiken liklik brata i kam long stadi long haus bai ol i sindaun long nesenel eksem long neks wik. Em nau Kanage laik givim tok stia long liklik brata.

Yu listen boi, paps ded longtaim ago, mams marit new man, I lukaut yu like I fada yu, okei.

My spy kids at skul tell me you pren wan miks reis gel ah?. I don't wan misis slek around my smol bro, okei.

Mas wok hat like meri Makam eksampol to Atzera

and Watarais gels.

Em givim tok stia pinis na em i laik go tokim dispela gel pren bilong smol bro.

Olsem na em i go long skul na bungim dispela miks reis meri ya na tokim em, I skul smol bro ol redi.

In Makam we want kik gels, no slek misis to sindaun as around, okei.

Ol lain long skul i harim na i no isi isi long na go stori long ples. Skul siaman i harim na pinisim kontrak bilong Kanage long noken moa soim pes long skul graun.

Nogut bai sekyuriti i stretim pes bilong em.

James Omperth Makam Morobe provins

Kanage bilong Makam na em save apim nem olsem em brata bilong memba na em i man bilong kilim pik.

Taim em i stori bai em i tokaut

olsem memba i save kaikai planti pik long han bilong em stret.

Wanpela taim em kamap long ples na wanpela bikpela wel pik i bin raun i kam na ol manmeri i ronim. Kanage lukim na soim strong bilong em long holim na kilim. Tasol pik i ron i kam stret aninit long lek bilong em na bamim stret het kota bilong em. Kanage pilim olsem paia i lait insait long ol rum bilong het kota na em pundaun singaut long wara i kam.

Ol lain pret long Kanage bai dai olsem na wantu tasol ol i askim long kar bilong memba tasol draiva i les long karim Kanage i go long haus sik.

Olsem na ol i putim em long haiwe trak na karim em i go daun long Angau haus sik.

Taim Kanage kisim tingting na ai i op em save olsem em i stap long haus sik.

Em kirap bikmaus long olgeta lain na tokim ol, husat tokim yupela long karim mi kam hia a?. em hap bilong ol dokta ya.

Ol bai kaikai mi ya. Kanage save ting dokta em ol dok bilong kaikai ol sikman ya olsem na em bikmaus na singaut kam ausait.

Ol ples lain i paul olgeta na tokim ol yet, larim em mekim long laik bilong em na painim dai bilong em. Yumi go long ples.

James Omperth Makam Morobe provins

Kanage go long Wewak long salim vanilla long wanpela wiken.

Em salim na kisim mani pinis na tingting long baim liklik 6 peks na dring pastaim.

Boi go long lika sop nab aim 12 peks na dring i stap na taim pinis na olgeta kar bilong ples i go pinis na ples i go tudak nau.

Dispela taim tu em bikpela kefiu i kamap na ol polis i raun long holim ol lain i raun bihain long 8 kitok nait.

Turangu Kanage em man bilong ples na i no save long dispela kefiu

olsem na em sindaun dring i go inap olsem 9 kilok nait na em kirap wokabaut painim haus bilong ol wantok long slip wan nait pastaim na dring sampela botol moa inap tumoro.

Em wokabaut igo nogat polis kar i kam na holim em na karim emi go.

Insait long kar ol polis askim Kanage, yu save long kefiu tu o nogat?. Kanage sindaun i go na het bilong em paul na em tokim ol polis.

Mi no save long dispela man kefiu, mi kam mi yet na mi yet baim lus botol bilong mi na dring isi long mi yet. Dispela man em i mi no save long em, nogat tru. Ol polis i harim na lap indai na tokim em, em orait paps, tok pisin bilong yu i win olsem na yu ken i go tasol noken raun moa long nait. Nogut kefiu bai holim yu na kilim yu.

J Linge Vanimo Sandaun provins



wantaim JOE IVAHARIA



• Tupela sumatin bilong Tong Kunne Do- Kung Fu Skul traim bun Kung Fu long Sir John Guise Stedium. Planti ol arapela sumatin i kamap tu.



• Stanley Douglas bilong Morata Blues i traim tasol banis bilong Morata Maroons i strong tumas. Maroons win 13-6.



• Gol Kipa bilong Polis Het Kota i laki tru long holim bal bipo long birua bilong em long Atoni Jenerol i sutim bal i go insait long umben bilong em.



• Ol junia basketbol pilaia lainim ol teknik long wangepela basketbol klinik long Sir John Guise Indo Kompleks long wiken.



• Long lep han- Siaman bilong IPBC Masket langalio i givim K30,000 sek mani i go long siaman bilong PM sumani golf tonamen Nick Kuman long statim dispela fanresing long pilai. Sanap namel na lukluk em POM Golf Klub presiden Stan Walker.



• Baga man bilong Telikom i laik rausim bal gut long NBC tasol i abrus long NCD Pablik Sevens Soka Resis long Sir John Guise Stedium soka graun.

POT MOSBI SOKA ASOSIESEN MEKIM BEL ISI PILAI

Taim	Graun	Tim	Pul	Pilai
Sarere 22/01/05				
8:00	B1	PS Rutz vs Mirei Momase	pul 1	gem 1
9:30	B1	Cosmos vs Kurti Andra	pul 1	gem 1
8:00	B2	Rapatona vs ANZ University	pul 2	gem 1
9:30	B2	Blue Kumuls vs LBC Defence	pul 2	gem 1
12:00	B2	PS Rutz vs Cosmos	pul 1	gem 2
12:00	B1	Rapatona vs LBC Defence	pul 2	gem 2
1:30	B2	Kurti Andra vs Mirei Momase	pul 1	gem 2
1:30	B2	Blue Kumuls vs ANZ University	pul 2	gem 2
Sande 23/01/05				
8:00	B1	PS Rutz vs Kurti Andra	pul 1	gem 3
9:30	B1	Cosmos vs Mirei Momase	pul 1	gem 3
8:00	B2	Rapatona vs Blue Kumuls	pul 2	gem 3
9:30	B2	LBC Defence vs ANZ University	pul 2	gem 3
12:00	B1	1st ples pul 2 vs 2nd ples pul 1	1st kwata	fainol gem A
1:30	B2	1st ples pul 1 vs 2nd ples pul 2	1st kwata	fainol gem B

POT MOSBI SOFBOL MERI

Sarere 22/01/05

Daimon 2

9:30 Chebu vs Gazelle B Gret
 11:00 Dolphins vs Malangan B Gret
 2:20 Dolphins vs Gazelle A Gret
 3:30 Airways Bears vs SP A Gret

Daimon 3

9:30 SP vs Wantok B Gret
 11:00 Admiralty vs Airways Bear B Gret
 2:00 Admiralty vs Wantoks A Gret
 3:30 Chebu vs Norths A Gret

Sarere 22 Januari 2005

Ples	R6	A Gret (50 overs)	Taim	Mat/Stumps	Umpires
Amini	Mobil Steamships	vs Chubb United	10:00am	M/STC (Assn)	Herea Pegi / Hale Ginate
Colts	Lamana Mariners	vs Dogura	10:00am	Mariners (Assn)	David John / Iamo Manega
R13 B GRADE (40 overs) (End of Competition)					
STC	OS Hoods	vs Kempa	12:30	Kempa	Imran Alu
Nomads	Aussie Hi Com	vs Curries	12:30	Curries	Ralavu Rai
MB	PB Cheung	vs Dogura	12:30	Dogura	Raka Ipi
HMS2	Lamana Mariners	vs Pari	12:30	Pari	Kila Iga
R13 Under 19 (30 overs)					
STC	BNG Poreporena	vs Kempa	8:10	Kempa	Ralavu Rai
HMS2	Chubb United	vs KCC	8:10	United	Kila Iga
R12 Under 17 (25 overs) (Stumps Only - Mat Optional)					
Rules	BNG Poreporena	vs Pari	2:00	PCC	Sinaka Kila
R12 Under 15 (20 overs) (Stumps Only - Mat Optional)					
MB	Dogura	vs TST Coasters	9:00	Dogura	Raka Ipi
Rules	BNG Poreporena	vs Raukele	8:00	PCC	Sinaka Kila
Rules	Chubb United	vs OS Hoods	11:00	Hoods	Sinaka Kila
KCC	KCC	vs Lamana Mariners	9:00	KCC	Arutu Goasa
R12 Women's (25 overs) (Stumps Only - Mat Optional)					
Nomads	KCC	vs Chubb United	8:10	KCC	Seura Loa

Sande 23 Januari 2005

Venue	R6	A Gret (50 overs)	Taim	Mat/Stumps	Umpires
Amini	OS Hoods	vs BNG Poreporena	10:00am	Hoods (Assn)	Vele Kula / Clive Elly
Colts	Raukele	vs TST Coasters	10:00am	Raukele (Assn)	Lakani Oala / Frank Baroa
R13 B GRADE (40 overs) (End of Competition)					
STC	Mobil Steamships	vs Chubb United	12:30	M/STC	Kila Nouairi
MB	Raukele	vs TST Coasters	12:30	Coasters	Raka Ipi
HMS2	BNG Poreporena	vs KCC	12:30	KCC	Kila Iga
R13 Under 19 (30 overs)					
STC	Mobil Steamships	vs Dogura	8:10	M/STC	Walo Charlie
R12 Under 17 (25 overs) (Stumps Only - Mat Optional)					
Nomads	Mobil Steamships	vs Raukele	8:10	Raukele	Kila Nouairi
HMS2	KCC	vs Kempa	8:10	KCC	Kila Iga
Rules	Chubb United	vs Lamana Mariners	8:10	Mariners	Vai Nou
R12 Women's (25 overs) (Stumps Only - Mat Optional)					
Rules	BNG Poreporena	vs Lamana Mariners	12:30	Mariners	Sinaka Kila
MB	TST Coasters	vs Dogura	8:10	Coasters	Raka Ipi

BYE: Under 15 Pari
 Under 19 Lamana Mariners

Toksave:

- 1) Ampaia: Club captains to make alternate arrangements if the appointed Umpire is not in attendance.
- 2) Umpires to declare the winner, must print their names in the scorebook as well as sign the book.
- 3) Both Scorebooks to be completed with names of batsmen, bowlers, catches, wicket-keepers, DNB's and the winner declared. Penalty: one point.
- 4) A further penalty of two (2) competition points for failure to hand in your scorebook to Tony Elly's residence at Hohola by 7pm after the match.
- 5) Balls: 'A' Grade "Googly" (K50), Lower grades "Gem" (K40).6) Raukele U19 have withdrawn. Teams on a bye from this point only will receive 8 points.


Turangu Kriket kamapim K18,000

PILAI spot em i bikpela samting long bungim ol pipel.
 Dispela em i kamap ples klia long Lloyd Robson pilai graun long Fraide we ol kriket lain i kamap na pilai.
 Dispela pilai em grup bilong 1 Sri Lanka long Pot Mosbi i oganaisim we ol i kamap wantaim K18,00.
 Foapela tim i kamap- Sri Lanka, Papua Niugini, Australia Hai Kominsen na ANZACS we ol i pilai long 10- ovas-a-sait.
 Benk Saut Pasifik husat i sponsorim PNG tim i putim bikpela mani we mak bilong em i kamap olsem long K5000 na Insitut bilong Bisnis Stadi (IBS) i putim K5 long wanwan ol ron i kamap.
 Ela Motors i putim K50 long wanwan ol bal ol i paitim long mekim 6-pela ron.
 Na Airways na Shell PNG i givim ol prais long dispela pilai.
 Ol pilaia i mekim 900 ron long 6-pela pilai we long dispela 20 siks i bin kamap.
 Kodineta bilong dispela pilai Kuhaseelan Rajadurai i tok dispela fanresing i gutpela tru.
 "O em i naispela tru," em i tok long taim em i lukluk long bekim i kamap long ol bisnis haus na ol lain husat i kamap long pilai.
 Em i tok em amamas tru long pasin em ol manmeri i soim we moa yet em i givim tok tenk yu i go long ol tim bilong ANZACS na Australia Hai Komisen husat em i tok i bin baim wei bilong ol yet long pilai.
 "Mi tok tenk yu long olgeta long mani ol i givim," Rajadurai i tok.
 Long wanpela toksave em i tok: "Long makim maus bilong komyuniti bilong Sri Lanka, mi givim bikpela tok tenk yu long yupela olgeta long gutpela pasin na helpim yupela i givim long kamapim dispela gutpela pilai we olgeta i amamas long en.
 "Yupela olgeta husat i kamap long kamapim dispela pilai bihainim gutpela tingting em dispela em i bikpela samting.
 "Mi tok tenk yu gen long gutpela pasin bilong yupela," em i tok.
 Mahuru Dai bilong PNG i pilaia bilong tonamen. Em i go pas long wan pilaia bilong em Gimapau Keimelo na "iapun" bilong tonamen John Newman bilong AHC husat i kisim luksave long em i holim tripela bal long pilai.
 Rajadurai i tok tenk yu tu long PRL.

Is Niu Britan Sofbol no amamas long nem

Sua Kilis i raifim

IS Niu Britan sofbol lig i no amamas long Nesenel Sofbol i kolim em "rebel" lig long em i no afiliet long nesenel bodi.
 Long bekim dispela Asosiesen i tok em i no laik long wanem nesenel bodi i no save gat luksave long ol pilaia bilong em long makim ol i stap insait long nesenel sait bilong em.
 Presiden bilong Kokopo Sofbol Asosiesen Tini Derio husat i vais presiden bilong Is Niu Britan Sofbol Lig i tok em i no afiliet long nesenel bodi long wanem em i gat toktok long dispela.
 Bikpela as em long em i nogat mani.
 Narapela samting em long em i no save kisim helpim taim em i askim long teknikal wok.
 Long dispela as em i tok standet bilong sofbol long Is Niu Britan i go daun.
 Na taim sofbol i no kamap ol manmeri i go insait long tas ragbi pilai na dispela i pasim tingting bilong ol olgeta.
 Na long wiken ol pilai bilong Kokopo Sofbol Asosiesen i mas kamap tasol turangu i nogat wanpela tim bilong ol man o ol meri i kamap liklik.
 Derio i tok lig las foapela yia i wok long traim hat long kirapim bek sofbol long provins.
 Long dispela as em i no bin inap long gat taim na mani long afiliet i go long nesenel bodi.
 Ol samting em i traim long strongim gen pilai em long kamapim Gavana Kap pilai na Kap bilong Meia.
 Em i tok Lig i laik long afiliet long dispela yia long nesenel bodi tasol pastaim long em i mekim olsem em i mas stretim bes bilong em yet long provins. Is Niu Britan Sofbol Lig i gat tripela asosiesen- Kokopo, Gazelle na Rabaul.



•Pramin Minista Sunami Golf Pilai bai kamap long narapela wik Fraide, 28/01/05. Hia long (l) siaman bilong pilai Nick Kuman, presiden bilong POM Golf Klub Stan Walker na IPBC siaman Masket langalio i ti ov long lonsing bilong pilai long POM Golf Klub long Tunde.

Alicia Molik sapatim Kuznetsova long hevi

MELBOURNE: ALICIA Molik i sapatim Svetlana Kuznetsova maski ol niusman i tok em dispela pilaia i gat ol hevi bilong kisim drag long Australia Open.

Molik i mekim olsem taim em i go long olgeta stua we em i kisim ol niuspepa na tromoi i go ausait long soim olsem wanem samting ol niusmanmeri i tok na rait i trupela.

"Mi ting em i bikipela samting long ol manmeri ol i bilipim hap ol samting em ol i harim na no save bilipim wanem samting ol i save ritim," Molik i tok.

Bihain long dispela em i go insait long Melbourne Tennis Kot we em i hamarim gut pilaia bilong Spain, Anabel Medina Garrigues long ol bal bilong em.

Ating em i tingim bipo pinis wanem samting em bai mekim tru tru na olsem taim em i krungutim kot em i no wet long paitim ol strongpela bal i go long Garrigues.

"Mi laik gut long stat bilong pilai," em i tok. "Na mi ting em i stat long kisim taim nogut long mi na em kain wei mi laik long pilai."

I nogat tupela tingting long wei Molik i wok long pilai nau.

Taim askim i go long em long wanem las taim em i lusim wanpela singel pilai bilong em Molik i bekim: "Mi no save."

Long sapatim boks bilong em em Fraser Gehrig na Scott Cummings, ol futbol pilaia husat i no save bihainim tumas tennis.

Long boks bilong ol opisel em narapela Cummings, Bart husat i gat nem long winim ol bikipela hos res pilai olsem Melbourne Hos Resis.

Olgeta dispela ol biknem man i kamap long lukim wei Molik pilai.

Siti bilong em, Melbourne i stap baksait long em.

"Mi save ol manmeri i laikim tru," em i tok. "Mi wanpela bilong ol."

Hero bilong Molik em wanpela biknem tennis pilaia bilong bipo Steffi Graf bilong Jemeni. (Graf nau i meri bilong wanpela biknem tennis pilaia bilong Amerika Andri Aggasi).



Alicia Molik i tromoi han long em i autim tiket bilong Anabel Medina Garrigues long Australia Open Kap pilai. Ol stori na poto long dispela pes: SYDNEY MORNING HERALD.

Graf i no meri bilong tingting. Na olsem Molik tu i bihainim kain pasin bilong em.

Em i no save tingting long mesik, spirit o yusim sampela kain wei long win. Nogat. Em i save pilai stret long win.

Olgeta pilai bilong em em i save lukim olsem olgeta i bikipela. Maski ol i bikipela o liklik ol tonamen.

"Nau mi kisim presen em ol hatwok mi save mekim long olgeta dispela taim em mi bin mekim long em," em i tok.

"Maski long sampela yia bipo mi bin stap long 40 na 50 long wol renk tasol olgeta dispela taim mi save mi gutpela pilaia. Mi mas i gat gutpela namba klostu long nem bilong mi.

"Mi ting em i save helpim taim mi save gat bilip long mi yet moa long kain wei ol arapela pilaia i gat tingting long ol yet.

Molik i hariap long long go pas wantaim 5-0 long namba wan set bilong pilai na i no moa lukluk bek long narapela tupela set long winim pilai.

Chelsea inap go long fainol

LONDON: Kosa bilong Chelsea Jose Mourinho long Novemba las yia i tok tim bilong em bai winim Ingran soka klub.

Tru dispela i no kamap trutru long Sarere taim ol i pilai long Tottenham long Sarere we long wankain we Arsenal husat i difening sempion i winim long las sisen.

Tasol win bilong ol 2-0 egensim Liverpool i min olsem kain tingting bilong Mourinho long ol bai winim primia kap i wok long kamap klostu long karim kaikai. Long wankain taim Arsenal i lusim pilai bilong ol 1-0 long Bolton Wanderers long las wiken.

Dispela i min olsem Chelsea nau i gat 10 poin pas long Arsenal long kompetisen.

Las taim Chelsea i winim kap em 50 yia i go pinis na sapos dispela Mas ol i winim dispela bai histri win bilong ol.

Kosa bilong Arsenal

Arsene Wenger husat long 1998 i laikim Arsenal long mekim wanpela histri i mekim olsem long lukim ol i winim taitol long dispela taim.

Na pilai bilong ol longwe long Tottenham husat i suruk 8-pela ples i go antap i na i nogat hevi long dispela.

Na bos bilong Manchester United Sir Alex Ferguson i wok long ting olsem ol bai lus.

Tru tru samting wankain olsem ol arapela pilai i bin kamap long sisen Chelsea i no bin luk olsem ol bai lus.

Dispela long wanem ol i gat skipa John Terry na William Gallas long strongim tim bilong ol. Long olgeta 13 pilai bilong ol Chelsea i no bin lus.

"I nogat wanpela (tim) inap long winim Chelsea long dispela sisen," Tottenham Dats kosa Martin Jol i tok.

"Em i hat long pilai wan-

taim ol long wanem olgeta taim bal i stap wantaim ol we (Damien) Duff na Arjen (Robben) ol i gat tripela straika. "Taim bal i no stap wantaim ol i gat faivpela midfil pilaia we tripela i stap long namel.

"Ol wok hat. Mourinho i mekim gutpela wok tru olsem ating em i wanpela spesel kosa," Jol i tok.

Man husat i baim Chelsea na lukautim Chelsea em Rasia bisnis man Roman Abramovich husat ol niusman i tok sapos Abramovich i mekim ol samting long wei bilong em Mourinho bai kisim bikipela mani.

Long ol Arsenal kosa Wenger i tok "Ol i ken lus nau long wanem ol i winim taitol pinis," dispela em bihain long lus bilong ol long las Sarere.

"Sapos mipela i stap tripela poin long ol narapela tim i nogat moa samting em ol arapela tim bai mekim long holim mipela,"

Wilkinson winim spotman-bilong-yia

WOL kap-win faivi-eit Jonny Wilkinson i winim 2005 Ingran Spotman-bilong-yia. Em i winim dispela awod moa long narapela ol pilaia olsem soka Ingran soka kepten David Beckham.

I gutpela long em i kisim dispela taitol tasol turangu bai i no inap stap long tim bilong em Newcastle long pilai long Ingran ragbi lig yunion we las wik ol i lus long Frans sait Perpigan 33-12 long Heinken Kap.

Wilkinson i no bin kamap long planti pilai long dispela sisen long hevi i stap long skru bilong em.

"Jonny i kamapim sampela bagarap long skru bilong em na marasin tim bilong mipela i wok long em yet," Newcastle ragbi yunion dairekta Rob Andrew i tok.

"Mipela i nogat save long wanem bagarap tru i kamap tasol Jonny i stap wantaim pen na dispela i soim olsem sampela bagarap tru tru i kamap. Mipela bai save sapos em i skenim skru bilong em.

Nau yet Wilkinson i stap wantaim tupela tingting sapos em bai stap long fainol pul bilong pilai long kompetisen na bihain makim kantri long stap insait long ol pilai long Siks Nesen tonamen.

Siks Nesen tonamen bai kamap long wik i kam.

NSW mekim gut long Pura Kap

MOA long wanpela Niu Saut Wels pilaia i sori log abrusim ol sans bilong pilai long Adelaide tasol maski long dispela ol Blues i go het long winim Saut Australia long Pura Kap pilai.

Phil Jaques i pilai gut we em i paitim isi ol bal na klostu i laik kisim 100 tasol abrus na em i go aut bipo long senseri.

Na wankain olsem em Dominic Thornely i husat ol manmeri i ting bai mekim 100 ron i pundaun long han bilong Saut Australia.

Na Ed Cowan husat i no bin stat gut i bagarap olgeta long dispela taim. Ol Blues i mekim 298 ron olgeta bihain long ol i winim tos.

Long taim Niu Saut Wels i gat 3-196 we pesman Matthew Nicholson i paitim bal bilong ol Redbacks olgeta taim i save dispela bai i pilai bilong ol.

Saut Australia i no pinisim yet beting bilong ol na olsem aste (Trinde) ol i kamap gen long pinisim pilai bilong ol.

Long Tunde ol Redback i mekim 2-23 ran taim Nicholson i autim tiket bilong opena Tom Plant wantaim pato. Long dispela taim Plant i no bin traing lng paitim wanpela bal.

Na wan pilaia bilong em Luke Williams husat i kisim taim nogut long mekim 14 ran tasol.

Na long taim lek spina Stuart MacGill husat i wok long likim bai long boul i go long ol Saut Australia long namba foa ining seken ples NSW bai pusim strongim bai laik lukim olsem ol i win namba siks taim long sisen.

Namba wan ining bilong NSW i bin kamap gut tru. Long taim SA i mekim 2-79 tupela tim i go aut long kisim malolo.

Ol Blues i givim 125 lus i go long tupela betman long seken sesen bipo long ol i lus 6-94 bihain long liklik malolo. Jacques i mekim 125-bol long 82 bipo long em i kisim taim nogut long ting olsem isi bai em i isi long paitim.

Na Thornely husat i pas long pilai i lus taim em i mekim tasol 74 ron we long taim 22-yia Cowan i stap isi long mekim ol ron bilong em long taim yangpela ov-spina Dan Cullen i boul.

Opena Jaques na Greg Mail i stat gut tasol long 14 ova dispela man husat i no bin pilai gut i go aut long 1-34 taim em i pilai gut long pesman Paul Rofe na givim em yet i go long han bilong ov-spina Dan Cullen.

Matthew Phelps i givim Manou namba tu taim long holim bal we em i pilai bek long Shaun Tait wantaim 51 ran. Dispela tupela opena i pilai strong long brukim kiau na mekim 38 ron long s7 ova.

Jacques i katim 6-pela ov medium-pesa Ryan Harris long moning na bihain long em i mekim 50 ran long belo i pulim Cullen long mekim narapela ol ron.

Dispela i mekim Jacques long mekim 82 ron long ol bal bilong Harris. Na Cowan klostu tupela taim em i aut taim ol birua pilaia i no holim passim ol bal bilong em tasol long namba tri taim em i aut.

Cowan i go aut taim em i mekim 27 ran long bai ampai Simon Fry i givim em 1bw.

Montreal gat hevi long mani

OL namba wan swima bilong Australia bai go bek long Athens long kamap long Wol Sempionsip.

Montreal long Kanada i bin ples we ol sempionsip bai mas kamap tasol bihain long em i gat hevi long mani ol swimming bodi, FINA i makim Athens long holim ol pilai.

Tasol ol opisel bilong Montreal bai sindaun long narapela tupela o tripela de long kamap wantaim tingting long wanem samting tru ol bai mekim gen long stretim. I nogat gutpela sapat long ol sponsa na ol manmeri i no baim ol tiket na dispela i givim hevi long ol oganaisa.

Kos bilong kamapim dispela ol pilai i sanap, olsem Aus\$19.7m we ol pilai bai kamap long Julai long dispela yia. Ol opisel bilong FINA i tok ol bai i no inap long helpim Montreal long sampela mani bai bung long Frankfurt long skelim gen tingting bilong ol.

Na tru Swimming Australia husat i kamap namba tu long Montreal long vot long holim ol pilai long Long Beach i no inap kamap gut long wanem em tu i gat hevi long mani.

"FINA opisel nau i kibung long Frankfurt (Jemeni) na nau mi harim olsem ol i holim yet hop long lukim Montreal i go het long kontrak bilong em," Swimming Australia sif eksekutiv Glenn Tasker i tok.

"Tasol long save bilong mi ol i gat plen B i stap..... tasol mi no save long dispela plen.

Kala bilong Lahanis

James Kila i stori long we Goroka Lahanis ragbi lig klab i kisim ret na wait kala long yuni-fom bilong ol.

NSAIT long kol-ples Goroka taun tude planti manmeri i save lukim wanpela lapun wait man tru husat i save draivim wanpela wait-pela dabol kebin olupela Toyota hailux ka raun i stap. Nem bilong dispela stail lapun waitman em Les Gillies.

Lapun Les i stap longpela taim tru long Goroka taun na Isten Hailans provins na em wanpela man husat i save gut tru long histori bilong ragbi lig long Hailans long 1950s na 60s.

Yes, lapun Les Gillies em i karim bikpela histori tru bilong Goroka insait spot bilong ragbi lig.

Tasol dispela histori planti lain i no save tumas. Dispela lapun wantaim brata bilong em Merv Gillies em tupela tasol i bin bringim dispela kala wait na ret straip i kam long Goroka na nau yet dispela ol kala i pas long ragbi tim bilong Isten Hailans em Goroka Lahanis.

Les wantaim brata bilong em Merv i go go na kisim ol kol-siot em wait na V-seip ret straip na karim long ples bilong ol long Waggawagga long kantri Nu Saut Wels i kam olgeta long Goroka.

Dispela wait na ret straip kala i pas strong nau long Goroka na olgeta taim tim bilong Goroka i go ol i save karim wantaim na go pilai.

"Dispela kala i no bilong St George. Em kala bilong taun bilong mi long Waggawagga em mi wantaim brata bilong mi Merv i bin karim i kam long Goroka na dispela i pas na stap olgeta olsem kala bilong provinsal ragbi tim bilong Isten Hailans." Gillies i stori olsem.

Les i stori olsem long dispela taim ples i save kol na ol ragbi lig pilai i save werim ol longpela han jesi na ron insait long fil. Long dispela taim Les i save pilai olsem lok-fowet na em wanpela strongpela pilai stret.

"Dispela tim bilong mipela i save givim gutpela salens tru i go long ol narapela tim bilong Lae, Madang, Bulolo na Mosbi," Les i stori.

"Planti ol waitman bilong Australia husat i wok long Goroka long dispela



• Goroka Lahanis i werim yet dispela ret na wait kala em lapun Les Giles i karim i kam yet long Waggawagga, Nu Saut Wels, Australia long pilai ragbi lig. Ol foto: JAMES KILA

taim i save pilai ragbi. "Long dispela taim mipela i save olsem tim bilong Bulolo i gat planti ol Kwinslen lain i save pilai long en na tim bilong ol i save pilai strong tru. Tasol mipela ino save wari," Les i tok. Les i stori olsem em i bin kam nambawan taim tru long kantri long

ya 1946. Wanpela poroman bilong em i bin grisim em gut tru taim tupela i dring 3-pela botol bia insait long wanpela klab long Sydney, Australia. "Dispela fren bilong mi i grisim mi gut tru olsem i gat planti wok long Bulolo olsem na long 1946 mi karim ol liklik tuls bilong mi long wok na baim balus na flai i kam long PNG," Les i stori olsem.

Les Gillies i gat 87 krismas bilong em na em i lapun tru.

Tasol em i save tingim yet ol gut taim bilong en long Goroka na tu dispela strongpela gem bilong ragbi lig.

Taim Les i bin yangpela yet dispela man em wanpela sotpela na strongpela ain man long pilai lig. Em save gut tru long ron na setim ol tim meits bilong em long karim bal na brukim difens

Bagaros i save lokim skram na i save winim bal planti taim bilong Goroka sait taim ol pilai wantaim Bulolo, Lae o Madang.

Narapela samting tu em Les Gillies em wanpela bilong olupela waitman husat i stap tude long Isten Hailans husat i gat planti rekot bilong histori taim Australia i wok long lukautim Niugini olsem koloni bilong en

Les i bin stap na wok wantaim ol lain husat i kamapim Hailans rijon olsem Jim Taylor, Jim Leahy, Ian Downs na George Greathead. Ol dispela lain i go pas long kirapim developmen long Hailans rijon.

PNG i bin luksave long Les Gillies na em i bin kisim wanpela medal bilong em long Kwin Elizabeth. Dispela hona em i kisim em Memba bilong Britis Empaia (MBE).

Ol i bin givim em dispela hona bihain long ol i luksave long wok bilong em olsem wanpela bilda o kapenta. Tru tumas, dispela man em papa bilong pri-fabriketed bilding

insait long Papua Niugini.

Les Gillies i bin kamap wantaim dispela tingting bilong wokim freim bilong haus na bihain ol i ken karim i go na nilim na kamap wantaim haus stret. Dispela kain system bilong wokim haus em ol i kolim "Bulolo Taip".

Les Gillies i bin go pas long wokim planti ol dispela kain haus insait long Hailans rijon na PNG. Dispela ol stail bilong wokim haus em Les i bin stat wokim taim em i wok olsem kapenta o konstraksin man long Bulolo long 1940s.

Long dispela taim ol wokman long Bulolo i save wokim ol dispela pri-fabriketed haus na DC3 balus i save karim i go long ol narapela senta insait long kantri.

Les i stori olsem Bulolo Gol Dredjing Kampani (BGDC) i bin wanpela nambawan kampani tru long kirap bek bihain tasol long Wol Woa 2.

Long dispela taim planti ol samting i bin bagarap.

"Ol bagarap i kamap long Bulolo long dispela taim em ino ol birua bilong Japanis i wokim.

"Nogat. Ol lain Australia yet i mekim bikos ol ino laik ol Japanis i go na kisim ol dispela masin na ol samting bilong painim gol long Bulolo," Les i stori olsem.

Taim Les i stap yet long Bulolo em i go pas long kamap wantaim dispela tingting bilong pri-fabriketed haus em "Bulolo Taip" na ol narapela wokman na menesa bilong em i amamas long tingting bilong em na ol i kamapim dispela kain stail bilong wokim haus.

"Mipela i no sot long diwai bikos planti ol kliniki pain i gro long ol veli long Bulolo na dispela mipela i yusim long wokim ol dispela pri-fabriketed haus." Les i stori olsem.



• Lapun Les Giles save gut tru histori bilong ragbi lig long Hailans.

Morata Lig kamapim K1800 long sunami apil

Andrew Molen i raitim

I NOGAT wanpela tim i lus long dispela laspela gem bilong Morata Stet ov Orijin namel long Morata (1) Maroons na Morata (2) Blues bilong wanem ol i no pilai long win o lus tasol long helpim ol brata na susa bilong ol long Esia husat i kisim bagarap long solwara.

Gavana bilong Nesenel Kapitol Distrik na siaman bilong Nesenel Disasta na Imejensi Sevis, Sir William Skate i tok taim em i stap na lukim laspela gem bilong Morata Stet ov Orijin we ol i bungim moa long K2000 long helpim ol lain i kisim bagarap long Aceh, Indonesia.

Em i tok maski ol Blues i sempion bihain long ol i winim tupela gem na lusim laspela we ol Maroons i kisim 13-6, tupela tim wantaim i win.

Embeseda bilong Indonesia, Johannes Djopari i no bin i stap long statim pilai tasol fes seketari i makim em na kamap.

"Dispela i soim olsem Papua Niugini na Indonesia bai i stap strong tru olsem ol brata stret," mausman i tok.

"Mi tok tenkyu long yupela na mi save olsem dispela donesen bilong yupela bai i helpim gut tru ol lain i kisim bagarap," em i tok.

Morata Lig i bungim mani inap K1,800 long get, K110 long ol kempen na raun bilong ol, pastor Joseph bilong Morata i givim K100 na wanpela polisman long Waigani i givim Rp510 we em i mani bilong Indonesia yet.

Presiden bilong Morata lig, Billy Yaki i tok tenkyu long ol pilaia na komyuniti bilong em long sapot bilong ol taim em i givim mani i go long embeseda.

Sir William i tok ol i givim mani i go long ol lain long Indonesia tasol ol i mas tingim ol long prea tu long ol manmeri husat i kisim bagarap long narapela kantri.

"Yupela i givim mani tasol yupela i givim lewa bilong yupela tu i go long ol na long dispela mi laik tok bikpela tenkyu i go long yupela ol pipel bilong Morata na ol pilaia.

"Mi laik tupela tim i save tu olsem tupela wantaim i win na i nogat wanpela i lus na long dispela yupela i sempion bilong



• Morata Blues kepten Kevin Kepas i painim hat long brukim difens bilong Morata Maroon las Stet ov Orijin pilai. Maroons win 13-6.

Foto: JOE IVAHARIA

Morata na bilong Pot Mosbi wantaim," Sir William i tok.

Long wankain taim petron bilong lig, Rex Paki husat i sponsorim dispela Stet ov Orijin gem i tok amamas na givim tropi na K600 i go long Blues na K400 i go long ol Maroons.

"Mi lukim gutpela gem i kamap na we i nogat bikhet pasin na mi amamas olsem na narapela yia bai mi sapotim kompetisen na Morata Stet ov Orijin pilai," Paki i tok.

Ol Maroons i kam bek strong tru bihain long ol i lusim fes tupela gem bilong ol long win 13-6. Tasol dispela i no bin isi pilai. Tupela tim wantaim i bin gat planti

sans long skoa tasol liklik ren i mekim we bal i wel na planti ol pilaia i lusim bal.

Faiv minit bipo long hap taim Maroons faiv-eit Junia Kori i skoa tasol tri minit bihain senta bilong Blues Joshua Lapa i bekim na Blues i go pas long hap taim wantaim 6-4 skoa.

Ol pilaia i ken seken hap tasol ol Blues i no inap long stopim ol Maroons husat ol i kisim ol trai i kam long Jonathan Alphonse, Fata Mungaso na pilaia bilong pilai Enosi Gawa long givim 13-6 skoa long winim las gem na stretim sindaun bilong ol.

Yaki wantaim ol opisel bilong em i tok mani ol i givim i liklik mak bilong ol.

Airways Bears bai bungim SP

Paul Zuvani i raitim

AIRWAY Bears i redi long bai bungim SP long Pot Mosbi sofbol meri mein gem long dispela Sarere.

Tasol dispela bai strongpela pilai long wanem tupela wantaim i winim ol pilai bilong ol long las wik na bai traim long skruim dispela gutpela mak bilong ol.

Las wik Bears i hamarim Admiralty 7-0 na SP i pairapim ol turangu Dolphins 9-0.

Bears i gat nem long winim ol pilai wankain olsem ol Gazelle long Pot Mosbi sofbol meri. Nau yet ol i difening sempion bilong kompetisen.

Ol i gat gutpela ol pilaia olsem tupela susa Nicky na Leno Simba, Maggie Joseph na Terry Akorare. Wantaim dispela ol pilaia em Matilda Moe na Fielma Takaili husat bai kisim tu helpim i kam long narapela ol memba bilong tim.

Bears i nogat planti samting long wari.

Paitim bal, ron o holim bal na pits em i stap long kona bilong ol. Bikpela wari em long ol i mas paitim gut bal na tromoi gut bal i go long ol yet. Sapos ol i mekim olsem dispela pilai i bilong ol.

Tasol long wankain taim SP husat i wok long kamap ol strongpela pilai na las wim i nekim ol Dolphins i tesim pinis long pulim wara long skin. Ol bai laik bihainim gutpela ron bilong ol na wantaim dispela tingting bai traim yusim olgeta strong na save long holim passim Bears.

Las wik maski kosa bilong ol Masalum Pasob husat i go malolo long ples bilong em long Kavieng na i no stap wantaim ol tim i mekim gut na winim pilai bilong ol.

Bikpela samting long ol i win em long ol i mas paitim gut bal, holim gut bal na tro-

moi gut bal long ol yet.

Moa yet pita i mas sutim ol gutpela bal i go long ol Bears long popia bai ol i mekim ol asua. Long go pas SP em Bernadette Cherum.

Long ol narapela palia, Admiralty husat i go daun long Bears las wik bai traim painim wei long stretim wari bilong ol wantaim Wantoks.

Wantok i strongpela tim tu na dispela bai givim tu sampela hetpen long Admiralty tasol sapos ol i ken pilai gut ol inap long win.

Las wik Wantok i kisim taim nogut long han bilong Chebu we ol i lus 6-4 na bai lukluk tu long stretim dispela hevi bilong ol.

Long go pas long Admiralty em Nellie Nelson. Wantok bai kisim sapot long Jenny Katape na Pauline Wakit.

Chebu bai traim han wantaim Norths.

Chebu husat i winim pilai bilong em long las wik i putim mak pinis na bai traim olgeta kona long stopim Norths.

Na Gazelle bai kalapim isi tasol Dolphins long pilai bilong tupela. Gazelle husat i gat gutpela lek i gat nem long pilai bai i no inap painim hat long kalapim ol Dolpins.

Dolphins i gat hevi long swim na olsem ol i ron bihain tru long kompetisen.

Ol i gat planti hevi long kem bilong ol.

Namba wan samting ol i mas i gat gutpela tim spirit.

Wantaim tim spirit ol i ken pilai gut long paitim bal, ron, pits na save tru wanem hap ol i mas tromoi bal long stopim ol dia long ron.

Sapos ol i no was gut Gazelle inap bagarapim ol tru long ol ron bilong ol.

Tabubil redi long prisisen ragbi

TABUBIL ragbi lig bai statim prisisen pilai bilong em long Mas.

Dispela toksave i kamap long jenerol miting bilong lig long wiken we presiden bilong ol klab i kamap long en.

Presiden bilong Tabubil lig Eric Kuman i askim ol klab presiden long lukim olsem olgeta pilaia bilong ol i baim registresen fi bilong ol wantaim fi bilong ol ol opisa bilong ol.

Tabubil husat i afiliat tu long Papua Niugini Ragbi Futbol Lig i tok em i laik olgeta samting i mas stret bipo long em i go long enuel jenerol miting bilong PNGRFL long Lae long Februari 12 na 13. Kuman i tok fi bilong ol pilaia na ol opisa i stap olsem tasol bilong las yia.

Em i tok ol wanwan ol klab i mas i gat 40 pilaia long A gret, risev na 30 long junai divison. Fi bilong wanwan ol pilaia em K30 long ol sinia na K20 long ol junia. Wanwan ol klab i mas i gat ol teknikal ol pilaia.

Em i tok olgeta fom na fi em ol i kisim bai go long PNGRFL long miting long Lae. Tasol long wankain taim em i givim tok tenk yu i go long olgeta klab presiden na ol eksekutiv long mekim las yia i kamap gut.

Em i tok bikpela tingting bilong Lig long em i no ken i gat ripot bilong ol hevi olsem bagarapim ol man na ol samting long taim bilong pilai i no bin kamap. Long dispela em i laik lukim wankain ron long dispela sisen.

Sevenpela klab bai lukluk long stap gen long dispela sisen. Dispela ol klab em Tarangau, Brothers, Tigers, Min Raiders, Souths, Country na primia tim United. Kuman i givim tok tenk yu tu long ol sponsa Roche Mining, Ok Tedi Mining Limited na ol arapela sponsa.

PNGABA bai holim Osenia Sempionsip

Joe Ivaharia i raitim

OSENIA Boksing Yunion i bin givim tok orait pinis long Papua Niugini Amata Boksing Asosiesen long lukautim namba 21 Osenia Boksing Sempionsip.

Sempionsip bai kamap long Jun 13 i go inap 18 long dispela yia.

Long wanpela pas i kam long seketeri Osenia Boksing Yunion, Grant Peters na i go long presiden bilong PNGABA long em i amamas long makim PNG long lukautim dispela bikpela tonamen we bai i karamapim ol wanwan kantri insait long Osenia rijon husat i afiliete long OBU.

PNGABA i bin lukautim wankain sempionsip long yia 2001 we yumi bin winim tupela gol medol na tupela brons. Long wanpela bung long tas wik presiden bilong PNGABA Lohial Nuau i bin tok amamas na tenkyu igo long OBU long givim dispela tonamen i kam long PNG long lukautim na ronim.

Nuau i bin tok dispela em i wanpela bikpela tonamen long kalenda bilong boksing na bai mipela mas mekim i kamap gut we mi apil igo long ol koporet kampani na oganaisesen long givim sapot ikam.

Na bikpela askim bilong mipela mas go long Gavman long halivim mipela olsem wankain long 1991 Saut Pasifik gems we olgeta pipol long kantri i bin bung long givim sapot long holim ol pilai long Pot Mosbi na Lae.

Dispela boksing tonamen bai i kisim olgeta wanwan kantri husat i afiliat long Osenia Boksing Yunion i kam long Papua Niugini na em bai i gutpela taim long soim olsem mipela long kantri i ken lukautim tu ol bikpela pilai.

Nau yet PNG Amata Boksing Yunion i mas kamapim wanpela baset bilong ronim dispela tonamen we bai ol i mas salim igo long OBU long kisim tok orait. Wanwan kantri bai painim we bilong ol yet long kam long PNG tasol long stap bilong ol insait long Mosbi bai PNGABU bai i lukautim, presiden Nuau i tok.

Em i tok tu olsem bai PNG i makim tupela tim bilong ol man na wanpela bilong ol meri long pait insait long dispela tonamen.

Dispela bai i nambawan taim bilong ol meri long pait insait long Osenia rijon.

Nuau i bin tok tu olsem long PNG tim ol i bin makim pinis wanpela trening swat long 2004 Nesenel Boksing sempionsip we i bin kamap long Bougenvil na dispela skwat i bin go pait long Australia i no long taim pinis.

Tasol bai i gat sans yet long ol arapela boksa long go insait long tim PNG sapos ol i soim gut trening na pait bilong ol insait long wanwan lokel kompetisen bilong ol, Presiden i tok.

Sapos wanem lokel boksin asosiesen na ol koporet oganasesin o kampani i laik kisim mo toksave ol i mas ringim Presiden Lohial Nuau long mobail telepon 689 2577 o Seketeri John Avira long telepon 300 5464.

Pu laik strongim ragbi lig

...I kam long pes 32

"Tasol mipela laik holim wanpela SP Kap pilai long hap graun bilong mipela na dispela i no inap kamap sapos ol pilai graun bilong mipela i no stret.

Moa yet Pu i tok 2004 sisen bilong ol i bin kamap gut.

"Maski mipela i nogat banis ol pilaia na sapota i pilai stret na amamas.

Long taim em i mekim dispela toktok em tok tu olsem spot i save helpim tu long ol hevi bilong laip na ragbi lig i no narapela samting.

"Wantaim spot yumi ken stretim sampela sosel hevi.


"Ol man i no inap go mekim trabel o go pas long mekim ol samting nogut taim tingting bilong ol i pas long wanpela samting," Pu i tok.

Long dispela sisen em hop long lukim tim husat i stap yet olsem Tigers, Bulldogs, Sharks, Kula Warriors, Panthers na Hunters.

Narapela tripela tim husat em i bin rausim long hevi bilong menesmen na mani em i tok bai kisim ol gen sapos ol i stretim hevi dispela hevi bilong ol. "Nau long nupela sisen mipela i laik stat gut. Mi askim olgeta klab long ol i mas baim registresen fi bilong ol pilaia na opisel bilong ol bipo long PNGRFL AGM long Febuari.



WANTOK Spots



Pu laikim Hagen lig kamap strong

Paul Zuvani i raitim

MOUNT Hagen Chemica Didiman i nupela nem bilong Mount Hagen Eagles Ragbi Lig tim.

Mount Hagen Chemica Didiman i bihainim nem bilong sponsa Chemica Didiman stua.

Dispela senis long nem i kam wantaim nupela menesmen em tim i gat taim em i redi long go insait long SP Kap long nupela sisen, Lig Presiden Alphonse Pu, husat i gat nem long refri na lig edministresen i tok.

"Tarangau (Eagle) tru tru i mak bilong Westen Hailans na dispela mak i stap oltaim wantaim Mount Hagen tasol dispela nupela senis long nem i bilong go wantaim nupela sponsa bilong klab na kisim Lig i go long narapela kompetisen level." Pu i tok.

Long nupela sisen em i lukluk long 8-pela i go long 10-pela tim.

Las yia i bin gat 10-pela tim tasol dispela i go daun long 7 bihain long tripela tim em i rausim bihainim hevi ol i gat insait long tim bilong ol.

Em i bilip dispela sisen bai i wanpela gut-pela sisen.

Tasol em i tok long go het long nupela sisen i gat bikpela hevi long stretim ol hap bilong holim na kamapim ol pilai.

"Mipela i gat ol hevi olsem stretim ol pilai graun, banis na haus bilong stap na lukautim ol pilai.

"Mipela i no save kisim mani long ol get, nogat banis na ples bilong stap na lukautim ol pilai. So mi gat bikpela hevi yet long stretim, em i tok.

Kos bilong stretim ol dispela samting Pu i tok i sanap olsem K250,000. Em i laik askim ol lokel memba bilong Palamen na Westen Hailans Provinsel Gavman long helpim.

"Na askim i go tu long ol narapela bisnis



Koan yu traim...Ol yangpela bilong Tong Kune Do - Kung Fu Skul i lain long paik long Kung Fu masel at long

Sir John Guise Stadium. Foto: JOE IVAHARIA

haus long ol i ken helpim sapos ol i laik sapatim ragbi lig, em i tok.

Em i tok olgeta SP pilai bilong Chemica Mount Hagen ragbi lig tim bai kamap long

narapela ol senta.

Dispela em bihainim tingting bilong PNG Ragbi Futbol Lig husat i laik bai dispela ol pilai i kamap tasol long Pot Mosbi, Lae,

Goroka na Kokopo.

I go moa long pes 31.

**WIDE VARIETY
OF HYBRID
VEGETABLE
SEEDS**

IDEAL TIME FOR PLANTING YOUR FAVOURITE VEGETABLE SEEDS

Brian Bell
Shop with a friend

PLAZA 325 5411 HOME CENTRE CITY, GORDONS 325 0469 LAE HOMECENTRE CITY 472 3900
DISCOUNT HAUS 472 3905 GOROKA 712 1622 KOKOPO 182 1027 MT HAGEN 542 1109 MADANG 182 1851